

**ՍԱՐԳՈՆ II-Ի Ք.Ա. 714 ԹՎԱԿԱՆԻ
ԱՐՇԱՎԱՆՔԻ ԵՐԹՈՒՂԻՆ**

Նոր լուծումներ մեկդարյա բանավեճին*

Բանալի բառեր – Ասորեստան, Ուրարտու, Մաննա, Նաիրի-Խուրուշլիա, Մուսասիր, Ուրմիա լիճ, Վանա լիճ, ասսուրա-ուրարտական հակամարտություն, Սարգոն II, 8-րդ արշավանք, սեպագիր աղբյուրներ, տեղանուններ, նույնականացում, տեղադրություն, երթուղի, պատմական աշխարհագրություն:

Մուտք

Ասորեստանի արքա Սարգոն II-ի (Ք.ա. 721–705 թթ.) կառավարման 8-րդ տարում Մաննա և Ուրարտու կատարած արշավանքի երթուղին պատմագիտության առավել վիճահարույց խնդիրներից է: Հարյուր տարուց ավելի ընթացող գիտական բանավեճը¹ 1970-ական թվականներից շարունակվում է նորովի՝ պայմանավորված հյուսիսարևմտյան Իրանում կատարված հնագիտական և տեղագրական նոր հետազոտություններով²:

*Հոդվածն ընդունվել է տպագրության 23.12.2020:

1 Բանավեճը սկսվել է 1912 թվականից, երբ Ֆ. Թյուրո-Ղանժենը հրատարակեց «Լուվրի աղյուսակը» (ԼԱ), որը Աշշուր աստծուն ուղղված նամակի տեսքով ներկայացնում է արշավանքի մանրամասները (տես **Thureau-Dangin F.**, Une relation de la huitieme campagne de Sargon (714 av. J.-C.), Textes cunéiformes du Louvre, 3, Musée du Louvre, Paris, 1912. (այսուհետ՝ **Thureau-Dangin F.**, 1912): Տես նաև **Luckenbill D. D.**, Ancient records of Assyria and Babylonia, vol. II, The University of Chicago press, Chicago, Illinois, 1927, (այսուհետ՝ ARAB II), էջ 73-99: **Дьяконов И. М.**, Ассиро-вавилонские источники по истории Урарту, (այսուհետ՝ АВИИУ), ВДИ, 1951, N 2, 49: **Mayer W.**, Sargons Feldzug gegen Urartu-714 v. Chr.: Eine militärhistorische Würdigung, MDOG, N 115, 1983, էջ 65-132: Հայ ժողովրդի պատմության քրեստոնամատիա, հատ. 1, Եր., Եր. համալսարանի հրատ., 1981, (այսուհետ՝ ՀԺՊՔ), էջ 24-34: Վարկածներն ամփոփ տես, օր., **Плюгровский Б. Б.**, Ванское царство (Урарту), М., изд. Восточной лит., 1959, (այսուհետ՝ **Плюгровский Б. Б.**, 1959), էջ 95: **Медведская И. Н.**, К уточнению маршрута Саргона в 714 г. до н.э., ВДИ, 1989, N 2, (այսուհետ՝ **Медведская И. Н.**, 1989), էջ 102-104: **Zimansky P.**, Urartian Geography and Sargon's Eighth Campaign, JNES, N 49, 1990, (այսուհետ՝ **Zimansky P.**, 1990), էջ 1-7: **Maniari F.**, Le Campagne Assire Contro L'Urartu del 715 E 714 A.C., SMEA, N 52, 2010, (այսուհետ՝ **Maniari F.**, 2010), էջ 197-199: **Muscarella O. W.**, Sargon II's 8th Campaign: An Introduction and Overview, in "The Eighth Campaign of Sargon II. Historical, Geographical, Literary and Ideological Aspects", compiled and translated by O. W. Muscarella, S. Elliyoun, The Hasanlu Translation Project, Tabriz, 2012, էջ 5-9 (այսուհետ՝ **Muscarella O. W.**, 2012):

2 Ամփոփ տես, օր., Encyclopaedia Iranica, (այսուհետ՝ EI), XIII, Fasc. 6, 2006, էջ 605-609 և նշվ. գրավ.: **Kroll S.**, The Southern Urmia Basin in the Early Iron Age, Iranica Antiqua, vol. XL, 2005, էջ 65-85: **Muscarella O. W.**, Hasanlu and Urartu. Urartian sites in the Lake Urmia area, Biainili-Urartu, The proceedings of the symposium held in Munich 12-14 October

Գիտնականները, այդ հետազոտությունների արդյունքները համադրելով գրավոր աղբյուրներին, Սարգոն II-ի երթուղու շուրջ ներկայացրել են նորանոր վարկածներ³:

1. Արշավանքի երթուղու նկարագրությունը

Արշավանքի մասին արքան թողել է մանրամասն նկարագրություններ⁴, ըստ որոնց՝ Ասորեստանից նրա զորքը **Զամուայով** (Լուլուսի)⁵ մտել է **Մաննա**, անցել շրջակա երկրների տարածքով⁶, ներխուժել **Ուրարտու**, անցել նրա 8 մարզերով⁷, մտել **Նաիրի-Խուրուշկիա**⁸, որտեղից հիմնական ուժերը վերադարձել են Ասորեստան, իսկ երկրորդ զորախումբը ներխուժել է **Մուսասիր**, կողոպտել Խալդի աստծու սրբավայրն ու վերադարձել

2007, Acta Iranica, 2012, էջ 265-279: **Genito B., Asandaryani E. H., Castelluccia M.**, Iron Age in Western Iranian Plateau: a Long Debated Question. Proceedings of the International Conference on The Iron Age in Western Iran and Neighbouring Regions 2-3 Nov. 2019, Kurdistan University, Sanandaj, Iran, vol. 2, Tehran and Sanandaj, 2019, էջ 113-136: Տեղագր. հետազոտ., տես, օր., **Levine L. D.**, Geographical Studies in the Neo-Assyrian Zagros, I, Iran, 11, 1973, էջ 1-27, (այսուհետև **Levine L. D.**, 1973): **Levine L. D.**, Geographical Studies in the Neo-Assyrian Zagros, II, Iran, 12, 1974, էջ 99-124, (այսուհետև **Levine L. D.**, 1974): **Zimansky P.**, Ecology and Empire: The Structure of the Urartian State, Chicago, 1985:

3 Տես, օր., **Muscarella O. W.**, Qalatgah: An Urartian Site in Northwestern Iran, Expedition 13, 3/4, 1971, էջ 48-49: Մուսի The Location of Ulhu and Uise in Sargon II's Eighth Campaign, 714BC, Journal of Field Archaeology, 13, N 4, 1986, էջ 465-475, (այսուհետև **Muscarella O. W.**, 1986): **Muscarella O. W.**, 2012: **Levine L. D.**, 1974, էջ 105-116: Մուսի Sargon's Eight Campaign, in: Mountains and Lowlands: Essays in the Archaeology of Greater Mesopotamia (eds. L.D. Levine, T.C. Young), Bibliotheca Mesopotamica, vol. 7, Malibu, 1977, էջ 135-151, (այսուհետև **Levine L. D.**, 1977): **Reade J. E.**, Studies in Assyrian Geography, Revue d'Assyriologie, RA, 72 (2), 1978, էջ 178-179, Մուսի Kassites and Assyrians in Iran. Iran, N 16, 1978, էջ 137-143, (այսուհետև **Reade J. E.**, 1978a): Մուսի Campaigning around Musasir; Anatolian Iron Age, N 3, 1990, Ankara, 1994, էջ 185-188 (այսուհետև **Reade J. E.**, 1994): Մուսի Iran in the Neo-Assyrian Period, in: M. Liverani, Roma, 1995, էջ 31-44, (այսուհետև **Reade J. E.**, 1995): **Mayer W.**, Sargons Feldzug gegen Urartu-714 v. Chr.: Eine militärhistorische Würdigung, "Aus Mitteilungen der Deutschen Orient-Gesellschaft", (MDOG), N 112, 1980, էջ 13-33 (այսուհետև **Mayer W.**, 1980): **Pecorella P. E., Salvini M.**, Researches in the Region between the Zagros Mountains and Urmia Lake, Persica, N 10, 1982, էջ 1-35 (+ Pl. 1-11), (այսուհետև **Pecorella P. E., Salvini M.**, 1982): **Медведская И. Н.**, 1989: **Medvedskaya I. N.**, The Localization of Hubuškia, in: Parpola S., Whiting R.M. (eds.), Assyria, 1995, Proceedings of the 10th Anniversary Symposium of the Neo-Assyrian Text Corpus Project, Helsinki, September 7-11, 1995, Helsinki, 1997, էջ 197-206, (այսուհետև **Medvedskaya I. N.**, 1997): **Zimansky P.**, 1990: **Liebig M.**, Zur Lage einiger im Bericht über den 8. Feldzug Sargons II. Von Assyrien gennanter Gebiete, 1991, Zeitschrift für Assyriologie, ZfA, 81, էջ 31-36 (այսուհետև **Liebig M.**, 1991): **Maniari F.**, 2010: **Kroll S.**, Sargon II's 8th Campaign: A New View on Old Constructs, in "The Eighth Campaign of Sargon II. Historical, Geographical, Literary and Ideological Aspects", compiled and translated by O. W. Muscarella, S. Elliyoun, The Hasanlu Translation Project, Tabriz, 2012, էջ 11-17, (այսուհետև **Kroll S.**, 2012): **Գրեկյան Ե.**, Բիսյանի-Ուրարտու. պետություն և հասարակություն (պատմահնագիտական հետազոտություն), ասոնախոս: պ.գ.դ. գիտ. աստիճանի համար, Եր., 2016, (այսուհետև **Գրեկյան Ե.**, 2016), էջ 79-80, 86-87, 92-94:

4 ԼԱ-ից բացի արշավանքի մյուս հիշատակությունները տես, օր., ARAB II, էջ 8-10 (19-22), 27-28 (56), 30 (59), 40 (79), 46 (92), 61-62 (118), 101-102 (183), 108-110 (210, 213): АВИИУ, 51-55:

5 Զամուան հնագույն Լուվ(ու)/մի/բի երկրի մի հատվածն էր, որն Ասորեստանի արևելյան մարզերից էր Մաննայի սահմանին: Ք.ա. 9-րդ դ. նրա մի մասը հայտնի էր Ներքին Զամուա անվամբ ընկած Ասորեստանի, Ուրարտուի, Մաննայի, Սունքիի, Խուրուշկիայի մերձավորությամբ մինչև Ներքին Զամուայի կամ Նաիրի երկրի ստորին ծով (վարկածները տես, օր., **Дьяконов И. М.**, История Мидии, Москва-Ленинград, изд. АН СССР, 1956, (այսուհետև **Дьяконов И. М.**, 1956), էջ 101-104, 155-156: **Levine L. D.**, 1973: **Medvedskaya I. N.**, Zamua, Inner Zamua and Mazamua, Altes Orient und Altes Testament, (AOAT), Band 272, Münster, 2000, էջ 429-445, (այսուհետև **Medvedskaya I. N.**, 2000): **Zadok R.**, LULUBI, EI, 2005:

6 Մաննայի թագավորությունն Ուրմիա լճի հարավում էր (ամփոփ տես, օր., **Գրեկյան Ե.**, Մաննայի թագավորության վարչաքաղաքական միավորների և դրանց տեղադրության շուրջ, Մերձավոր և Սիջիհ արևելքի երկրներ և ժողովուրդներ, ՄՍԱԵԺ, Եր., ՀՀ զԱԱ արևելագիտ. ինստ., 2000, XIX, էջ 153-172, (այսուհետև **Գրեկյան Ե.**, 2000): **Zadok R.**, MANNEA, EI, 2006: Ք.ա. 9-8-րդ դդ. Մաննան և նրան շրջապատող ենթակա իշխանություններն Ուրարտուի և Ասորեստանի պայքարի հիմնական թիրախներից էին:

7 Տես ARAB II, էջ 28, АВИИУ, 54: ԼԱ-ում նշվում է 7 մարզերի մասին, հավանաբար հաշվի չի առնվել Մաննայից խլված Ուշիդիշը, որը Սարգոն II-ը վերանվաճելով վերադարձրել է Մաննային (**Գրեկյան Ե.**, 2016, էջ 74, ծան. 422):

8 Նաիրիի թագավորությունը, որ հայտնի էր նաև Խուրուշկիա մայրաքաղաքի անունով, Վերին Զաքի ավազանում էր Ասորեստանի, Ուրարտուի, Գիլգամուհի, Մուսասիրի, Մաննայի, Կիրուրիի, Խաբսիի մերձավորությամբ:

հայրենիք⁹: Արդյունքում Մուսասիիրը կցվել է Ասորեստանին¹⁰, իսկ մեր-
ձուրնյան **Ուիշդիշ** մարզը վերադարձվել Մաննային¹¹:

Արշավանքի մաննայական երթուղին հիշատակվում է այսպես. **Կալ-
խուից** դուրս գալով¹², Սարգոն II-ի զորքը գետանցել է **Վերին Զաբը**,
եռօրյա ռազմերթից հետո հասել նաև **Ստորին Զաբը**: Անցնելով **Զամուա-
յում** գտնվող **Կուլլար լեռան** լեռնանցքով՝ Սարգոնը **Սոււմբիում** գորատես
է անցկացրել և շարժվել **Զիկիրտուի** և **Անդիայի**¹³ ուղղությամբ հետևյալ
երթուղով՝ **Նիկիպպա** և **Ուպա** լեռների միջնատարածք¹⁴-նրանց միջով հո-
սող **Բույա** գետ-Սիմիրրիա լեռ-Սինախուլզի, **Բիրուաթթի**, **Տուրտանի**,
Սինաբիր, **Ախշուրու** և **Սույա** լեռներ – նրանցից հոսող **Ռապպու** և **Արատ-
տու** գետեր-Մաննայի սահմանային **Սուրիկաշ** մարզ¹⁵ և **Սինիխինի** ամրոց-
Ալլաբրիայի **Լաուրետե** շրջանի **Լատաշե** ամրոց¹⁶-Ասորեստանի **Պարսու-
ւաշ** մարզ¹⁷-Մաննայի սահմանային **Միսսի**¹⁸ մարզ և **Սիրդակկա** (Զիր-
դիակկու) ամրոց¹⁹-Մաննայի **Պանզիշ** ամրոց (Սիրդակկայից հեռու էր 30
բերու)²⁰ -**Ուաշդիրիկու** լեռ-**Զիկիրտուի** մայրաքաղաք **Փարդա**²¹ -**Իշտա-
րաուրա** գետ-**Զիկիրտուի** **Աուկանե** շրջան²² և 13 բնակավայրեր (**Իշտաիպ-
պու**, **Սակտատուշ**, **Նենգու**, **Աուկանե**, **Կաբանի**, **Գուրրուսուպու**, **Ռակսի**,
Գինդակրիկու, **Բարունակու**, **Ուբաբարու**, **Սիտերու**, **Տաշտամի**, **Տե-**

9 Մուսասիիր թագավորությունը՝ համանուն սրբազան քաղաքով (ուրարտ. Արդինի), Մովանայի, Քեյլաշինի լեռ-
նանցքի և Թոփուզավայի միջև էր: Այստեղ էր Ուրարտուի գերագույն խաղի աստծու սրբավայրը:

10 Մուսասիիրը միացվել է Ասորեստանի արքունի սենեկապետի տիրույթներին՝ տեղակայված Սեծ Զաբի միջին
հոսանքի շրջանում (տե՛ս, օր., **Գրեկյան Ե.**, 2016, էջ 81-82, նաև՝ ծան. 477-ի գրակ.):

11 Ենթադրվում է՝ Ուրարտուի մերձուրնյան շրջանների հարավային հատվածը ևս անցել է Մաննային (տե՛ս
Գրեկյան Ե., 2016, էջ 93, ծան. 557-ի գրականությունը):

12 Կալխուն արդի Նիմրուդն է՝ տեղակայված Մոսուլից հարավ: Արշավանքը մեկնարկել է հունիս-հուլիս ամիսնե-
րին:

13 Արշավանքի պատրվաբար Մաննայի վասալ այս երկու երկրներին պատժել էր, որոնք դաշնակցել էին Ուրար-
տուին: Իրականում, օգտվելով Ք.ա. 715 թ. վերջին Ուրարտուի կիսեղններից կրած պարտությունից և մերթն
խռովություններից, Ասորեստանը ցանկանում էր Ուրարտուին դուրս մղել բուֆերային երկրներից և մերձուրնյան
շրջաններից:

14 ԼԱ-ում արշավանքի ամփոփման հատվածում, Սարգոն II-ը նշում է, որ, Սոււմբից արշավելով և այս 2 լեռները
անցնելով, ներխուժել է Ուրարտու (տե՛ս Thureau-Dangin F., 1912, էջ 67 (418): АВИИУ, 49 (415), <ԺՊԶ, էջ 33
(415)):

15 Սուրիկաշը Կարալու և Ալլաբրիա երկրների հարևանությամբ էր:

16 Մաննայի արքա Ուլլուսունուն, Իգիրտուից 7 բերու անցնելով (1 բերուն 5,5-8 կմ է), Ալլաբրիայի Լաուրետե
շրջանում հանդիպել է Սարգոն II-ին (տե՛ս ARAB II, էջ 108-109 (210)): ԼԱ-ում, սակայն, հանդիպման վայր է
նշվում Սինիխինի ամրոցը:

17 Պարսուաշը (Պ/Բարսուա, Բարշուա) Զամուայի, Մաննայի, Ալլաբրիայի, Կարալուի, Մեսիի, Նամրուի, Բիթ-
Աբդաղանի, Մեդիայի, Գիզիլունդայի և Պարսուայի մերձավորությամբ էր. նրա երկրներից էր Բ/Պուշտուն
(տեղադրության վարկածները ամփոփ տե՛ս, օր., Грантовский Э. А., Ранняя история иранских племен Передней
Азии, изд. второе, М., изд. Восточной лит., 2007, (այսուհետև Грантовский Э. А., 2007), էջ 151-163):

18 Միսսին (Մեսի, Մեսա/ու) Գիզիլունդայի և Պարսուայի մերձավորությամբ էր՝ Մաննայի հարավում:

19 Մաննայի արքան և իշխաններն այստեղ կրկին ներկայացել են Սարգոնին, և ձևավորվել է հակաուրարտական
դաշինք. Սարգոն II-ը խոստացել է Ուրարտուի պարտությունից հետո վերականգնել Մաննայի սահմանները:

20 Սարգոն II-ը Պանզիշ է հասել Մաննայի, Բիթ-Կապսիի և Մեդիայի միջնատարածքով: Մաննան դա կառուցել էր
Զիկիրտուից և Անդիայից փակաստականների հոսքը կանխելու համար:

21 Պանզիշից Սարգոն II-ն անցել է Զիկիրտու, ջարդել Ուաշդիրիկու լեռան անցումները պաշտպանող զիկիրտա-
ցիներին, մտել Փարդա և այրել դա: Միտատուի արքան լքել է մայրաքաղաքը և զորքով շարժվել Ուրարտու
միանալու Ռուսա I-ի ուժերին (տե՛ս ARAB II, էջ 8 (19): АВИИУ, 46 (106)):

22 ԼԱ-ում Պանզիշից հետո նշվում է Աուկանեի մասին: Սակայն Փարդայի և Զիկիրտուի մնացյալ բնակավայրերի
առումը տեղի է ունեցել Աուկանե ներխուժելուց առաջ, և վերջինիս նախապես նշումը ցույց է տալիս շարժման
ուղղությունը:

սամմիյու)²³: Այնուհետև Սարգոն II-ը դադարեցրել է արշավանքը դեպի Անդիա, շարժվել Ուրարտուի դաշնակցային գործի դեմ²⁴, որը, կենտրոնանալով **Ուիշդիշում՝ Ուաուշ** լեռան փեշերին, պատրաստվում էր վճռական ճակատամարտի:

Արշավանքի ուրարտական երթուղին հիշատակվում է այսպես. Ուաուշի փեշերին հաղթելով Ռուսա I-ի (Ք.ա. 735-713 թթ.) գործին²⁵ Սարգոն II-ը շարունակել է առաջխաղացումն Ուրարտուի տարածքով: Սահմանային առաջին մարզը **Ուիշդիշն էր**, վերջինը՝ **Ուայախը**: Ուիշդիշից Սարգոն II-ը անցել է **Սուբի**, **Ջարանդա** մարզերով, Սանգիբուտուի **Բարի** շրջանով, **Դալայա**, **Սանգիբուտու**, **Արմարիալի**²⁶, ծովափնյա **Այադու** մարզերով, ներխուժել **Ուայախ**, որն Ուրարտուի սահմանների վերջն էր՝ Նաիրի-Խուրուշկիայի դիմաց²⁷: Ուիշդիշի սահմանին բուն ուրարտական առաջին ամրոցը **Ուշկայան** էր, որը Սուբի մարզում էր²⁸՝ **Մալլաու** լեռան փեշերին, Ջարանդա տանող ճանապարհին: Ուշկայայից Արմարիալի արշավանքն ընթացել է հետևյալ երթուղով՝ **Ջարանդա-Անիաշտանիա** ամրոց²⁹-**Բարի** շրջան-**Դալայայի Թարուի** և **Թարմակիսու** ամրոցներ-Սանգիբուտուի **Սարդուրիխուրդա** ամրոց-**Ուլխու** քաղաք³⁰-**Սանգիբուտուի** 19 բնակավայրեր (**(...)ուննատե**, **Խուրնուկու**, **Խարդանիա**, **Գիզուարզու**, **Շազգիսաս**, **Վերին Խունդուրնա**, **Ուադնաունգա**, **Արացու**, **Շադիշցինիա**, **Ներքին Խունդուրնա**, **Էլ(...)**նակ, **Ցիտտուարզու**, **Ջիրմա**, **Սուրգի**, **Էլիյադինիա**, **Դազ(...)**, **Ցուրգիալդիու**, **Արմունա**, **Կինաշտանիա**)³¹, որոնք **Արցաբիա** լեռան փեշերին էին: Ասորեստանի գործը, այս տարածությունն անցնելով, դուրս է եկել **Իրաիա** լեռան շրջան՝ Արցաբիայից 12 բերու հեռավորության վրա, և անցել **Արմարիալի**: Այս մարզում Սարգոն II-ը շարժվել է **Բուբուզի-Խունդուր-Այալե-Ծինիշպալա-Ծինիունակ-Արնա-Շարնի** երթուղով, գրավել շրջակա 30 բնակավայրերը, որոնք **Ուբիանդա** լեռան

23 Նշվում է 12, սակայն թվարկվում 13 բնակավայրի անուն: Ավերվել են նաև 84 այլ բնակավայրեր: Դրանք Փարդայից Աուկանե տանող ճանապարհին էին. հիշատակություններից մեկում խոսվում է 3 ամրացված քաղաքների և 24 բնակավայրերի գրավման մասին, որոնք Փարդայի մերձավորությամբ էին (տե՛ս ARAB II, էջ 8 (19): ABNIMY, 46 (101)):

24 Սարգոնն Աուկանե՝ Ուրարտուի սահման է հասել Անդիայի մերձակայքից շարժվելով հակառակ ուղղությամբ:

25 Ռուսան մի կերպ է խուսափել ասորեստանցիներից, որոնք 6 բերու հետապնդել, սակայն չեն կարողացել գերել նրան:

26 Արմարիալին (Արմարիլի, Արմիրալիու, Արամալի) Սանգիբուտուի, Այադուի, Արգաշկուի և Նաիրի երկրի ծովի միջև էր:

27 Ուայախը (Ուեսի, Ուայսի, Ուասի) նույնանուն հզոր ամրոցով Ուրարտուի ռազմական և հետախուզական հենակետն էր երկրի հարավային սահմանին: Այստեղից ուրարտական զորքերն արշավում էին նաև Մուսասիր և Մաննա:

28 Ուիշդիշը Սարգոն II-ը նշում է Մաննայից խլված, Ուշկայան՝ Ուրարտուի սահմանների սկիզբը, իսկ Սուբին՝ մաննայացիներով բնակեցված՝ շեշտելով Ուրարտուի զավթումներն ու արդարացնելով իր գործողությունները:

29 Այս ամրոցը Սանգիբուտու մարզի սահմանին էր Ուշկայայի և Թարմակիսուի միջև:

30 Սարդուրիխուրդան կառուցվել էր Ուլխուն պաշտպանելու համար հավանաբար Սարդուրի II-ի (Ք.ա. 764-735 թթ.) ժամանակ: Դրանք Կիշալ լեռան փեշերին էին: Ուլխուն Ռուսա I-ը ջրանցք էր կառուցել, և շրջակա հողերը վերածվել էին ծաղկուն այգիների ու մշակովի հողատարածքների: Ասորեստանի զինվորներն ավերել են այդ ջրանցքն ու այգիները:

31 Նշվում է 20 բնակավայրի մասին, թվարկվում 19-ը. 20-րդը հավանաբար նկատի է առնվել Ուլխուն:

փեշերին էին, անցել նաև **Արբու** և **Ռիար** բնակավայրերով, որոնք Ուրսայի (Ռուսա I) և Սարդուրիի (II) հայրական օջախներն էին: Այստեղ Սարգոնի զինվորներն ավերել են **Խալդի աստծու տաճարը**, գրավել 7 հարակից բնակավայրերը և սրի քաշել նաև արքայատան անդամներին: Արմարիալից Ասորեստանի գործը **Ուիզուկու** լեռան փեշերով ներխուժել է ծովափնյա **Այադու** մարզ և ավերել **Արցիդու** և **Մախունիա** լեռների ու նրանց վրա կառուցված **Կալլանիա** և **Արգիշտիունա** հզոր ամրոցների միջև գտնվող հետևյալ 30 բնակավայրերը՝ **Անզալիա**, **Կուայաին(°)**, **Կալլանիա**³², **Բիտայա**, **Ալուարգա**, **Կիունա**, **Ալլի**, **Արզուգու**, **Շիկկանու**, **Արդիունակ**, **Դայազունա**, **Գետա**, **Բանիու**, **Բիրխիլուգա**, **Դեզիգու**, **Դիլիզիա**, **Աբահնդի**, **Դուահին**, **Խասարանա**, **Պարրա**, **Այածուն**, **Անիաշտանիա**, **Բալդուարգա**, **Սարուարդի**, **Շումատտար**, **Շալգի**, **Ալբուրի**, **Ծիկարրա**, **Հին Ուայախ**³³: Այնուհետ Սարգոն II-ի գործը վերադարձել է Այադու ներխուժած ճանապարհի ուղղությամբ, անցել **Ալլուրիա**, **Կալլանիա** և **Իննայա** գետերն ու մտել **Ուայախիսի** մարզ³⁴: Ուայախիսի ամրոցին նա մոտեցել է թիկունքից, սակայն չի կարողացել գրավել դա և, ավերածություններ ու սպանդ կազմակերպելով, հեռացել է: Ուայախում Սարգոնը գրավել և այրել է 5 ամրոց (**Բարզուրիանի**, **Ուալտուկույա**, **Կուտտա**, **Կիպպա**, **Ասապա**) և 40 բնակավայր: Ուայախից նրա գործը մտել է **Խուրուշկիա**: Ցանցու արքան Սարգոն II-ին դիմավորել է 4 բերու հեռավորության վրա և ուղեկցել մայրաքաղաք: Խուրուշկիայից հիմնական ուժերը վերադարձել են Ասորեստան, իսկ արքան 1000 հոգանոց զորախմբով անցել է **Աբսիու** լեռը, հատել **Վերին Ջաբը**, որը «**Խաբխիի** և **Նաիրիի** մարդիկ անվանում էին **Էլամունիա**», հաղթահարել **Շեակ**, **Արդիկչի**, **Ուլայաու** և **Ալլուրիա** լեռները, մտել **Մուսասիր** և **Անդարուրթա** լեռնանցքով, որը **Խիպպարնա** քաղաքի դիմաց էր, վերադարձել հայրենիք:

2. Արշավանքի երթուղու շուրջ առկա վարկածները

Մաննայական արշավանքի վերաբերյալ հիմնական վարկածն այն է, որ Կալխուից արևելք հատելով Մեծ Ջաբը՝ Սարգոն II-ը շարժվել է Քիրքուկի ուղղությամբ, անցել Փոքր Ջաբը, մտել Կոլլարա դաղ լեռան շրջան³⁵, այնուհետ հասել Սաքքիզ, որտեղից շարժվել է մերձուրմյան ա-

32 Անզալիան, Կուայաինը Սարգոն II-ը գրավել էր մինչ Արցիդու հասնելը, իսկ Կալլանիան այս լեռան փեշերին էր:

33 Բնակչությունը պատկարվել է Արգիշտիունա և Կալլանիա ամրոցներում, սակայն ասորեստանցիները գրավել, թալանել ու այրել են դրանք շրջակա 87 բնակավայրերով հանդերձ:

34 Կալլանիա ամրոցը համանուն գետի ափին էր, որտեղից Սարգոն II-ը ներխուժել էր Այադուի ծովափ, ավերել բազմաթիվ բնակավայրեր, այնուհետ վերադարձել ու անցել համանուն գետը և շարժվել Ուայախ:

35 Քիրքուկում Փոքր Ջաբի գետանցման վարկածն առաջադրել է Ֆ. Թյուրո-Դանժենը՝ հիմք ընդունելով Ջամուայի՝ Սուլեյմանինեն ընդգրկելու հանգամանքը (տես Thureau-Dangin F., 1912, էջ iii): Տեսակետը ստացել է համընդհանուր ընդունելություն և հարստացվել հավելյալ փաստարկներով. մասնավորապես, Կոլլար լեռը նույնացվել է

վազան³⁶, հատել Ուրարտուի սահմանը և շարժվել հյուսիս՝ լճի արևելյան³⁷ կամ արևմտյան շրջաններով³⁸: Մանան և նրա շրջակա երկրները տարբեր դասավորումներով³⁹ տեղադրվել են Քիրքուկ-Սուլեյմանիե-Սաքքիզ-Սենադաջ-Ջադաթու ու Թաթաո գետերի ավազան-Միանդուաբ-Մահաբադ-Ուշնու կամ Քարանգու գետի վերին ավազան գծով:

Ուրարտական արշավանքի վերաբերյալ առաջարկվել են երկար և կարճ երթուղիներ՝ մեկ տասնյակից ավելի վարկածներով:

Ըստ երկար երթուղու վարկածի կողմնակիցների՝ Սարգոն II-ի գործը Ուրմիա լճի արևելյան կամ արևմտյան շրջաններով անցել է Վանա լճի ավազան՝ 1. շրջանցելով լիճը հյուսիսից, արևմուտքից, և Տիգրիսի ու Մեծ Զաբի ավազաններով վերադարձել Ասորեստան⁴⁰. 2. հասնելով լճի արևելյան շրջաններ՝ վերադարձել Բաշկալա և Ջուլամերկով կամ Ուրմիա լճի արևմտյան ափով հասել Սիդեկան և Ասորեստան⁴¹. 3. հասնելով լճի

ծամանակակից Կոլլարա դաղին (տես **Ադոնց Ն.**, Հայաստանի պատմություն, Եր., «Հայաստան» հրատ., 1972, (ֆրանս.: 1946), (այսուհետ **Ադոնց Ն.**, 1972), էջ 104) ընկած Սուլեյմանիեից հյուսիս-արևմուտք: Ա. Հակոբյանը, սակայն, գտնում է Սարգոնը, 135 կմ անցնելով, Փոքր Զաբը հատել է Դոկանի մոտ և անմիջապես դուրս եկել Կոլլարա դաղի (Սարմաբանդ) մերձակայք (տես **Հակոբյան Ա.**, Սարգոն Բ-ի արշավանքն Ուրարտու և իրն Հայաստանի պատմական աշխարհագրությունը, «ՎԷՆ», Եր., 2014, թիվ 1, (այսուհետ **Հակոբյան Ա.**, 2014), էջ 41-42): Բ. Թյուրո-Ղանժեդը կարծում է Փոքր Զաբի ավազանի լեռները, ընդհանրապես, կրել են Կոլլար անունը՝ հակասություն նկատելով Սալմանասար III-ի և Սարգոն II-ի հիշատակություններում (տես **Thureau-Dangin F.**, 1912, էջ iii, ծան.1): Ըստ Ի. Մեդվեդևսկայայի Կոլլարը կարող է լինել Քանդիլ դաղը (տես **Medvedskaya I. N.**, 2000, էջ 434):

36 Է. Ուայթը Կոլլարա դաղից Սարգոն II-ի երթուղին կառուցել է նախ դեպի Ուրմիա լճի հարավային շրջաններ, ապա հարավ-արևելք Զադաթու գետի ստորին ավազան, այնուհետ՝ հյուսիս Բենաթի ուղղությամբ (տես **Wright E.**, The Eight Campaign of Sargon II of Assyria (714 B.C.), Journal of Near Eastern Studies, (JNES), vol. 2, N 3, 1943, (այսուհետ **Wright E.**, 1943), էջ 175-182), իսկ Լ. Ահնը Բանեհից Սարգոն II-ի երթուղին կառուցել է նախ հարավ Սենադաջ և Ուաններ, այնուհետ հյուսիս Մերիվան, Բիջար և Ուրմիա լճի ուղղությամբ (տես **Levine L. D.**, 1977, էջ 144-148):

37 Տես **Thureau-Dangin F.**, 1912, էջ III-VIII: Վարկածը պաշտպանել են, օր., Թ. Փինչեզը (**Pinches T.**, Sargon's Eighth Campaign, The Journal of the Royal Asiatic Society of Great Britain and Ireland, 1913, (այսուհետ **Pinches T.**, 1913), էջ 584-592, Կ. Լենան-Հաուպտը (**Lehmann-Haupt C. F.**, Musasir und der achte Feldzug Sargons II. (714 v. Chr.), Mitteilungen der Vorderasiatischen (und Ägyptischen) Gesellschaft, (MVAG), 21, 1916, էջ 119-151, (այսուհետ **Lehmann-Haupt C. F.**, 1916), Նոյնի **Armenien Einst und Jetzt, Das Türkische Ost-Armenien-In Nord-Assyrien**, Berlin, 1926, (այսուհետ **Lehmann-Haupt C. F.**, 1926), էջ 308-319), Է. Ուայթը (1943), Ի. Ղյակոնովը (**АВИАУ**, 49, ծան. 33, 34, 41-43, 47, 48, 50), Գ. Մելիքիշվիլին (**Меликишвили Г. А.**, Древневосточные материалы по истории народов Закавказья, Наир-Урарту, т. 1, Тбилиси, АН Груз. ССР, 1954, (այսուհետ՝ **ՄՄ**), էջ 286-290, Բ. Պիտրովսկին (1959, էջ 102-105), Ն. Հարությունյանը (**Արտյոնյան Ն.**, Биайнили (Урарту), Ер., изд. АН Арм. ССР, 1970, (այսուհետ **Արտյոնյան Ն.**, 1970), էջ 301-304), Ա. Չիլինգիրոյուն (**Çilingiroğlu A.**, The Eight Campaign of Sargon II, "Anadolu Araştırmaları", IV-V, 1976-1977, (այսուհետ **Çilingiroğlu A.**, 1977), էջ 259-261), Պ. Զիմանսկին (1990, էջ 14-16), Ֆ. Մամիրոյի (2010, էջ 194 (քարտեզ), 201-203, 2013-228), Ա. Քրոլը (2012, էջ 11-17), Ե. Գրեյանը (2016, էջ 86-87, 93-94):

38 Տես **Rigg H.**, Sargon's Eighth Military Campaign, Journal of American Oriental Society, (JAOS), 62, 1942, էջ 130-138, (այսուհետ **Rigg H.**, 1942): **Ադոնց Ն.**, 1972, էջ 106-110: Վարկածը տարբեր մոտեցումներով պաշտպանել են Հ. Մանանդյանը (**Манандян Я.**, О некоторых проблемах истории и географии древней Армении, Ер., Айпетрат, 1956, (այսուհետ **Манандян Я.**, 1956), էջ 43-57, Լ. Ահնը (1977), Վ. Մայերը (1980), Պ. Պեկրեյան և Մ. Սալվինին (1982), Օ. Մուսարեյլան (1986, 2012), Ի. Մեդվեդևսկայան (1989, էջ 105-111), Մ. Լիբիզը (1991), Ա. Հակոբյանը (2014, էջ 39-61):

39 Օր. Պարտունա տեղադրվել է Մանանյից հարավ, հարավ-արևելք կամ Ուրմիա լճից հարավ, Ալլաբրիան Մանանյի հարավարևելյան, հարավային և արևմտյան շրջաններում, Սուրիկաչը Մանանյի հարավարևմտյան, հարավային, հարավարևելյան կամ հյուսիսային շրջաններում, Միսսին Մանանյի հարավում, հարավ-արևելքում կամ Ուրմիա լճի հարավում և այլն:

40 Տես **Thureau-Dangin F.**, 1912, էջ I-XX, քարտեզ: **Pinches T.**, 1913, էջ 581-612: **Манандян Я.**, 1956, էջ 39-67: **Питровский Б. Б.**, 1959, էջ 105-108, քարտեզ:

41 Տես **Lehmann-Haupt C. F.**, 1916, 1926, էջ 308-345: **Ադոնց Ն.**, 1972, էջ 110-113:

հարավային (հարավարևելյան) ավամերձ շրջան (Գյավաշ)՝ այնուհետ շարժվել հարավ և անցել Ասորեստան և Մուսասիր⁴²:

Ըստ կարճ երթուղու վարկածի կողմնակիցների՝ Ուրարտուի տարածքում ասորեստանյան նվաճումները կատարվել են մերձուրմյան ավազանում՝ 1. լճի հարավային, հարավարևմտյան և արևմտյան⁴³ կամ 2. լճի արևելյան, հյուսիսային և արևմտյան շրջաններում⁴⁴:

3. Արշավանքի երթուղու վերականգնումը

I. Մաննայական արշավանք

Մաննայի հատվածում ասորեստանյան զորքի տեղաշարժի պատկերը վերականգնելու համար առաջնային է Կուլլար լեռան և Սունբի (Սունբի) երկրի տեղորոշումը:

Կուլլար լեռը հիշատակում են նաև Սալմանասար III-ն (Ք.ա. 858–823 թթ.) ու Շամշի-Ադադ V-ը (Ք.ա. 823–810 թթ.): Սալմանասար III-ը կառավարման 4-րդ տարում (Ք.ա. 855 թ.), դուրս գալով Աշշուրից, Կուլլար լեռան, Ներքին Ջամուայի և Իդա երկիր-բնակավայրի տարածքով հասել է Ուրմիա լճի հարավային շրջաններ⁴⁵, իսկ կառավարման 16-րդ տարում (Ք.ա. 843 թ.) Արբելայից հասել է Կուլլար լեռ և Ներքին Ջամուայի տարած-

42 Տես Меликшвили Г. А., Урартоведческие заметки, ВДИ, 1951, N 3, (այսուհետ Меликшвили Г. А., 1951), էջ 177-179: АВИИУ, 49, ծան. 68: Арутюнян Н., 1970, էջ 304-310: Медведская И. Н., 1989: Նույնի՝ 1997: **Սարգսյան Ա.**, Արդինի-Մուսասիրի տեղորոշման շուրջ, ՄՄԱԵՏ, Եր., 2000, XIX, (այսուհետ՝ **Սարգսյան Ա.**, 2000), էջ 144-147:

43 Տես Rigg H., 1942: Levine L. D., 1977: Mayer W., 1980: Նույնի՝ Die chronologische Einordnung der Kimmerier-Briefe aus der Zeit Sargans II, Mesopotamica-Ugaritica-Biblica. Festschrift K. Bergerhof (Alter Orient und Altes Testament 232), Kevelaer: Butzon & Bercker & Neukirchen-Vluyn: Neukirchener Verlag, 1993, էջ 145-176: Pecorella P. E., Salvini M., 1982: Liebig M., 1991: Muscarella O. W., 2012:

44 Տես Reade J. E., 1978a, 1994, 1995: Zimansky P., 1990, էջ 14-21: Maniari F., 2010, էջ 194 (քարտեզ), 201-241: Kroll S., 2012: **Պրեկյան Ե.**, 2000, էջ 161-164; 2016, էջ 79-80, 85-86: Վարկածը հիմնված է Այառուն՝ Ուրմիայի արևմտյան ափին, Ուայսիսը լճի հարավարևմտյան մերձավորությամբ, խուրուշվիայի հարավային տեղադրության վարկածների, մերձուրմյան արևմտյան և հարավային ամրոցների պլանման հնագիտական տվյալների վրա: Ջ. Ռիդը երթուղին կառուցել է նախ Կասաից ծովի ուղղությամբ, ապա Ուրմիա լճի հյուսիսով և արևմուտքով:

45 Սալմանասար III-ը բախվել է Ներքին Ջամուայի (Մագամուա) տիրակալ Նիքդիարային (Նիքդերա) և Իդայի կառավարիչ Նիքդեմեին. բամբուկե նավակներով ծով դուրս եկած հակառակորդին ասորեստանցիները հետապնդել են լաստանավերով և հաղթել ծովամարտում (տես Grayson A. K., Assyrian Rulers of the early first millennium BC, II (858-745 BC), (The Royal inscriptions of Mesopotamia. Assyrian periods; v. 3), University of Toronto Press, 1996, Printed in Canada, Reprinted 2002, (այսուհետ RIM 3), A.0.102 2 (ii 75b-78a), 6 (ii 10-15), 8 (8'b-11'a), 10 (ii 6b-9a), 14 (50b-52a), 16 (24b-26a), 28 (42b-44a)): Այդ «ծովը» Սալմանասար III-ի հիշատակած Ներքին Ջամուայի և Նաիրի երկրի ստորին, ինչպես նաև Շամշի-Ադադ V-ի նշած Արևմուտքի ծովն է, որտեղ Ներքին Ջամուան սահմանակցում էր Ուրարտուին. Սալմանասար III-ի արձանագրություններում Ներքին Ջամուայի ծովն ու Նաիրի երկրի ստորին ծովը դիտված են համարժեք (հմտ. АВИИУ, 32, 34, RIM 3, A.0.102 5 (ii2b-3), 6 (iv26-36), 12 (9-20), 23 (13b-19a), 24 (5b-10), 29 (39b-42a), A.0.103 1 (ii16b-34a), (iii67b-70a)): I. Ակինը Ջամուան և Ներքին Ջամուան նույնացրել է և ծովը համարել Ջերիբոր լիճը՝ տեղակայված Սուլեյմանիեից արևելք (տես Levine L. D., 1973, էջ 20-22), սակայն արդարացիորեն քննադատվել Ի. Մեդվեդսկայայի կողմից (տես Medvedskaya I. N., 2000, էջ 435-438: Նույնի՝ Древний Иран накануне империй (IX-VI вв. до н.э.): История мидийского царства, (автореф. дисс. на соиск. уч. степ. ДИИ), Санкт-Петербург, 2007, (այսուհետ՝ Медведская И. Н., 2007), էջ 25-27): Ներքին Ջամուայում գտնվող Իդա երկիր-բնակավայրը տեղակայվում է Ուրմիա լճից հարավ-արևմուտք, որտեղ Հասանլուի պեղումների ժամանակ (Հասանլու-IV) գտնված բաստից մեկի վրա պահպանվել է այս երկրի անունը (տես Medvedskaya I. N., 2000, էջ 435-438: Նույնի՝ 2004, 2007, էջ 25-27)): Նիքդիարան, հավանաբար, իր անունը թողել է Նաքադե քաղաքին, իսկ Իդայի անունը հավանաբար պահպանել է ժամանակակից Ադա բնակավայրը՝ ընկած Լուլունար լճից հարավ-արևելք, Նաքադեից շուրջ 20 կմ արևելք: Հնարավոր է նաև բախումը եղած լինի Լուլունար լճում:

քով մտել Մաննա, հասել Պաղդիբա քաղաք և Պարսուա⁴⁶: Շամշի-Ադադ V-ը 3-րդ արշավանքի ժամանակ, հաղթահարելով Զաբ գետն ու Կուլլար լեռը, ստացել է Դադա խուրուշկացու, Ներքին Զամուայի կառավարիչ Մեքդիարի⁴⁷ որդի Շարցինայի, Սունբի, Մաննա, Պարսուա և Թաուրլա երկրների հարկը, բախվել մեսիացիներին, ներխուժել Գիզիլբունդա⁴⁸: Իսկ արձանագրություններից մեկում Շամշի-Ադադ V-ը նշում է, որ, ինչպես ամպրոպ Ադադը, իր լույսն է տարածել Կուլլար հզոր լեռից մինչև Արևմուտքի ծովն ընկած շրջանում ապրող մարդկանց վրա. այս հիշատակությունը ակնհայտորեն վերաբերում է նրա զորահրամանատար Մութարրիսու-Աշշուրի՝ Արևմուտքի ծով կատարած երկրորդ արշավանքին, որի ընթացքում նա բախվել է Ներքին Զամուայի կառավարիչ Մեքդիարի որդի Շարցինային, այնուհետ Ուրարտուի արքա Ուշայինա-Իշպուինիի բնակավայրերին և հայրենիք վերադարձել Սունբի/ու⁴⁹ երկրով: Այս հիշատակություններում «Արևմուտքի ծովը», ակնհայտ է, Ուրմիա լիճն է, քանզի Ներքին Զամուան և Ուրարտուն իրար սահմանակցում էին բացառապես մերձուրմյան ավազանում⁵⁰. հավանաբար «Արևելքի ծով» ասելով նկատի են ունեցել Կասպից ծովը⁵¹: Սարգոն II-ը Կուլլարը հիշատակում է Կալխուի և Սունբիի միջև՝ Զամուա երկրում: Այս հիշատակությունների համադրումից ակնհայտ է դառնում, որ Կուլլար լեռը Ներքին Զամուայում էր՝ Աշշուր քաղաքից, Արբելայից, Կալխուից դեպի Ուրմիա լճի ավազան, Սունբի և Մաննայի հյուսիսարևմտյան շրջաններ տանող ճանապարհին, որտեղից հնարավոր է թափանցել նաև Խուրուշկիա, Մեսի, Պաղդիբա, Պարսուա: Այսինքն՝ այս լեռը գտնվում է Ուրմիա լճի, այլ ոչ թե Քիրքուկ-Սուլեյմանիեի ուղղությամբ: Ներքին Զամուայի տարածքը բաժանվել էր Ուրարտուի, Մաննայի և Ատրեստանի միջև. վերջինիս Զամուա (Լուլուբի/մի) մարզը հյուսիսում հավանաբար ընդգրկել է նաև նախկին Ներքին Զամուայի հարավային շրջանները, իսկ Կուլլար լեռը Ատրեստանի և Ներքին Զամուայի սահմանին էր⁵²:

46 Տե՛ս RIM 3, A.0.102 6 (iii58-iv6), 10 (iii33b-37a), 12 (9-20), 13 (2'b-4'a): Պարսուան Մաննայի հարավում էր, իսկ Պաղդիբան՝ Ալլարիայում՝ Պարսուայի սահմանին:

47 Մեքդիարն ու Նիքդիարան Ունյան անձնավորությունն են (տե՛ս, օր., **Дьяконов И. М.**, 1956, էջ 160: **Medvedskaya I. N.**, 2000, էջ 434): Այս արքայից սերված տոհմանվան հետ կարող է կապված լինել նաև հայկական աղբյուրներում հիշատակվող Մահկերտստունը:

48 Տե՛ս АВИИУ, 34, RIM 3, A.0.103 1 (ii34b-59a), (ii59b-iii27a):

49 Հմմտ. RIM 3, A.0.103 1 (ii16b-34a), (iii67b-70a):

50 Տե՛ս **Medvedskaya I. N.**, 2000, էջ 437-438: Այլ տեսակետ տե՛ս, օր. **Hipp K.**, Šamši-Adad V's Campaigns into the Zagros Revisited, 9th ICAANE, Basel, 2014, vol. 3, Reports 2016, էջ 769-779:

51 Օր., Ադադներադ III-ը Կասպից ծովը ներկայացնում է որպես «Արևելքի մեծ ծով» (տե՛ս АВИИУ, 35): Հմմտ. նաև **Дьяконов И. М.**, 1956, էջ 164, ծան. 1, НУ, էջ 46:

52 Սալմանասար III-ի 4-րդ տարվա արշավանքի հիշատակություններից մեկում «Ներքին Զամուան» փոխարինված է «Մազամուայով», իսկ Կուլլար լեռան փոխարեն հիշատակվում է Բունախ լեռանցքը (տե՛ս RIM 3, A.0.102 2 (ii75b-78a)). վերջինս Սալմանասար III-ի մեկ այլ հիշատակությունում ներկայացված է Բունսու երկիր տարբերակով (տե՛ս RIM 3, A.0.102 28 (42b-44a)). այս երկիրը հիշատակվում է նաև Աշշուրնազրիպալ II-ի կողմից դեպի Զամուա կատարած արշավանքի ընթացքում (տե՛ս **Grayson A.K.**, Assyrian Rulers of the early first millennium BC BC I (1114-859 BC), (The Royal inscriptions of Mesopotamia. Assyrian periods; v. 2), University of Toronto Press, 1991, Printed in Canada, Reprinted 2002., (այսուհետ՝ RIM 2), A.0.101, 17 (iii15-23a), (iii27-55)): Պետք է նկատել, որ աղբ-

Սունքին (Սունքի) հիշատակում են նաև Սալմանասար III-ն⁵³ ու Շամ-շի-Ադադ V-ը 2-րդ և 3-րդ արշավանքների ժամանակ⁵⁴: Սալմանասար III-ը Սունքի կարող էր մտած լինել՝ 1. իր 4-րդ տարվա արշավանքի՝ Կուլլարից Ուրմիա լճի ավազան արշավելու կամ լճից վերադառնալու ժամանակ. 2. Ք.ա. 828 թ. Դայան-Աշշուրի Խուբուշկիա երկիր, Մալխիսա (Մադախիսա)⁵⁵, Մաննա (Ջիրտու), Խար/Կիրնա (Մասաշուրու)⁵⁶, Պադդիիրա, Պարսուա արշավանքի ժամանակ⁵⁷, որը հավանաբար ընթացել է Ռուբար ի Հաջի Բեգ գետի ավազանով⁵⁸ դեպի Քելեշին Մերգավառ Գեդիկի լեռնանցք (հայկ.՝ Զարասպ)–Մալխիսա–Սուֆիան–Մահաբադ–Կուրան–Մազգեհ–Փիրբադիր–Պարշա երթուղով⁵⁹. 3. Դայան-Աշշուրի Ք.ա. 827 թ. Խուբուշկիա երկիր, Մուսասիր (Ծ/Ջապպարիա ամրոց), Ուրարտուի սահմանային բնակավայրեր, Գիլգանու կատարած արշավանքից հետո Խարրանիայով և Շաթթուարիայով (այլ ընթ.՝ Շիթուարիա) Մաննա, Պարսուայի Բուշտու շրջան, Նամրու և Խալման ներխուժելու ժամանակ⁶⁰. դա հավանաբար ընթացել է Հարան–Շաթթա–Սուֆիան–Պարաստան–Սուլեյմանիե–Խուլվան երթուղով⁶¹:

Շամշի-Ադադ V-ի գորավար Մաթթուրիսու-Աշշուրի գործը 2-րդ արշավանքի ժամանակ Կուլլար լեռան շրջանից շարժվել է «Արևմուտքի ծով», կռիվ մղել Ներքին Զամուայի կառավարիչ Մեկդիարի որդի Շարցինայի, այնուհետ Ուշայինա-Իշպուինի բնակավայրերի դեմ, վերադարձին մտել Սունքի երկիր⁶²: 3-րդ արշավանքի ժամանակ Շամշի-Ադադ V-ը Խուբուշկիայի Դադա արքայից, նույն Մեքդիարի որդի Շարցինայից, Սունքիից, Մաննայից, Պարսուայից հարկ է ստացել Զարը գետանցելուց և Կուլլար

յուրներում Ներքին Զամուան երբեմն բնորոշվում է ոչ միայն Լուլու/մի/բի, Մազամուա, այլև Զամուա անունով, սակայն դա, լինելով այս ընդարձակ երկրի մաս, նաև առանձին աշխարհաքաղաքական միավոր էր ընկած Փոքր Զաքի վերին ավազանից հյուսիս մինչև Ուրմիա լճի հարավային շրջաններ (վարկածները տես, օր., Levine L. D., 1973, էջ 16-22: Medvedskaya I. N., 2000: Նոյնի IDA, EI, vol. XII, Fasc. 6, էջ 615-616:

53 Տես RIM 3, A.0.102 1002 (3'): Սունքին հիշատակվում է Խուբուշկիա երկրի հետ:

54 Տես АВИИУ, 34, RIM 3, A.0.103 1 (ii16b-34a), (ii34b-59a):

55 Այս երկիրը տարբեր արձանագրություններում ներկայացված է այս երկու անուններով (տես RIM 3, A.0.102 14 (159b-174a), 16 (291'-320'a):

56 Այլ ընթերցումներով Խիր/Մուրնա. Մասաշուրուն նրա կենտրոնն էր (տես RIM 3, A.0.102 14 (159b-174a), 16 (291'-320'a)):

57 Տես նույն տեղում:

58 Այս գետը Բարասգիրի աջակողմյան վտակներից է, որը սկիզբ է առնում Քելեշին Մերգավառ Գեդիկի լեռնանցքի մերձակայքից և Կանի Ռաշից արևմուտք միանում Բարազգիրին: Հողվածում ժամանակակից տեղավայրերը ներկայացված են Բրիտանական 1910 թ. (British Topographic Maps, 1910) և ԱՄՆ բանակի քարտեզագրման ծառայության կողմից կազմված (Iraq&Iran, AMS Topographic Maps, 1:253,440, Series K 501, U.S. Army Map Services, (AMS), 1931-1948) տոպոգրաֆիական քարտեզների հիման վրա, եթե այլ հղում ներկայացված չէ:

59 Ժամանակակից Մալխիսա բնակավայրը գտնվում է Ուշուից մոտ 8 կմ հյուսիս, Սուֆիանը՝ Ուշուից մոտ 15 կմ հարավ-արևելք: Մաննայի մայրաքաղաք Ի/Ջիրտուն, հավանաբար, Մահաբադի տեղում էր, իսկ Կուրանը գտնվում է Մահաբադից մոտ 40 կմ հարավ-արևմուտք: Մազգեհը (Մաջգահ) Կուրանից 10 կմ հարավ-արևելք է, Փիրբադիրը՝ Մազգեհից մոտ 13 կմ հարավ-արևելք, իսկ Պարշան՝ Փիրբադիրից մոտ 21 կմ հարավ-արևմուտք (տես քարտեզը):

60 Տես АВИИУ, 28 (174): RIM 3, A.0.102 14 (174b-190), 16 (320'b-341'a):

61 Ժամանակակից Հարան բնակավայրը Կանի Ռաշից հյուսիս-արևմուտք է, Շաթթա լեռը գտնվում է Քելեշինի լեռնանցքի հյուսիսում, Պարաստանը՝ Սարդաշտից հյուսիս-արևելք է: Նամրուն Սուլեյմանիեում էր, իսկ Խուլվան-Խելվանը գտնվում է Քերմանշահից հյուսիս-արևմուտք: Տես Арутюнян Н., Топонимика Урарту, Ер., изд. АН Арм. ССР, 1985, (այսուհետ ТУ), էջ. 150, 221-222:

62 Տես RIM 3, A.0.103 1 (ii16b-34a), (iii67b-70a):

լեռ հասնելուց հետո, այնուհետև արշավել Մեսի և Գիզիլբունդա⁶³: Սարգոն II-ը Սուրբի երկիր է ներխուժել Լուլումի-Ջամուայում գտնվող Կուլլար լեռան լեռնանցքը հաղթահարելուց հետո, այնուհետ շարժվել Նիկիպպա և Ուպա լեռների միջով և հայտնվել է Ուրարտուի տարածքում⁶⁴, 6 լեռ և նրանցով հոսող 2 գետ անցնելով՝ մտել Մաննայի Սուրիկաշ մարզը: Այս հիշատակությունների համադրումից ակնհայտ է՝ **Սուրբի-Սուրբի երկիրը Ուրմիա լճի հարավարևմտյան հատվածում էր՝ Ներքին Ջամուայի տարածքում կամ նրա հարևանությամբ՝ Ուրարտուի և Մաննայի սահմանին, Փոքր Ջաբի ակունքների շրջանում, Խուբուշկիայից, Մալխիսա-Մալխիսայից և Շաթթուարիա-Շաթթայից ոչ հեռու, իսկ Կուլլար լեռը նրա հարավում էր՝ Աշշուրից, Արբելայից, Կալխուից Ուրմիա լիճ տանող ճանապարհին**, ինչը բացառում է Կուլլար-Կուլարա դաղ նույնացման և Սուրբիի՝ Սուլեյմանիեում տեղադրության վարկածները⁶⁵: **Սուրբիի** անունը պահպանել է ժամանակակից **Սուֆիան** բնակավայրը՝ տեղակայված Ուշնուից մոտ 15 կմ հարավ, Գերդե Սուրից 9 կմ հյուսիս-արևելք, Ուրմիա լճից մոտ 40 կմ հարավ-արևմուտք, Պարաստանից (Բուշտու) մոտ 58 կմ հյուսիս-արևմուտք: **Իսկ Կուլլարը, հավանաբար, Գովրա Շինկի լեռնանցքի և Ռևանդուզ քաղաքի միջնամասում ընկած Կաուլան և Գալալա բնակավայրերի միջև ձգվող Ռաշկ ի Գուիզան լեռն է (2260 մ). դա Բին ի Սարի հետ ձևավորում է լեռնանցք, որի միջով անցնող ճանապարհը տանում է Խանեհ:** Այս լեռների հարավային փեշերով է հոսում Ռևանդուզ գետը և անցնում ժամանակակից Սորան-Գալալա-Գովրա Շինկի լեռնանցք-Խանեհ-Խալդար-Նաքադե մայրուղին: Սալմանասար III-ի 4-րդ տարվա արշավանքի հիշատակություններից մեկում **Մազամուա՝** Նիքդերայի և Նիքդեմեի տարածքներ ներխուժելուց առաջ Կուլլարի փոխարեն հիշատակվող **Բունիսու-Բունախա** երկրի ու լեռնանցքի անունը⁶⁶ հավանաբար պահպանել է **Բին ի Սարը**, իսկ **Կուլլարի** անունը՝ **Կաուլանը**: Կուլլար լեռան լեռնանցքը, հավանաբար, Կաուլանից Գալալա ձգվող լեռնանոցն է: Այն Էրբիլից ուղիղ գծով մոտ 80 կմ, Կալխուից՝ 130 կմ, Գովրա Շինկի լեռնանցքից՝ 28 կմ, Ուրմիա լճից՝ 82 կմ, Սուֆիանից (Սուրբի)՝ 45 կմ, Գերդե Սուրից՝ 36 կմ⁶⁷ հեռավորության վրա է: Այստեղով հասնելով Գով-

63 Գիզիլբունդան Մաննայի և մեդացիների երկրի միջև էր, հավանաբար ժամանակակից Սաքքիզի շրջակայքում, Պարտուա-Պարշայի և Մեսի (Միսի) արևելյան հարևանությամբ. վերջինիս անունը պահպանել է Պարշայից մոտ 15 կմ հյուսիս, Պարաստանից մոտ 25 կմ հարավ-արևելք և Սաքքիզից մոտ 62 կմ արևելք ընկած ժամանակակից Մուսի բնակավայրը:

64 Տե՛ս Thureau-Dangin F., 1912, էջ 67 (418): АВИИУ, 49 (415), ՀժՊԹ, էջ 33 (415):

65 Սուրբիի նման տեղադրությունը բխում է Կուլլար-Կուլարա դաղ նույնացման վարկածից: Ըստ Ն. Հարությունյանի՝ Սուրբին Փոքր Ջաբի ավազանում էր, Կուլլարա դաղից հյուսիս, Մաննայի հարևանությամբ, հետո նրա կազմում (տե՛ս TY, էջ 172-173): Ի.Ղյակոնովը Սուրբին տեղադրում է Մաննայի արևմտյան սահմաններում (տե՛ս АВИИУ, 34, ժան. 10):

66 Տե՛ս RIM 3, A.O.102 2 (ii75b-78a), 28 (42b-44a):

67 Գերդե Սուրը Սուֆիանի հարավ-արևմուտքում է՝ Քեյլաշինի լեռնանցքի դիմաց. այստեղ պահպանվել է ուրարտական կիսակառույց ամրոց, որի շինարարությունը դարարեցվել է Սարգոն II-ի 8-րդ արշավանքի ժամանակ

րա Շինկի լեռնանցք՝ այնուհետ ճանապարհները տանում են ոչ միայն մերձուրմյան ավազան, այլև Մաննայի հարավային և հարավարևելյան շրջաններ⁶⁸, իսկ Քելյաշինի, Բերդե Բուքի և Քելեշին Մերգավառ Գեդիկի լեռնանցքներով նաև՝ Բարասգիրի և Շենդինան սուի ավազաններ⁶⁹:

Ինչ վերաբերում է Վերին Զաբից Ստորին Զաբ եռօրյա ռազմերթով կտրելուն, ապա Մեծ Զաբից Քիրքուկի ուղղությամբ շարժվելով՝ Փոքր Զաբը Սարգոն II-ը կհատեր մոտ 65 կմ անցնելով, ինչը հաղթահարելի է 1.5 օրում: Սակայն Փոքր Զաբը նա կարող էր հատել այլ վայրում ևս. Կալխուից շարժվելով 60-70 կմ հյուսիս-արևելք՝ Մեծ Զաբը կարող էր գետանցել Դաշտ ի Հարիրում և շարժվել Սորան-Կաուլան-Գալալա-Գովրա Շինկի լեռնանցք երթուղով և Փոքր Զաբը հատել Խալդարի և Խանեհի միջնամասում՝ Գերդե Սուրից մոտ 10 կմ հարավ-արևելք⁷⁰: Այս պարագայում Մեծ Զաբի և Փոքր Զաբի գետանցումների միջև հեռավորությունը կլինի մոտ 120 կմ, ինչը հաղթահարելի է 3 օրում⁷¹: Սա ԼԱ-ում միակ դեպքն է, երբ հեռավորությունը չափվում է օրերով. ակնհայտ է՝ Սարգոն II-ը 3 օրում անցել է սովորականից մեծ տարածություն և պարծենում է դրանով: Արքայի գրագիրը սկզբում նշում է գորքի շարժման ուղղությունը՝ Վերին Զաբից Ստորին Զաբ, այնուհետ անդրադառնում միջնամասի տեղավայրերին՝ Կուլլարին և Զանուային: Նկատենք, որ Գերդե Սուրի ամրոցի կառուցումը սկսվել էր Սարգոն II-ի այս արշավանքից առաջ, սակայն արշավանքի հետևանքով կիսատ էր մնացել և լքվել այն կառուցող ուրարտացի զինվորների կողմից⁷²: Այս ամրոցը կառուցվում էր դեպի Քելյաշինի լեռնանցք և մերձուրմյան ավազան հարձակումներից պաշտպանվելու համար: Ենթադրվել է, որ նրա կառուցումը դադարեցվել է Սարգոն II-ի՝ Մուսասիր ներխուժումից հետո, քանզի արշավանքը գծագրվել է Մաննայի հարավային շրջաններով: Սակայն նրա կառուցումը դադարեցվել է Բ.ա. 714 թ. հուլիսին, քանզի Սարգոն II-ի գորքը սկզբնապես թափանցել է հենց այս շրջաններ: Բացի դրանից՝ Մաննայի հարավով շարժվելով՝ ասորեստան-

(տե՛ս **Jakubiak K.**, Some remarks on Sargon II's eighth campaign of 714 BC, *Iranica Antiqua*, XXXIX, 2004, էջ 191-202, (այսուհետ՝ **Jakubiak K.**, 2004):

68 Խանեհից Մուսի (Մեսի) մոտ 75 կմ է, մինչև Պարշա (Պարսուա) և Փիրբադիր (Պարդիրա) շուրջ 85-90 կմ:

69 Հավանաբար այս լեռնանցքներով էին Խուրուշկիայի հարկը տեղափոխել Ներքին Ջամուա (տե՛ս RIM 3, A.0.103 1 (ii34b-59a)): Խուրուշկիայից Ասորեստան և Մաննա տանող ճանապարհին գտնվող Հարան-Խարրանիա երկիր-բնակավայրից Գովրա Շինկի լեռնանցք մոտ 74 կմ է: Այստեղով էր Պայան-Վշտուրը Բ.ա. 827 թ. Շաթրա լեռան փեշերով անցել Մաննա և Բուշտու (տե՛ս **АВВИУ**, 28 (174): RIM 3, A.0.102 14 (174b-190), 16 (320b-341'a)), Մաննա-ից այստեղով էին սկոթները սպառնում ներխուժել Ասորեստան (տե՛ս **Starr I.**, *Queries to the Sungod. Divination and Politics in Sargonid Assyria*, Helsinki, 1990, (այսուհետ՝ **SAA 4**), 23), այստեղով էր Խուրուշկիայի Յանգու արքան հարկ տեղափոխում Ասորեստան (տե՛ս **Lanfranchi G. B., Parpola S.**, *The Correspondence of Sargon II. Part II: Letters from the Northern and Northeastern Provinces*, Helsinki, 1990, (այսուհետ՝ **SAA 5**), 133):

70 Ն. Հարությունյանը Սարգոն II-ի երթուղու սկիզբը ուղեգծում է Կալխու-Շբալավա-Ուանդուգ-Ջիրա ճանապարհով, սակայն շարունակում հարավ՝ Սարդաշի ուղղությամբ (տե՛ս **Арутюнян Н.**, 1970, էջ 310):

71 Հին Հռոմի բանակն օրական կարողանում էր հաղթահարել 24-64 կմ, իսկ հինբաբելոնյան բանակը 25-55 կմ, լավ մարզված հետևակային զինվորն օրական հաղթահարում էր շուրջ 40 կմ: Օրական 6 ցերեկային ժամում հանգիստ ընթացքով բանակային շարժը միջինը հաշվարկվում է շուրջ 25-30 կմ (տե՛ս **Медведская И. Н.**, 1989, էջ 115-116):

72 Տե՛ս **Jakubiak K.**, 2004, էջ 192, էջ 198-199:

ցիները որևէ կերպ չէին կարող Սունբիից հետո երկու լեռներ անցնել և հայտնվել Ուրարտուի տարածքում, ինչպես նշված է ԼԱ-ում:

Այսպիսով՝ Սարգոն II-ը Կալխուից հավանաբար շարժվել է հյուսիս-արևելք, հատել Մեծ Զաբը, շարժվել Սորան-Կառլան-Գալալա-Գովրա Շինկի լեռնանցք երթուղով, Խալդարից հարավ հատել Փոքր Զաբը և շարժվել Գերդե Սուր և Սուֆիան՝ դուրս գալով Մաննայի և Ուրարտուի սահման:

Նիկիպպա և Ուպա լեռները, նրանց միջով հոսող **Բույա** գետը, **Սիմիրրիա** լեռն ու մնացյալ 6 լեռներն ու 2 գետերը, որոնք հաղթահարելուց հետո Սարգոն II-ը մտել է Մաննայի Սուրիկաշ մարզ, ընկած էին Սունբի-Սուֆիանից արևելք՝ Զիկիրտուի և Անդիայի ուղղությամբ: Սարգոն II-ի զորքը Սունբիից շարժվել է Մաննայի և Ուրարտուի սահմանի երկայնքով՝ Գադար գետի⁷³ հոսանքի ուղղությամբ, նրա հարավային լեռնային տարածքներով, և դուրս եկել ժամանակակից **Չեմելիան** բնակավայրի մոտ, որը Մամկուջախ լեռան հյուսիսային փեշերին է: **Չեմելիանը** պահպանել է **Սիմիրրիա** լեռնանունը, որն այդ ժամանակ հավանաբար կրել է Մամկուջախ դաղը: **Բույա** գետանունը պահպանել է **Բայի** դաղը, որից սկիզբ է առնում Գադարի աջակողմյան վտակներից մեկը՝ հոսելով Նաքադեի ուղղությամբ: **Նիկիպպան**, հավանաբար, Բայի դաղի հյուսիսում գտնվող **Բահրամ Բոգա** լեռն է, որի հյուսիսային փեշերին՝ Նաքադեից մոտ 12 կմ հարավ-արևելք, կա **Կիփագլի** անունով բնակավայր. վերջինս հավանաբար պահպանել է Նիկիպպայի անունը⁷⁴: Սարգոն II-ը անցել է Բայի դաղ և Բահրամ Բոգա լեռների միջնատարածքով հոսող Բույա գետը և Մամկուջախ լեռան հյուսիսարևմտյան փեշերով հասել Սիմիրրիա-Չեմելիան, որն արդեն Ուրարտուի տարածքում էր՝ ուրարտական Շեյթանաբադ հնավայրի մերձակայքում: Այստեղից երթուղին շարունակվել է Կոփի լճի ուղղությամբ՝ հասնելով Թաշ թեփեի հարավային մերձակայք: Չեմելիանից հյուսիս-արևելյան ուղղությամբ 4 տեղավայրեր հավանաբար պահպանել են Սարգոն II-ի հիշատակած լեռնանունները. Կոփի լճի և Չեմելիանի միջև գտնվող **Փիրթանդուրի** լեռները հավանաբար համապատասխանում են Սարգոն II-ի հիշատակած **Բիրուաթթիին**, **Սինաբիրի** անունը պահպանել է Կոփի լճի հյուսիսարևելյան մասում գտնվող **Շիրինեվա** բնակավայրը, իսկ **Ախշուրուի** անունը՝ **Շահուրբանդ** բնակավայրը՝ ընկած Սուլդուզից 7 կմ

73 Գադար-Գետառ գետը հայկական աղբյուրներում հիշատակվում է Արախս անունով համարվելով Մեծ Հայքի Պարսկահայք նահանգի հարավային սահմանը (տե՛ս **Անանիա Շիրակացի**, Մատենագրություն, «Աշխարհացոյց», Եր., «Սովետական գրող» հրատ., 1979, էջ 294: **Երեմյան Ս. Տ.**, Հայաստանը ըստ «Աշխարհացոյցի», Եր., ՀՍՍՌ ԳԱ հրատ., 1963; (այսուհետ **Երեմյան Ս.**, 1963), էջ 38-39: **Հարությունյան Բ.**, Մեծ Հայքի Պարսկահայք աշխարհն ըստ «Աշխարհացոյցի», ՊԲՀ, Եր., 1989, N 2, (այսուհետ **Հարությունյան Բ.**, 1989), էջ 35-36):

74 Նիկիպպան նույնացվել է ուրարտական արձանագրություններում հիշատակվող Նիգիրի բնակավայրին (տե՛ս TY, էջ 151-152): Սակայն վերջինս և նրա հետ հիշատակվող բնակավայրերը Պարսուայում էին ժամանակակից Պարշայի մոտակայքում:

հարավ, Մելիքանդից 18 կմ արևմուտք, Թաթառ և Զաղաթու գետերի միախառնման շրջանից քիչ հյուսիս, Թաթառյի ձախ ափին: **Սույա** անունը հավանաբար ընկած է Մելիքանդից հարավ-արևելք և Միանդուաբից հյուսիս-արևելք գտնվող ժամանակակից **Շորյա** բնակավայրի անվան հիմքում: **Ռապպու** և **Արատտու** գետերը **Թաթառ** և **Զաղաթու** (հայկ.՝ **Վարաբատն**) գետերն են, որոնք Սարգոն II-ը գետանցել է Ախշուրու-Շահուրքանդի մոտակայքում: **Զեմելիան (Սիմիրրիա)-Փիրթանդուր (Բիրուաթթի)-Շիրինեվա (Սինաբիր)-Շահուրքանդ (Ախշուրու)-Թաթառ (Ռապպու)-Վարաբատն (Արատտու)-Շորյա (Սույա)** հատվածը հաստատապես Ուրարտուի տարածքում էր՝ փաստված նաև հնագիտական տվյալներով⁷⁵:

Մելիքանդից հարավ-արևելք Սարգոն II-ը դադարեցրել է դեպի Զիկիրտու իր զորաշարժը, թեքվել հարավ և, հավանաբար, Միանդուաբի հյուսիս-արևելքով մտել Մաննայի տարածք: Սուֆիանից Միանդուաբ այս ամբողջ երթի ընթացքում ուրարտական զորքը իր տարածքից՝ հավանաբար Գադար չայի ափամերձ հատվածից հետևել է թշնամու զորքին՝ շարժվելով նրան համընթաց, սակայն 2 կողմերն էլ խուսափել են բախումից. ուրարտացիները հավանաբար ցանկացել են, որ ասորեստանցիներն անցնեն Զիկիրտու՝ մտադրվելով նրանց հարվածել թիկունքից, իսկ Սարգոն II-ը տպավորություն է ստեղծել, թե իր թիրախը Զիկիրտուն ու Անդիան են՝ վստահ չլինելով Մաննայի աջակցության հարցում: Ուրարտուի այս ռազմավարության մասին են վկայում Սարգոն II-ին ուղղված Ալլաբրիայի արքային վերագրվող հետախուզական տեղեկությունները⁷⁶, որտեղ խոսվում է Զիկիրտուի և Անդիայի սուրհանդակների՝ Ուսաի այցի և Ուրարտուի արքայից օգնություն խնդրելու մասին. արդյունքում բանագնացների վերադարձից հետո ուրարտական զորքը խուրուշկիացիների հետ միասին, արքայի առաջնորդությամբ շտապ արշավանքի է ելել դեպի Զիկիրտու. 5 անցում հաղթահարելով՝ արքան Ուրարտուի իշխանական զորքերին հրահանգել է միանալ իրեն՝ նպատակ ունենալով թշնամուն հարվածել շրջանցումով: Այս հիշատակությունից ենթադրվում է, որ պետք է թողնեին՝ հակառակորդի զորքը անցնի, այնուհետ հարվածեին նրան⁷⁷: Այս հետախուզական տեղեկությունները գիտական գրականության մեջ վերագրվել են Ուաուշի ճակատամարտի հատվածին. Սարգոնը նշում է՝ իր սուրհանդակից տեղեկացել է, որ թշնամու զորքը դիրքեր է գրավել Ուաուշ լեռան անցումներում և շտապել է հարվածել նրանց: Ուայախ-Ուեսին բավական հե-

75 Ըստ հնագիտական տվյալների՝ ուրարտական բնակավայրերն ու ամրոցները գտնվում էին Քելյաշին-Մա-հաբադ-Միանդուաբ գծից հյուսիս մինչև Ուրմիա լիճ արևելքում հասնելով Միանդուաբ-Քենաբ գիծ (ամփոփ տե՛ս, օր. **Գրեյան Ե.**, 2016, էջ 92):

76 Տե՛ս АВИИУ, 50 (17): Ուսումնասիրողները նույնացնում են Ալլաբրիայի արքա Բելանալիդդիին և նամակը գրող Բելիդդիին: Ալլաբրիայի արքան հավանաբար ցանկացել էր ապահովագրել իր երկիրը Սարգոն II-ի նոր ներխուժումից:

77 Տե՛ս АВИИУ, 50 (17), ծան. 6:

նու էր և անհնար էր, որ Ուաուշի մատույցներում՝ Զիկիրտուի և Անդիայի սահմանին, Զիկիրտուի մայրաքաղաք Փարդայի անկումից հետո միայն գիկիրտացիներն ու անդիացիները օգնություն խնդրեին Ռուսայից՝ հասնելով Ուասի-Ուեսի, մանավանդ արքան Ուիշդիշում էր Անդիայի և Զիկիրտուի արքաների հետ: Այս տեղեկությունը Սարգոն II-ին տրվել է ավելի վաղ՝ արշավանքի սկզբում, երբ նա Կալխուից շարժվել էր մաննա-ուրարտական սահման՝ Զիկիրտու և Անդիա հասնելու համար, իսկ Ռուսա I-ը, իր հերթին, Ուեսիից շտապել էր Մաննայի սահման՝ դիմակայելու վտանգին: Միաժամանակ, իր դաշնակիցների հետ հավանաբար պայմանավորվել էր թույլ տալ ասորեստանցիներին անցնել Ուրմիա լճի հարավային շրջաններով, որից հետո ուրարտական զորքը՝ թիկունքից, իսկ Զիկիրտուի և Անդիայի զորքերը արևելքից կարող էին արքանի մեջ առնել նրանց⁷⁸: Այս պարագայում Մաննան կարող էր թեքվել Ուրարտուի կողմը, որը կկանխորոշեր Ասորեստանի պարտությունը: Սարգոն II-ը, կռահելով վտանգը, խուսափել է վաղաժամ բախումից և թիկունքն ամրացնելու նպատակով դադարեցրել է դեսի Զիկիրտու արշավը, Մաննայի, Ուրարտուի և Զիկիրտուի սահմանային շրջանից թեքվել է հարավ և մտել Մաննա⁷⁹:

Մաննայի Սուրիկաշ մարզն ընկած էր Միանդուաբից հարավ-արևելք՝ Զաղաթու և Թաթաո գետերի ավազանում⁸⁰: Սահմանային **Սինիխնի** ամրոցը Մաննայի մայրաքաղաք **Իզիրտուից** մոտ 38-56 կմ հեռավորության վրա էր⁸¹: **Սինիխնիի** անվան հետ կարող է կապված լինել Շորյայից հարավ՝ Միանդուաբի հյուսիս-արևելքում գտնվող **Շինաբադ** բնակավայրի անվանումը⁸²:

Ալլաբրիա և Կարալլու երկրները Սուրիկաշի հարավային հարևաններն էին: Ալլաբրիան հյուսիս-արևմուտքից սահմանակցում էր Մաննայի Իզիրտուի շրջանին, հյուսիսից՝ Սուրիկաշին, հյուսիս-արևելքից՝ Կարալլուին, հարավ-արևմուտքից՝ Պարսուաշին: Նրա քաղաքներից Պադդիրան Պարսուայի սահմանին էր և ձեռքից ձեռք էր անցնում: Ալլաբրիայի Լաուրե-

78 Ուրարտուի բանակի կազմում էին նաև խուրուշկիացիները (տես AVIИY, 50 (17)), սակայն նրանք չեն մասնակցել Ուաուշի ճակատամարտին՝ հավանաբար ավելի վաղ վերադառնալով իրենց երկիր: Այս իրադարձություններին կարող է վերաբերել նաև մեկ այլ հետախուզական հաղորդագրություն, որը սովորաբար կապում են Ք.ա. 719 թ. իրադարձությունների հետ, սակայն դա շատ նման է Բելիդիի հաղորդագրությանը (տես AVIИY, 50 (14)):

79 Զիկիրտու-Մաննա սահմանը այս ուղղությամբ հավանաբար անցնում էր Քուրի չայով: Զիկիրտուի Մաննայից խլած Շունդախով (Սա՞նջի) և Դուրդուկու-Ջուրզուկու (Սարաջա՞) բնակավայրերը Քուրի չայի ավազանում էին: Ուլլուսունուի Ուրարտուին հանձնած 22 բնակավայրերը ևս այս շրջաններում էին՝ Սուրդի չայի և Քուրի չայի ստորին ավազանների միջև. Ք.ա. 715 թ. Սարգոնը դրանք վերադարձրել էր Մաննային (տես ARAB II, էջ 3 (6), էջ 6 (12), էջ 27-29 (56): AVIИY, 54): Այստեղ էին նաև Սարգոն II-ի Կակմեուն գրաված Սուկկիա, Բալա (Բալիա՞շ), Է/Աբիտիկ(ա)նա (Արիադարա՞), Պապ(ա)ա (Պապակազի՞), Լալլուկնու/ի (Ելյա՞ն) բնակավայրերը (տես ARAB II, էջ 4 (9), էջ 29 (56), էջ 62 (118): AVIИY, 46 (32), 53):

80 Սուրիկաշի տեղադրության նմանատիպ մոտեցում է առաջարկում նաև Ի. Սեդվեդսկայան այն տեղադրելով Թաթաո չայից արևմուտք Մահաբադի շրջանում (տես Медведская И. Н., 2007) էջ 34):

81 Ուլլուսունուն Սարգոն II-ին դիմավորել է Սինիխնիում և հավանաբար ուղեկցել Ալլաբրիայի Լաուրեստե շրջան. այդ պատճառով հանդիպման վայր է նշվում և Սինիխնին, և Լաուրեստեն (հմտմ. ARAB II, էջ 108-109 (210): AVIИY, 49 (6)):

82 Շինաբադ անունով մեկ այլ բնակավայր կա նաև Միանդուաբից մոտ 5 կմ հարավ-արևելք:

տե շրջանի Լատաշե ամրոցը Շինաբադից Պարշա տանող ճանապարհի միջնամասում էր՝ Իզիրտուից գրեթե նույն հեռավորության վրա, ինչ Սինի-խինի-Շինաբադը: **Լատաշեն** կարող է համապատասխանել Սիմին Ռուդի ստորին ավազանում՝ Պարշայից մոտ 40 կմ, Փիրբադիից 17 կմ հյուսիս-արևելք, Շինաբադից 60 կմ հարավ-արևմուտք և Մահաբադից 47 կմ հարավ-արևելք գտնվող ժամանակակից **Դարվեշան** բնակավայրին: Ալլաբրիան ձգվում էր Թաթաո գետի ձախափնյա ավազանով մինչև Փիրբադի, իսկ Կարալուն Ջադաթուի և Թաթաոյի միջնամասում էր՝ Միանդուաբից հարավ-արևելք, Բուքանից հյուսիս, Սուրիկաշի, Ալլաբրիայի, Բիթ-Դայուկ-կիի, Պարսուաշի և մեդացիների տարածքների միջև⁸³: Միանդուաբից մոտ 32 կմ հարավ-արևելք, Բուքանից 30 կմ հյուսիս գտնվող ժամանակակից Կուլիար բնակավայրի անվան հիմքում հավանաբար Կարալուի անունն է: Ալլաբրիան և Կարալուն Ուլլուսունուի և Ռուսա I-ի ջանքերով Ք.ա. 716 թ. Ուսուշում Ագայի սպանությունից և Ուլլուսունուի գահ բարձրանալուց հետո մաս էին կազմել Ուրարտուի հակաասորեստանյան դաշինքին Ջիկիրտուի և Անդիայի հետ միասին, և նրանք հեռու չէին կարող գտնվել Ուրարտուից, Ջիկիրտուից և Անդիայից⁸⁴: Նույն Ք.ա. 716 թ. Սարգոնը դաժանորեն պատժել էր այս երկրների արքաներին՝ սպանելով Կարալուի արքային, իսկ Ալլաբրիայի արքային ընտանիքով քստրելով Սիրիա: Ք.ա. 714 թ. արշավանքից առաջ Կարալուն բանակցություն էր սկսել Ասորեստանի հետ. Կարալուի բանագնացները եկել էին Ասորեստան և առաջարկել իրենց ծառայությունները: Սակայն Սարգոնը Լուլումիի կառավարչի միջոցով Կարալուին դարձրել էր լիարժեք վասալական երկիր՝ կցված համարելով Ասորեստանին⁸⁵: Այս հիշատակությունը գիտության մեջ մեկնաբանվել է որպես Կարալուի կցում ասորեստանյան Ջամուա մարզին⁸⁶, սակայն այստեղ խոսվում է բանակցությունների և Լուլումիի կառավարչի ձեռքով Կարալուին ասորեստանյան լծի տակ առնելու մասին, հետևաբար պարտադիր

83 Սարգոն II-ը 6-րդ տարվա արշավանքի ընթացքում Իզիրտու-Ջիրբա (Բերդեսպիան)-Արմադ (Ամին Աբադ)-Ալլաբրիա-Կարալու երթուղուց հետո գրավել է Նիքսամա երկրի 6 քաղաքներն ու Շուրգադա քաղաքը դրանք կցելով Պարսուաշին, անցել մեդացիների տարածք, Խարխար ու Էլլիայի (տեսս ARAB II, էջ 46 (92)): Ըստ այլ հիշատակությունների Կարալուից նա անցել է Շուրգա երկիր, այնուհետ՝ Կիշեմին, Խարխար և մեդացիների տարածք (տեսս ARAB II, էջ 40 (79)): Բերդեսպիանն ու Ամին Աբադը Մահաբադից հարավ և հարավ-արևելք են, Շուրգան, որ համընկնում է Շուրդիրու/Պարդիրային, հավանաբար Շուրգադիան է (տեսս АВИИУ, 73, ծան. 6: **Ադոնց Ն.**, 1972, էջ 103, ծան. 2): Ք.ա. 713 թ. Բիթ-Դայուկիից անցնելով Կարալու: Սարգոնը կրկին անցել էր Մեդիա և Էլլիայի սահման (տեսս ARAB II, էջ 10 (23)): Բիթ-Դայուկիին Մաննայի և Ուրարտուի սահմանին էր. վերջինիս կառավարչին Ղայաուկլուին Սարգոն II-ը Ք.ա. 715 թ. արշավանքի ժամանակ քստրել էր Ռուսային գործակցելու պատճառով, իսկ Ուրարտուի խլած 22 քաղաքները վերադարձրել Մաննային, այնուհետ Սարգոնը ներխուժել էր Անդիա, հետ դարձել Իզիրտու (տեսս ARAB II, էջ 6 (12, 13): АВИИУ, 46):

84 Տեսս ARAB II, էջ 4-5 (10): Սարգոն II-ի հիշատակություններից մեկում Կարալուն ուղղակի նշվում է Ջիկիրտուի, Անդիայի և մեդացիների հետ (տեսս ARAB II, էջ 46 (92)): Կարալուի նմանատիպ տեղադրություն է առաջադրել նաև Ն. Հարությունյանը (տեսս ТУ, էջ 102), այն տարբերությամբ, որ նա Սուրիկաշը տեղադրել է Կարալուից հարավ:

85 Տեսս ARAB II, էջ 108 (209): Այս իրադարձությունը հավանաբար տեղի է ունեցել Ք.ա. 716-714 թթ.: մինչև Սարգոն II-ի 8-րդ արշավաքը. Սարգոնը նշում է, որ կարալացիները հիշում էին իրենց երկրում իր գործած մեծ դաժանությունների մասին:

86 Տեսս, օր. **Медведская И. Н.**, 2007, էջ 32, 34:

չէ, որ Կարալլուն գտնվելը Լուլունիի հարևանությամբ. Կարալլուի պատվիրակները հավանաբար եկել էին հենց Զամնուա մարզ: Ք.ա. 713 թ. կրկին ըմբոստացած կարալլացիներին զսպելու համար Սարգոն II-ը այստեղ էր մտել Բիթ-Ռայուկկիից, անցել Մեդիա, դուրս եկել էլլիպիի սահման⁸⁷, շարժվելով հյուսիսից հարավ, այլ ոչ թե արևմուտքից արևելք. Բիթ-Ռայուկկին մաննա-ուրարտական սահմանին էր՝ Միանդուարի մոտակայքում⁸⁸:

Այսպիսով՝ Սարգոն II-ը **Սինիսինիից (Շինաբադ)** շարժվել է հարավ-արևմուտք **Լատաշե (Դարվեշա՛ն)-Պարսուաշ (Պարշա)** ուղղությամբ՝ Մաննայի արևելյան սահմանի երկայնքով, հյուսիսից հարավ: Իսկ Մաննայի մարաբադաբ Իգիրտուն Շինաբադից և Դարվեշանից շուրջ 45-47 կմ հեռավորության վրա էր՝ հավանաբար Մահաբադի տեղում⁸⁹:

Պարսուաշ-Պարսուան Մաննայի հարավում էր՝ Ատրեստանից արևելք, Մեդիայից արևմուտք: Սաքքիզից 52 կմ հարավ-արևմուտք, Սարդաշտից 27 կմ հարավ-արևելք, Բանեհից 17 կմ հյուսիս-արևմուտք և Մուսից 15 կմ հարավ, Փոքր Զաբի և Զադաթուի ստորին հոսանքի միջնամասում է գտնվում ժամանակակից Պարշա-Պարշե բնակավայրը, որը պահպանել է Պարսուա-Պարսուաշի անունը: Այս երկիրը սահմանակից էր Ալլաբրիային Պադդիբա (-Փիրբադիբ) քաղաքի ուղղությամբ, Մեսի-Միսսին (Մուսի), Գիզիլբունդային (-Սաքքիզ), Բիթ Աբդադանին, Զամնուային, հեռու չէր Նամրուից, Կարալլուից (-Կուլխար) և մեդացիների տարածքից: Նրա կազմում է հետագայում հայտնվում նաև ալլաբրիական Պադդիբա (Փիրբադիբ) քաղաքը⁹⁰: Պարսուան ներառում էր նաև Պ/Բուշտու երկիրը, որը Պարշայից հյուսիս-արևմուտք ընկած ժամանակակից Պարաստանի շրջակայքում էր, և վերջինս էլ ժառանգել է

87 Մեդիայի և էլլիպիի տեղագրության մասին տեսակետները տես, օր., Levine L. D., 1974, էջ 104-106, 117-119: Medvedskaya I. N., Media and its neighbours I: The localization of Ellipi, Iranica Antiqua, vol. XXXIV, 1999, էջ 53-70:

88 Տես ARAB II, էջ 10 (23): АВИИУ, 46 (139), ծան. 40: Բիթ-Ռայուկկիի տեղագրության այլ տեսակետներ տես, օր., Алиев И. Г., История Мидии, Баку, изд. АН Азерб. ССР, 1960, էջ 184: Ատրեստանը ցանկանում էր ծավալվել Թաթայի և Զադաթուի միջին ավազան. տիրելով Ալլաբրիային և Կարալլուն Մաննան երեք կողմից շրջափակվում էր Ատրեստանի տարածքներով:

89 Սայմանասար III-ի Ք.ա. 828 թ. Խուբուշկիա-Մալխիսա (Մալխիսա)-Ջիրտու-Կիրնա (Կուրան)-Մասաշուրու (Մազգեհ)-Պադդիբա (Փիրբադիբ)-Պարսուա (Պարշա) արշավանքը (տես RIM 3, A.O.102 14 (159b-174a), 16 (291'-320'a)), Սարգոն II-ի Ք.ա. 716 թ. Ուաուշ-Մաննա (հավանաբար Իգիրտու), այնուհետ Իգիրտու-Ջիբիա (Բերդեսայիան)-Արմաիդ (Ամին Աբադ)-Ալլաբրիա-Կարալլու (Կուլխար)-Նիքսամնա երկրի-Շուրգադիա (Շուրդա/Պադդիբա/Փիրբադիբ)-Պարսուաշ (Պարշա)-Խարխար-էլլիպի (տես ARAB II, էջ 5 (10), էջ 29 (56): АВИИУ, 46 (52), 54 (28)), Ք.ա. 715 թ. Պայաուկկուի շրջան-մաննա-ուրարտական սահման-Անդիա-Իգիրտու արշավանքները և Աշշուրբանիպալի Այուսիաշ-Պաշա...սու (Բեշաս)-Բուսուտու (Պարաստան)-Աշդիաշ (Պազա՛շ)-Ուրկիյամու (Գոմելյա՛ն)-Ուպաիշ-Սիխուա (Սիսի Կոլ)-Նազինիբի-Իգիրտու-Ուրմեյասե (Ամին Աբադ)-Ուզբիա (Բերդեսայիան)-Արսիյանիշ (Սիջիան Բուլա՛դ)-Ազականանի (Իսաքանդ)-Կումուրդա (Գիրդուբարդա՛ն) (Մաննայի ներսում)-Պադդիբա/Շուրդիբու (Փիրբադիբ) արշավանքը (տես АВИИУ, 73), Սարգոն II-ի 8-րդ արշավանքին համադրյալ փաստում են, որ ԻՎՋիրտուն Մալխիսայից հարավ-արևելք, Ուաուշից և Անդիայից հարավ-արևմուտք էր, Շինաբադից և Դարվեշանից՝ մոտ 45-47 կմ հարավ-արևմուտք և հյուսիս-արևմուտք, Պարշա-Փիրբադիբ-Մազգեհ-Կուրան գծից, Բեշաս-Պարաստան-Պազաշ-Գոմելյան-Սիսի Կոլ գծից և Բերդեսայիանից ու Ամին Աբադից հյուսիս էր: Իգիբիա և Արմաիդ ամրոցներով Իգիրտուից ճանապարհը տանում էր Ալլաբրիայի հյուսիս, որտեղից հնարավոր էր անցնել և Կարալլու-Կուլխար, և Ազականանի-Իսաքանդ, այնուհետ արևմուտք՝ Կումուրդա-Գիրդուբարդան և իջնել Պարդիբա-Փիրբադիբ (Իգիբայի տեղագրության այլ վարկած տես TY, էջ 79-80): Այս մոտեցումները ցույց են տալիս, որ Իգիրտուն Մահաբադի տեղում էր, որտեղ խաչվում են տարբեր ուղղություններ տանող ճանապարհները (մյուս վարկածները ամփոփ տես Գրեյան Ե., 2000, էջ 154-155 և հնպատյան Իղումները):

90 Այլ ընթերցմամբ՝ Շուրդիբու (տես АВИИУ, 73, ծան. 6):

նրա անունը: Պարսուայի արևելյան հարևանը Սաքքիզի ուղղությամբ Գիզիլ-բունդան էր, որի քաղաքների վրա Սարգոն II-ը վերահսկող էր նշանակել Պարսուաշի կառավարչին: Արևմուտքում Սուլեյմանիեի և Փոքր Զաբի վերին ավազանի ուղղությամբ նրա հարևանը Զամուան էր: Պարշուան և Բուշտուն բազմիցս հիշատակվում են նաև ուրարտական աղբյուրներում, մասնավորապես Իշպուինի և Մենուա արքաների Խառակոնիսի արձանագրությունում տեղեկություն կա **Բարշուայի Մեիշթա, Կուա, Շարիթու և Նիզիբի** քաղաքների գրավման մասին⁹¹. այս բնակավայրերն ընկած էին Թաթառ գետի ստորին ավազան-Պարշա-Սարդաշտ ուղղությամբ, որոնք գուցե համընկնում են ժամանակակից **Մենիչի ալան, Կոհա, Շինդարեհ և Անդեհպեհ** բնակավայրերին⁹²: Մենուայի մեկ այլ՝ Բադնոցի արձանագրությունից իմանում ենք, որ նա Բուշտու է հասել ապստամբած Շարիթու երկիրը խաղաղեցնելուց հետո⁹³(վերջինս Ուշնուի արևմուտքում էր՝ Շարթա լեռան շրջակայքում, որ համապատասխանում է Շարթուարիա-Շարթերային⁹⁴): Դայան-Աշշուրը ևս Բուշտու էր արշավել Շարթուարիայից, ինչը փաստում է, որ Ուրարտուից Բուշտու արշավելու հիմնական երթուղին անցնում էր Ուրմիա լճի հարավարևմտյան ավազանով, որը դուրս էր բերում Փոքր Զաբի ձախափնյակ՝ Պարաստան, իսկ Պարշուա-Պարշա նրանք հասնում էին նաև Ուրմիա լճի հարավային շրջաններով և Թաթառ գետի ավազանով, որով շարժվում էին հարավ, այնուհետ՝ արևմուտք՝ դուրս գալով Փոքր Զաբի ավազան, այստեղից շարժվում հյուսիս՝ վերադառնալով հայրենիք: Մյուս ճանապարհը կարող էր անցնել Մաննայի կենտրոնական շրջաններով՝ Սաուջ Բուլաղ չայի ավազանով, որտեղով նույն Դայան-Աշշուրը Ք.ա. 828 թ. Մալխիսայից հասել էր Պադդիբա և Պարսուա:

Միսսի մարզն ու Սիրդակկա-Զիրդիակկու ամրոցը Պարսուաշից հյուսիս էին՝ Մաննայի հարավում: Պարշայից 15 կմ հյուսիս գտնվող ժամանակակից Մուսի և վերջինից 5 կմ հյուսիս-արևմուտք գտնվող Սարդակո բնակավայրերը պահպանել են Մեսի-Միսսի և Սիրդակկա-Զիրդիակկուի անունները. **Պարսուաշ-Պարշայից** Սարգոն II-ը շարժվել է **Միսսի-Մուսիի Սիրդակկա-Սարդակո** ամրոց և կրկին հանդիպել է Ուլլուսունուին ու նրա իշխաններին:

91 Տե՛ս **Меликишвили Г. А.**, Урартские клинообразные надписи, М., изд. АН СССР, 1960, (այսուհետ՝ **УКН**), 24:

92 Մենիչի ալանը գտնվում է Պարշայից 10 կմ արևմուտք, Կոհան՝ Պարշայի հյուսիսային մերձավորությամբ, Շինդարեհը՝ Պարշայից հյուսիս-արևմուտք, իսկ Անդեհպեհը՝ Պարշայի և Սարդաշտի միջև: Մեիշտան հիշատակվում է նաև Մենուայի Թաշ թեփեի արձանագրությունում (տե՛ս **УКН**, 29), որը հիմք է տվել ենթադրելու, որ այս քաղաքը գտնվում էր Թաշ թեփեի մոտակայքում, իսկ Պարսուան՝ Ուրմիա լճից հարավ, կամ ենթադրվել երկու Պարսուաների գոյության մասին (ամփոփ տե՛ս, օր., **Грантовский Э. А.**, 2007, էջ 151-163): Սակայն Խառակոնիսի արձանագրությունը հստակեցնում է, որ Մեիշտան Բ/Պարշուայում էր, հետևաբար Մենուան Ուրմիայի հարավից հավանաբար Թաթառի ավազանով հասել էր Բ/Պարշուա, այնուհետ ներխուժել Մաննա և վերադարձել էլման վայր: Հավանական է թվում նաև Մեիշտա-Մեսի նույնացման վարկածը (տե՛ս **УУ**, էջ 138-140: **Գրեկյան Ե.**, 2001, էջ 7-12):

93 Տե՛ս **Меликишвили Г. А.**, Урартские клинообразные надписи, II. Открытия и публикации 1954-1970 гг., ВДИ, 1977, N 3 (117), (այսուհետ՝ **УКН II**), 372, 373:

94 Շարիթու-Շարթերա նույնականության տեսակետն առաջադրել է Ն. Հարությունյանը՝ դա տեղադրելով Զիբարի մոտակայքում (տե՛ս **УУ**, էջ 241): Սակայն սա ավելի արևելք էր Մաննա և Բուշտու տանող ճանապարհին:

Հետագա արշավանքն ընթացել է հյուսիսարևելյան ուղղությամբ՝ Մաննայի, Բիթ-Կապսիի⁹⁵ և Մեդիայի միջնատարածքով⁹⁶ դեպի Զիկիրտուի և Մաննայի սահմանային Պանզիշ ամրոց, որը Սիրդակկայից 30 բերու հեռավորության վրա էր:

Զիկիրտուն հարևան էր Անդիային⁹⁷, Ուրարտուի Ուիշիդիշ մարզին, Մաննային, հեռու չէր մեդացիների տարածքներից, Բիթ-Կապսիից, Ալլար-րիայից և Կարալլուից⁹⁸: Սարգոն II-ը շարժվել է Սաքքիզի և Բուքանի միջնատարածքով հյուսիս-արևելք, այնուհետ Ջաղաթուի ավազանով՝ հյուսիս, և դուրս եկել Միանդուաբից հյուսիս-արևելք՝ Ջաղաթուի աջակողմյան Քուրի և Աջիրլու վտակների ավազան՝ Մաննայի հյուսիսարևելյան սահման (Սարդակոյից մինչև նշված շրջանը առաջարկվող երթուղով շուրջ 160-170 կմ է՝ համարժեք 30 բերուի)⁹⁹: Այստեղ՝ Միանդուաբից մոտ 30 կմ հյուսիս-արևելք, Արփադ սարից մոտ 30 կմ արևմուտք է գտնվում **Պարշիքանդ** բնակավայրը, որը հավանաբար համապատասխանում է **Պանզիշին**: Այստեղից ներխուժելով Զիկիրտու՝ Ասորեստանի զորքը վտանգ էր ստեղծել մայրաքաղաք Փարդայի համար: Միտատտի արքան Փարդայի մերձակա Ուաշդիրիկու լեռան լանջերից հետևում էր թշնամու զորքի տեղաշարժին՝ փորձելով իր ուժերով խափանել Փարդայի առումը: Սարգոնն ամրացրել է Պանզիշի պարիսպները, այնտեղ սնունդ կուտակել՝ ապահովելով մատակարարման և հնարավոր նահանջի ճանապարհը: Այնուհետ Միտատտիին պատժելու և թիկունքն ապահովելու համար նա զորքը շարժել է Ուաշդիրիկու, կոտրել գիկիրտացիների դիմադրությունը, գրավել և այրել Փարդան, ապա շարժվել Անդիա, սակայն կես ճանապարհին թեքվել Աուկանե՝ դեմ-հանդիման դուրս գալով Ուաուշի փեշերին դիրքավորված Ուրարտուի դաշնակցային զորքին¹⁰⁰: Զիկիրտուի մայրաքաղաք **Փարդան** համապատասխանում է Արփադ լեռան հյուսիսարևմտյան փեշերին գտնվող **Արփադ** անվամբ երկու բնակավայրերից մեկին: **Ուաշդիրիկուն** կա՛մ Արփադ լեռն է, կա՛մ Ուշ Մոուձեն: Նրանց միջև գտնվող **Յասթուքանդ** բնակավայրը հավանաբար պահպանել է Ուաշդիրիկուի անունը: Ըստ այդմ՝ Պանզիշ-Պարշիքանդից Սարգոնը շարժվել է հյուսիսարևելյան, ապա հյուսիսային ուղղությամբ:

95 Բիթ Կապսին Պարսուաշից և Մուսից հյուսիս-արևելք էր Մաննայի և Մեդիայի միջև, Զիկիրտուից հարավ-արևմուտք, հավանաբար ժամանակակից Բուքանի շրջակայքում:

96 Մեդիայի տեղադրությունն ամփոփ տես, օր., **Dandamayev M. and Medvedskaya I.**, MEDIA, EL, 2006:

97 Անդիան ընկած էր Զիկիրտուից արևելք և հյուսիս-արևելք՝ Կասպից ծովի ուղղությամբ (տես, օր., **Ադոնց Ն.**, 1972, էջ 103: ԿՄ, էջ 28: **Медведская И. И.**, 2007, էջ 34):

98 Ուսումնասիրողները Զիկիրտուն տեղադրել են Ուրմիա լճից արևելք, հարավ-արևելք (տես **Thureau-Dangin F.**, 1912, էջ V-VII: **Ադոնց Ն.**, 1972, էջ 103, ԿՄ, էջ 80-81), հարավ-արևմուտք (տես **Հակոբյան Ա.**, 2014, էջ 52, 55-56), Թաթար գետի ստորին ավազանում կամ Բիջարից հյուսիս-արևմուտք (տես **Levine L. D.**, 1974, էջ 105, գծաչ. 2, 115: Նոյնի՝ 1977, էջ 141), Կասպից ծովի հարավարևմտյան մերձավորությամբ՝ Կիզիլ ուզուն գետի ավազանում (տես **Reade J. M.**, 1978a, էջ 140-141, գծաչառ. 2):

99 Ն. Ադոնցը այս հեռավորությունը նշում է մոտ 165 կմ (տես **Ադոնց Ն.**, 1972, էջ 106, ծան. 1), Ի. Դյակոնովը 200 կմ-ից քիչ ավելի (տես **АВНИУ**, 49, ծան. 29):

100 Անդիայի արքան ևս միացել էր Ռուսա I-ին, և Սարգոն II-ի Անդիա արշավելու պարագայում դաշնակիցները կարող էին թիկունքից հարվածել նրան. Սարգոնը որոշել է ինքը նախահարձակ լինել:

Աուկանեն Մաննայից խլված Ուրարտուի Ուիշդիշի մարզի սահմանին էր, Ուաուշ լեռան մերձավորությամբ: Սոհենդից հարավ-արևելք, Մարադայից 32 կմ արևելք, Արփադից 30 կմ հյուսիս-արևմուտք, Պանզիշից 38 կմ հյուսիս, Քարանգու, Քուրի և Սարաչու գետերի միջնատարածքում են գտնվում ժամանակակից Վերին և Ստորին **Արգուն** բնակավայրերը, որոնք պահպանել են **Աուկանե** զիկիրտական շրջանի և բնակավայրի անունը: Աուկանե-Արգուն համապատասխանությունը փաստվում է նաև Փարդայից Աուկան ընկած զիկիրտական բնակավայրերի տեղադրությամբ. դրանք ընկած էին Արգունից հարավ-արևելք՝ ժամանակակից Իրանական երկաթուղու շրջակայքում: Մասնավորապես Արփադից հյուսիս-արևելք գտնվող **Իշլաքանդ**, **Չակթիր** և **Նազար Քարեզ** բնակավայրերը հավանաբար պահպանել են **Իշտաիպպու**, **Սակտատուշ** և **Նենզու** բնակավայրերի անունները: Արգունից հարավ և հարավ-արևելք գտնվող **Չեքանի**, **Գորսու**, **Աբլախ**¹⁰¹, **Բաբա Կուր Կուր**, **Ջուզադար**, **Տաստաբար** ժամանակակից բնակավայրերի անունները, ըստ հերթականության, հավանաբար սերում են **Կաբանի**, **Գուրրուսուպու**, **Բարունակկու**, **Ուբաբարու**, **Սիտերու**, **Տաշտամի** տեղանուններից, իսկ **Տեսամիյուի** անունը հավանաբար պահպանել են **Սումա** կամ **Սումա Ուլյա** բնակավայրերը¹⁰²: Ըստ այդմ՝ Սարգոն II-ի բանակը **Փարդա-Արփադից Աուկանե-Արգուն** է հասել **Իշտաիպպու (Իշլաքանդ)**, **Սակտատուշ (Չակթիր)**, **Նենզու (Նազար Քարեզ)** երթուղով՝ Արփադից հասնելով Քարանգուի աջափնյա Շոր գետի վերին ավազան, թեքվել է արևմուտք, հասել Արգուն, ընթացքում ասպատակել **Կաբանի (Չեքանի)**, **Գուրրուսուպու (Գորսու)**, **Բարունակկու (Աբլախ)**, **Ուբաբարու (Բաբա Կուր Կուր)**, **Սիտերու (Ջուզադար)**, **Տաշտամի (Տաստաբար)**, **Տեսամիյու (Սումա կամ Սումա Ուլյա)** բնակավայրերը¹⁰³: Աուկանե-Արգունում ավարտվել է Սարգոն II-ի մաննայական արշավանքը, և նրա զորքը մտել է Ուրարտուի Ուիշդիշ մարզ:

Այսպիսով՝ Սարգոն II-ի Ք.ա. 714 թ. արշավանքի մաննայական երթուղին անցել է ոչ թե Մաննայի հարավային, արևելյան, հյուսիսային կամ հյուսիսարևելյան, այլ արևմտյան, հյուսիսային, արևելյան և հարավային շրջաններով, որտեղից Սարգոնի զորքը հասել է մաննա-զիկիրտական սահման՝ Պանզիշ-Պարշիքանդ, ապա Փարդա-Արփադով և Շոր գետի ավազանով թափանցել Սոհենդ լեռան հարավարևելյան մերձակայք՝ Աուկանե-Արգուն:

101 Աբլախ անունով 2 բնակավայր կա՝ մեկը Գորսուի մոտակայքում է, մյուսը՝ վերջինից հյուսիս-արևելք:

102 Սուման գտնվում է Չեքանիի և Արգունի միջև, իսկ Սումա Ուլյան՝ Արգունից հյուսիս-արևելք:

103 Չիկիրտուի սահմանը հարավում ձգվում էր Պարշիքանդ-Արփադ լեռ գծով, հյուսիսում՝ Քարանգու գետի աջափնյա ավազանով, արևմուտքում՝ Քուրի չայի ավազանով:

II. Ուրարտական արշավանք

Ա. Ուիշդիշ, Սուբի, Զարանդա, Բարի և Դալայա

Ուիշդիշը Զիկիրտուի, Մաննայի և ուրարտական Սուբի մարզի միջև էր, Աուկանե-Արգունից արևմուտք և հյուսիս-արևմուտք, Ուրմիա լճի հարավարևելյան և արևելյան ափամերձ տարածքում¹⁰⁴։ Ֆ. Թյուրո-Դանժենը Ուաուշ լեռը նույնացրել է ժամանակակից Սոհենդին։ Փարդա-Արփադ և Աուկանե-Արգուն համադրումները հաստատում են այս տեսակետը։ Սարգոն II-ի գորաբանակը հասել էր Սոհենդի հարավարևելյան մերձակայք, Մարադայից արևելք, և Ռուսա I-ը Ուրարտու ներխուժումը խափանելու և վճռական ճակատամարտ տալու համար իր ուժերը հավանաբար կենտրոնացրել էր Մարադայի և Սոհենդ լեռան միջնատարածքում։

Ուշկայա ամրոցի, Մալլաու լեռան և Զարանդայի տեղորոշումները հստակեցնում են Ուիշդիշի սահմաններն ու Սարգոն II-ի արշավանքի ուղությունը։ Է. Ռայթը կարծում է, որ Ուշկայան համապատասխանում է ժամանակակից **Օսկու** (Ուսկի) քաղաքին¹⁰⁵, որը Ուրմիա լճի հյուսիս-արևելքում է, Սոհենդից հյուսիս-արևմուտք, Թավրիզից 17 կմ հարավ-արևմուտք։ Ուշկայան Սուբի մարզում էր՝ Մալլաու լեռան փեշերին, Զարանդա տանող ճանապարհին։ Ուշկայա-Օսկու նույնականությունը հաստատում են Օսկուի հյուսիսային հարևանությամբ գտնվող ժամանակակից **Միլյան (Միլան)** և մոտ 3 կմ հյուսիս-արևելք գտնվող **Սահանդ** բնակավայրերը, որոնք պահպանել են **Միլլաուի** և **Զարանդայի** անունները։ Ուշկայա-Օսկու, Միլլաու-Միլյան, Զարանդա-Սահանդ համադրությունները լրացուցիչ հաստատում են նաև Ուաուշ-Սոհենդ նույնականությունը։ Ուիշդիշը ընկած էր Օսկուի, Սոհենդի, Արգունի, Միանդուաբի և Ուրմիա լճի միջև¹⁰⁶։ այն հարավից սահմանակցում էր Մաննային, հյուսիսից՝ ուրարտական Սուբի մարզին, հարավ-արևելքից՝ Զիկիրտուի Աուկանի շրջանին, հարավ-արևմուտքից՝ Սոլդուգի ուրարտական տարածքներին¹⁰⁷։

104 Ֆ. Թյուրո-Դանժենը Ուիշդիշը տեղադրել է Ուրմիա լճի արևելքում, Ն. Ադոնցը հարավում։ Ուիշդիշի համար Ք. ա. 716 թ. և բախումներ էին եղել Ուաուշի փեշերին, սակայն Մաննային և Ասորեստանին չէր հաջողվել այն հետ վերցնել Ուրարտուից (տես ARAB II, 10, 56: ABIMY, 46 (52)):

105 Տես Wright E., 1943, էջ 183: Այս տեսակետը ընդունել են նաև Ի. Դյակոնովը (տես ABIMY, 49, ծան. 41), Ն. Հարությունյանը (տես Арутюнян Н., 1970, էջ 302, ծան. 513), Ա. Չիլինգիրոցլուն (տես Çilingiroğlu A., 1977, էջ 259, ծան. 50): Հմտ. Zimansky P., 1990, էջ 15, ծան. 50:

106 Ուշկայան և Ուիշդիշը նույնացվել են Արգիշտի I-ի Բուշտու կատարած արշավանքի ժամանակ հիշատակվող Աշկայային և Ուգիշտիին (տես УКН, 127 IV 54-55, 128 B2 25-26): Ի. Մեդվեդևսկայան կարծում է՝ արքան Աշկայա և Ուգիշտի է մտել Բուշտուից վերադառնալիս՝ Սարգոնի երթուղին ուղեգծելով Ուրմիայի արևմտյան ափով (տես Медведская И. Н., 1989, էջ 107): Սակայն հավանաբար նախ նշվում է արշավանքի ուղղությունը՝ Բուշտուն, այնուհետ՝ ճանապարհը. հնարավոր է նաև այս տեղավայրերը գտնվեն Բուշտուից հարավ կամ հյուսիս և կապ չունենան Ուշկայայի և Ուիշդիշի հետ:

107 Գիտության մեջ արտահայտվել է կարծիք, որ Սարգոն II-ը չէր կարող Ուրմիա լճի արևելյան հատվածով ներխուժել Ուրարտու, որովհետև այստեղ ուրարտական հնավայրեր և նյութ չեն գտնվել: Սակայն առկա է հնագիտական տվյալների և Սարգոն II-ի հիշատակությունների համապատասխանություն, այլ ոչ թե հակասություն. Սարգոն II-ը նշում է, որ Ուիշդիշը մաննայական էր, և Ռուսան էր դա խլել, հետևաբար Ուրարտուն դա չէր յուրա-

Սուրի մարզը հավանաբար տարածվել է Ուշկայա-Օսկուից ու Միլ-լաու-Միլյանից հյուսիս՝ Ուրմիա լճի հյուսիսարևելյան ափամերձ տարածքներ և Սուֆիան գետի ավազան. վերջինիս անունը հավանաբար ժառանգվել է Սուրբից¹⁰⁸:

Ջարանդա-Սահանդ ուրարտական մարզը գտնվում էր Ուշկայա-Օսկուի, Սանգիբուտուի Անիաշտանիա ամրոցի և Բարի շրջանի հարևանությամբ՝ հարավում՝ հավանաբար տարածվելով մինչև Սոհենդ լեռ. սեպագրական Ուաուշն իր Սոհենդ-Սահանդ անվան համար հավանաբար պարտական է հենց Ջարանդային: Սարգոն II-ի գործի անցումը Սուրբից Սանգիբուտուի Բարի շրջան իրականացվել է Ջարանդայի հյուսիսային հատվածով¹⁰⁹:

Բարու/ի շրջանը, որը պատկանում էր Սանգիբուտու մարզին, Ուշկայայի և Ջարանդայի արևելքում էր. ժամանակակից Բարե բնակավայրի գոյությունը Թավրիզի հարավում¹¹⁰ ենթադրել է տալիս, որ Ուշկայայից, Միլլաուից և Ջարանդայից ասորեստանյան գործը շարժվել է այստեղ: Թավրիզի հյուսիսով հոսող Թալեհ Ռուդ գետի աջակողմյան վտակներից Բարուշը, որ սկիզբ է առնում Սոհենդի հյուսիսային փեշերից և հոսում է Թավրիզի միջով, ևս պահպանել է Բարուի անունը:

Անիաշտանյա ամրոցը, որ Սանգիբուտուի սահմանին էր՝ Ուշկայայի, Բարիի և Թարմակիսուի միջև, կարող է համապատասխանել Սահանդից արևելք գտնվող ժամանակակից **Անարջան** կամ **Ասինջան** բնակավայրերին:

Այս տեղորոշումները հաստատում են Թարմակիսուի՝ Թավրիզի շրջակայքում գտնվելու կամ վերջինիս համընկնելու վարկածը¹¹¹: Ասորեստանյան գործը ավերել է Թավրիզից հարավ և հարավ-արևելք գտնվող Բարի շրջանը, որը դալացիների երկրի հարևանությամբ էր, և Թարուի ամրոցը գրավելուց հետո մտել Թավրիզ: Թարուին և Թարմակիսուն արդեն դալացիների երկրում էին:

Թարուի ամրոցը Թավրիզի և Բարու զետի ավազանի մերձավորությամբ էր՝ գուցե համապատասխանելով Թոյկաուն ժամանակակից բնակա-

ցրել այնպես, ինչպես լճի հարավային և արևմտյան շրջանները, որոնք հարյուր տարուց ավելի Ուրարտուի կազմում էին:

108 Սուրբ-Սուֆիան նույնականության զուգահեռը Սուրբ-Սուֆիանն է: Ե. Ուայթը Սուրբն կապում է Սուֆիան բնակավայրի հետ՝ տեղակայված Թավրիզի և Մարանդի միջև (տես Wright E., 1943, էջ 184): Այս պարագայում Սուրբն պետք է տարածվեր Օսկուից Սուֆիան Սանգիբուտուն բաժանելով Բարիից: Կստացվի, որ Սուրբն, ինչպես Բարին, Սանգիբուտուի շրջաններից էր, սակայն այս մոտեցումը հաստատող որևէ այլ կոշվան գոյություն չունի: Հնարավոր է, որ Սանգիբուտուի վարչական սահմանները կառուցած լինեին այնպես, որ նա տրոհեր մանացներով բնակեցված Սուրբի տարածքը:

109 Ջարանդան նույնացվել է նաև պատմական Մեծ Հայքի Ջարևանդ գավառին (տես Արոնց Ն., 1972, էջ 109-110), ինչպես նաև Մարանդին (տես Zimansky P., 1990, էջ 15):

110 Տես TY, էջ 54:

111 Տես Thureau-Dangin F., 1912, էջ VIII: АВИИУ, 49, ծան. 47: Այս վարկածը ընդունվել է արշավանքը Ուրմիա լճի արևելյան ավազանով ուղեգծող գիտնականների կողմից:

վայրին՝ տեղակայված Թավրիզից 11 կմ արևելք, Բարուշ և Թալեհ Ռուդ գետերի միջնամասում:

Թարմակիսու-Թավրիզ նույնականությունը հաստատվում է նաև Սանգիբուտուի **Սարդուրիխուրդա ամրոցի** և **Ուլխու** երկրագործական քաղաքի տեղորոշմամբ. այս տեղավայրերը Սարգոն II-ը գրավել է Թարմակիսուից հետո: Թավրիզից հարավ-արևմուտք է գտնվում ժամանակակից Սարդ(ա)րուդ բնակավայրը, որը հավանաբար Սարգոն II-ի գրաված Սարդուրիխուրդան է¹¹²: Նրանից շուրջ 7-8 կմ հարավ-արևմուտք է գտնվում ժամանակակից Ախուլու/ա բնակավայրը, որը համապատասխանում է Ուլխուին¹¹³: Սարդուրիխուրդան, ըստ Սարգոնի, կառուցվել էր Ուլխուն պաշտպանելու համար: Ռուսան այստեղ ջրանցք էր կառուցել և հիմնել այգիներ, որոնք ավերվել են Ասորեստանի զինվորների կողմից: Այսօր ևս Սարդուրուդն ու Ախուլան աչքի են ընկնում այգիներով և մշակովի հողատարածքներով:

Դալայան Թավրիզի և **Թոյկաունի** շրջակայքում էր. Սանգիբուտուի Սարդուրիխուրդա-Սարդարուդ, Ուլխու-Ախուլու բնակավայրերն ու Բարի-Բարե շրջանը Դալայայի սահմանին էին, որին շրջապատում էին արևմուտքից, հարավ-արևմուտքից և հարավից: Դա նշանակում է՝ **Դալայան** տարածվում էր Թավրիզից հյուսիս և արևելք՝ **Թալեհ Ռուդի** ավազանում: Այս գետը հավանաբար պահպանել է Դալայայի անունը:

Այսպիսով՝ Սարգոն II-ի զորքը **Աուկանեից (Արգուն)** անցել է **Ուաուշ Լեռան (Սոհենդ)** հարավարևմտյան շրջան, այնուհետ **Սոհենդի** և **Ուրմիա Լճի** միջնատարածքով՝ **Ուիշդիշով**, հասել **Սուրի (Սուֆիան)** մարզի հարավում գտնվող **Ուշկայա (Օսկու)** ամրոց՝ **Միլլաուից (Միլյան)** հարավ, **Ջարանդայով (Մահանդ)** անցել **Անիաշտանիա (Անարջան կամ Ասինջան)** և շարժվել է **Բարեի** ուղղությամբ՝ **Բարուշ** գետի ավազան՝ **Սանգիբուտուի** մարզի **Բարի** շրջան, այնուհետ շարժվել հյուսիս՝ **Թալեհ Ռուդ** գետի ուղղությամբ՝ **Դալայա**, գրավել **Թարուի (Թոյկաուն)** ամրոցը, շրջվել արևմուտք ու մտել **Թարմակիսու (Թավրիզ)**, այստեղից շարժվել **Սարդուրիխուրդա (Սարդարուդ)** և **Ուլխու (Ախուլու)**:

112 «Սարդ(ա)րուդը» կազմված է պարսկերեն *սարդ* «սառը» և *րուդ* «գետ» բառերից (տեսակետը իրանագետ Սարգիս Մկրտչյանինն է): Սա, թերևս, մշակութային հետագա ազդեցությունների արդյունք է. Սարդուրիի անունը մոռացվել է, և տեղացիները «Սարդուրիխուրդան» ընկալել են «սառը գետ» իմաստով: Նման մշակութային ազդեցությունների և ձևափոխությունների են ենթարկվել, օր., Խունդուրնա>Կունդուր>Կունդրուդ, Դալայա>Թալեհ Ռուդ, Սինիխին>Շին-Աբադ, Պանգիշ>Պարշի-Քանդ, Մալխիսա>Մալխիսա>Մոլլա Իսա, Ախշուրու>Շահուր-Քանդ, Իգիբիա>Բերդ-Էսպիան տեղանունները: Այսպիսի օրինակները բազմաթիվ են նաև արդի ժամանակներում, երբ այլազգիները տեղանունը փոխարինում են իրենց լեզվի որևէ նման հնչեղություն և իմաստ ունեցող բառ(եր)ով:

113 Ուլխուի տեղադրության վարկածները ամփոփ տեսն *Muscarella O. W.*, 2012:

Բ. Սանգիբուտու

Ուրարտական այս ընդարձակ մարզը սկսվում էր Զարանդայի և Դալայայի հարևան Անիաշտանյա ամրոցից, Բարի շրջանից, Սարգուրիխուրդա ամրոցից և Ուլխու քաղաքից, այսինքն՝ Սահանդի, Թավրիզի և Սոհենդ լեռան միջնատարածքից ձգվում էր հյուսիսարևմտյան ուղղությամբ¹¹⁴: Սանգիբուտուի բնակավայրերը Թավրիզ-Սարգարուդ-Ախուլու գծից հյուսիս և հյուսիս-արևմուտք էին՝ Մարանդ-Կոտուր գծից հարավ: Ախուլուի հյուսիս-արևմուտքում են գտնվում **Սիզ** (Սիս) և **Կունդուր** (Կունդրուդ) ժամանակակից բնակավայրերը, որոնք համապատասխանում են **Շաշգիսսա** և **Խունդուրնա**¹¹⁵ բնակավայրերին. **Ուադնաունգան** և **Արացուն**, հավանաբար, ժամանակակից **Վանգա** և **Էրսի** բնակավայրերն են՝ տեղակայված Մարանդից հարավ-արևմուտք, իսկ **Շադիշցինիա**, **Էյադինիա** և **Կինաշտանիա** բնակավայրերը համապատասխանում են ժամանակակից **Զենջիրա**, **Վալդիան** և **Կանիան (Կենիանի)** բնակավայրերին, որոնք հաջորդաբար ընկած են Վանգայից և Էրսիից հարավ-արևմուտք: Այս տեղորոշումները հաստատում են գիտության մեջ առաջադրված **Սանգիբուտու-Գաբիթյան** նույնականացման վարկածը¹¹⁶. Գաբիթյանը պատմական Մեծ Հայքի Վասպուրական նահանգի գավառներից էր, որը գտնվում էր Ուրմիա լճի հյուսիս-արևելքում և հյուսիսում¹¹⁷: **Շաշգիսսա (Սիզ)-Խունդուրնա (Կունդուր)-Ուադնաունգա (Վանգա)-Արացու (Էրսի)-Շադիշցինիա (Զենջիրա)-Էյադինիա (Վալդիան)-Կինաշտանիա (Կենիանի)** երթուղին անցնում է ժամանակակից **Մեշոու դադ** լեռնաշղթայի արևելյան, հյուսիսային և արևմտյան փեշերով, ինչից բխում է, որ **Արցաբիա լեռը** Մեշոու դադն է. վերջինս ձգվում է Ուրմիա լճի հյուսիսային ափի ողջ երկայնքով: Սա Թեսուջ-Վանգա ձգվող ձորով բաժանվում է երկու մասի. այս իջվածքը, հավանաբար, բնական սահման է հանդիսացել պատմական Մեծ Հայքի **Տագրյան** և **Գաբիթյան** գավառների միջև: Հնարավոր է, որ Սարգոն II-ի հիշատակած **Սանգիբուտու-Գաբիթյանի** Արցաբիա լեռը լինի Մեշոու դադի արևելյան հատվածը, իսկ Իրտիան՝ Տագրյանի հատվածը՝ չբացառելով **Իրտիա-Տագրյան** անվանական կապը¹¹⁸: Սիզից ու Կունդուրից մինչև Վալ-

114 Ուրարտացիները Սանգիբուտուի հարավարևելյան վարչական սահմանը, կարծեք, գծել էին այնպես, որ նա տրոհի մանայացիներով բնակեցված Սուբին երկու մասի, ինչպես նաև Սուբին, Զարանդան Բարի շրջանով, բաժանվի Դալայայից: Սա, թերևս, արվել էր օտարներով բնակեցված և համեմատաբար նոր նվաճված տարածքների վրա արդյունավետ հսկողություն իրականացնելու և նրանց միասնությունը տրոհելու նպատակով:

115 Սարգոն II-ը նշում է Վերին և Ստորին Խունդուրնաների մասին. Կունդուրը հավանաբար Վերին Խունդուրնան է:

116 Տես **Կատվայան Մ.**, Ուրարտու (Արարատյան թագավորություն): // «Հայկական սովետական հանրագիտարան», հատ. 13, Եր., «Հայ սովետական հանրագիտարան» հրատ., 1987, էջ 93:

117 Սանգիբուտու-Գաբիթյանից է հավանաբար առաջացել Ուրմիա լճի հայկական Կապուտան անունը (տես **Երեմյան Ս.**, 1963, էջ 46: **Հարությունյան Բ.**, Մեծ Հայքի Վասպուրական աշխարհը ըստ «Աշխարհացոյցի», «ԲԵՇ», Եր., 1983, N 3 (51), (այսուհետ **Հարությունյան Բ.**, 1983) էջ 123):

118 Այս գավառների տեղադրության մասին տես, օր., **Հարությունյան Բ.**, 1983, էջ 123-124:

դիան և Կանիան շուրջ 80–90 կմ է, որը համապատասխանում է Արցաքիայից Իրտիա նշվող 12 բերու հեռավորությանը¹¹⁹: Սանգիբուտու–Գաբիթյանում Արցաքիա–Մեշուու և Իրտիա–Տագրյան լեռների արևելյան, հյուսիսային և արևմտյան լանջերին ուրարտացիները կառուցել էին ամրոցների համակարգ, որոնք կրակներով զգուշացնում էին թշնամու մոտենալու մասին, իսկ շրջակա բնակավայրերի բնակիչներն ապաստան էին գտել այդ ամրոցներում՝ հետևելով իրենց ծաղկուն բնակավայրերի թալանին և ավերածություններին:

Այսպիսով՝ Սանգիբուտուն տարածվում էր Թավրիզի և Սոհենդի միջնատարածքից Սարդուդ–Ախուլու–Սիզ–Կունդրուդ ուղղությամբ, հյուսիսում հասնում Վանգա, Էրսի, Ջենջիրա, իսկ արևմուտքում՝ Վալդիան և Կանիան՝ ընդգրկելով պատմական Գաբիթյան և Տագրյան գավառների տարածքը՝ հարակից որոշ շրջաններով: Կանիանի մոտ բանակելուց հետո Սարգոնը մտել է Արմարիալի՝ Ուրարտուի արքայատան ժառանգական ուսան:

Գ. Արմարիալի

Սարգոն II-ի գործը, Սանգիբուտուն արևելքից արևմուտք անցնելով, հասել էր Սալմասի և Խոյի միջնատարածք և Արմարիալիով ծովափ կարող էր դուրս գալ արևմուտք կամ հարավ շարժվելով¹²⁰: Սանգիբուտուի վերջին՝ Կինաշտանիա (Կանիան) բնակավայրից 4–5 կմ արևմուտք է գտնվում ժամանակակից **Բոբարզան** բնակավայրը, որը համապատասխան է Սարգոն II-ի հիշած **Բուբուզիին**: Նրանից մոտ 3 կմ արևմուտք է գտնվում ժամանակակից **Հողար** բնակավայրը, որը հավանաբար **Խունդուրն** է¹²¹: **Այալեն** ժամանակակից **Ալերին** է՝ տեղակայված Մեծ Զաբի (Աղբակ) վերին հոսանքի ձախափնյակում՝ Հողարից մոտ 17 կմ հարավ–արևմուտք, Հերավիլ դաղի հյուսիսարևմտյան լանջերին: **Ծինիշպալան**, հավանաբար, **Կանի Սպի** բնակավայրն է՝ տեղակայված Ալերիից հարավ–արևմուտք՝ Աղբակ գետի աջ ափին: **Առնան** նույնական է պատմական Մեծ Հայքի Պարսկահայք նահանգի **Առնա–Ըռնա** գավառին, որը գտնվում էր Տագրյան և Մեծ Աղբակ գավառների միջև, Ուրմիա լճից հյուսիս–արևմուտք: **Շարնին**, հավանաբար, **Սորադիր–Ձորադիր (Սուրաի Դար)** բնակավայրն է՝ տեղակայված Աղբակ գետի աջափնյակում՝ Կանի Սպիից հարավ: **Արբուն** համապա-

119 Իրտիան նույնացվել է Սալմանասար III-ի Ք.ա. 856 թ. արշավանքի ժամանակ հիշատակվող Էրիտիա լեռանը (տես **Արնոց Ն.**, 1972, էջ 86), սակայն այն Արամալե–Արմարիալից հյուսիս–արևմուտք էր, իսկ Իրտիան՝ արևելք:

120 Կապված Սարգոն II-ի արշավանքի տարբեր գծագրումների հետ՝ Արմարիալին տեղադրվել է Վանա լճից հյուսիս–արևելք, արևելք, Ուրմիա լճից հյուսիս–արևմուտք և հարավ–արևմուտք:

121 Խունդուր–Հողարը հավանաբար նույնական է Թիզլաթպալասար I-ի Ք.ա. 1112 թ. նաիրյան արշավանքի ժամանակ հիշատակվող Կի(ն)դարին (տես **АВНИУ**, 10 (IV, 43), այլ ընթերցմամբ՝ Դարդարու (տես **RIM 2**, A.0.87.1 (iv50)):

տասխանում է պատմական Մեծ Հայքի Մեծ Աղբակ գավառի **Արեբանոս** (Արեվբանի) քաղաքին, որը հայկական Սուրբ Բարդուղիմեոս վանքի շրջակայքում էր՝ Բաշկալայից հյուսիս-արևելք, ժամանակակից Ալբայրաքի մոտակայքում¹²²: **Ռիարը** ժամանակակից **Ռավյանն է՝** ընկած Հոդարից 12 կմ հյուսիս-արևմուտք¹²³: Ստացվում է՝ **Ուբիանդա** լեռը, որի փեշերին էին այս բնակավայրերը, **Շերավիլ դաղն** է:

Բուրբուզի (Բոբարզան)–Խունդուր (Հոդար)–Ռիար (Ռայան)–Այալե (Ալերի)–Ծինիշպալա (Կանի Սալի), Շարնի (Սորադիր)–Առնա (Առնա, Ըռնա)–Խալդիի տաճար (Սուրբ Բարդուղիմեոս վանքի տեղում)–Արբու (Արեվբանի, Արեբանոս) համադրումները փաստում են, որ Արմարիալի մարզն ընկած էր Սանգիբուտուից արևմուտք և հարավ-արևմուտք, Մեծ Զաբի վերին ավազանում՝ համապատասխանելով պատմական Մեծ Հայքի Մեծ Աղբակ և Առնա գավառների տարածքին: Արմարիլիի այս տեղադրությունը փաստվում է նաև Սալմանասար III-ի Ք.ա. 856 թ. արշավանքի հիշատակություններով. Սալմանասար III-ը Արամալի էր ներխուժել Արգաշկուից (Արձեշ կամ Արձիշակ) Ուրմիա լիճ շարժվելու ճանապարհին՝ անցնելով Արգաշկու–Էրիտիա լեռ–Արամալի քաղաք–Զանգիունա քաղաք–Նաիրի երկրի ծով երթուղով: Վանա լճի արևելյան շրջաններով Ուրմիա լճի հյուսիսարևմտյան ծովափ հասնելու համար Սալմանասարն ակնհայտ մտել է Մեծ Աղբակի տարածք և դուրս եկել Սալմասի արևմտյան շրջան՝ պատմական Մեծ Հայքի Պարսկահայք նահանգի Զարեհավան (Զարիվան) գավառի և բնակավայրի տարածք (Զանգիունա), և իջել Ուրմիա լիճ՝ Զուլա գետի գետաբերանի մոտակայք, այնուհետ անցել է Գիլգանու և Խուրուշկիա: Ակնհայտ է՝ Արմարիալի–Արամալին Ուրմիա լճից հյուսիս-արևմուտք էր, Արձեշից և Արձիշակից՝ հարավ-արևելք, Գիլգանուից՝ հյուսիս, Գաբիթյանից և Տագրյանից՝ արևմուտք՝ Ուրմիա և Վանա լճերի միջնատարածքում՝ Մեծ Զաբի վերին ավազանում, հյուսիս-արևելքում հասնելով Բոբարզան, հյուսիսում՝ Ռավյան, իսկ հարավում՝ առնվազն մինչև Ալբայրաք¹²⁴:

122 Տեղադրությունը ամփոփ տես «Հայաստանի և հարակից շրջանների տեղանունների բառարան», հատ. 1, Եր., Եր. համ. հրատ., 1986, էջ 424: Հայկական աղբյուրներում դա առաջին անգամ հիշատակվում է «Հայսմավուրքում» (V-XV դդ.) և Մովսես Խորենացու «Հայոց պատմությունում» (V դ.) (տես **Մովսես Խորենացի**, Պատմություն Հայոց, Եր., «Հայաստան» հրատ., 1968, էջ 169): Արբու-Արեբանոս (Արեվբան, Արեվբանի) տեղանունները կապված են Արուբանի (Ուարուբա(հ)նի) աստվածուհու հետ. վերջինս Խալդի աստծու կինն էր: «Աղբակը» հավանաբար ևս սերվել է «Արուբանի»-ից և «Արբու-Արեվբանի»-ից փոխարինելով «Արմարիալին» (տես **Սարգսյան Ա.**, 2000, էջ 144, ծան. 56): Սարգոն II-ի ավերած Խալդիի տաճարը հավանաբար Սուրբ Բարդուղիմեոսի վանքի տեղում էր, որտեղ եղել է նաև Արուբանիի պաշտամունքը որպես արքայատան օջախի պահապան դիցուհի:

123 Անորեստանցիները հավանաբար Ռիար-Ռավյան են մտել Հոդարից Ալերի շարժվելու ընթացքում, իսկ Արբու և Ռիարը միասին նշելիս Սարգոն II-ը նկատի է ունեցել դրանց՝ արքայատան բնակավայրեր լինելու հանգամանքը:

124 Արմարիալին հավանաբար ընդգրկել է նաև Բաշկալան (Հաղամակերտ): Մեծ Աղբակը Վան-Վասպուրականի տերեր Արծրունիների հայ նախարարական տան ժառանգական տիրույթն էր՝ Հաղամակերտ կենտրոնով: Այստեղի Օսի գյուղի Սուրբ Խաչ վանքում էր նրանց տոհմական գերեզմանոցը: Արծրունիներն այս գավառը ժառանգաբար հանձնում էին ընտանիքի կրտսեր որդուն: Այս ավանդույթը, ակնհայտ է՝ ժառանգել էին Ուրարտուի արքաներից. նրանց ընտանիքի անդամները ևս բնակվում էին մայրաքաղաքից դուրս՝ Արմարիալի-Աղբակի Արբու և Ռիար բնակավայրերում, որոնք ևս փոխանցվել են ժառանգաբար: Ըստ պատմ. գիտ. դոկտոր Արտակ Մովս.

Այսպիսով՝ Սարգոն II-ը Բոբարզան-Հոդար-Ռավյան երթուղով հասել է Մեծ Զաքի վերին ավազան (Ադբակ) և ասպատակել այս գետի աջ և ձախ ափերին ընկած բնակավայրերը մինչև ժամանակակից Ալբայրաք:

Արմարիակի մյուս հարևանը Ուրարտուի ծովափնյա Այադու մարզն էր, որտեղ Սարգոն II-ը թափանցել է Արբուի և նրա շրջակա բնակավայրերի առումից հետո:

Դ. Այադու

Այադուն գիտնականները տեղադրել են Վանա լճի հյուսիսային, արևելյան, հարավարևելյան և հարավային ափամերձ տարածքներում, դա նույնացվել է Ախթամարի ուրարտական արձանագրությունից հայտնի Աիդունիին¹²⁵, պատմական Մեծ Հայքի Վասպուրական նահանգի Հայոց ձոր գավառին՝ Խոշաբի ավազանում¹²⁶ և Գյավաշին¹²⁷ (պատմ. Ռշտունիքի տարածք): Այադուն տեղակայվել է նաև Ուրմիա լճի արևմտյան ափին՝ ելնելով Սարգոն II-ի արշավանքի երթուղու՝ Ուրմիա լճի ավազանի շուրջ վերակառուցումների վարկածներից¹²⁸:

Սարգոն II-ը հասել էր Բաշկալայի հյուսիսարևելյան մերձակայք՝ Վանա և Ուրմիա լճերի միջնատարածք, որտեղից այդ լճերի ամենամոտ ափերը գրեթե միևնույն հեռավորության վրա են և այդ երկու հավանական տարածքներից էլ կարելի է իջնել Վերին Զաքի ավազանում գտնվող Նաիրի-Խուրուշկիա, այնուհետ՝ Մուսասիր և Ատրեստան:

Ախթամարի ուրարտական արձանագրությունն այն ամուր կռվանն է, որը հստակեցնում է Այադուի տեղադրությունը Վանա լճի հարավարևելյան մերձակայքում: Այադու-Աիդունի-Հայոց ձոր տեղանունների կապն ակնառու է, որն առաջնային է դարձնում Այադուի տեղորոշումը Խոշաբի ավազանում և Գյավաշում: Այադուի 30-ից ավելի տեղավայրերի տեղորոշումը հաստատում են այս վարկածը:

Սարգոն II-ի զորաբանակը ժամանակակից Ալբայրաքի շրջակայքից շարժվել է արևելք՝ **Արինդիի (Անգալիա՞)** ուղղությամբ և **Բաշաղ լեռան (Ուիգուկո՞ւ)** հարավային փեշերով հասել ժամանակակից **Կանգավար—Կանգուար (Կուայաին)**, այնուհետ **Կորանդաշտ-Գյորանդաշտի**¹²⁹ (Կալլա-

սիյանի՝ Ուրարտուի արքայատան ժառանգական ոստանն ու ավանդույթները փոխանցվել են հայ Արծրունիներին, և հնարավոր է՝ նրանք սերել են այդ արքայատնից:

125 Տե՛ս UKH 62, Lehmann-Haupt C. F., 1926, էջ 319-320: Меликишвили Г. А., 1951, էջ 176-179:

126 Ս. Երեմյանը «Այադու»-ի մեջ տեսնում է «Հայք» անունը և կապում Հայոց ձոր գավառի հետ (տե՛ս **Երեմյան Ս. Տ.**, Հայկական առաջին պետական կազմավորումները, «Պատմա-բանասիրական հանդես», 1968, N 3 (այսուհետ **Երեմյան Ս.**, 1968), էջ 110):

127 Տե՛ս Меликишвили Г. А., 1951, էջ 176-178: АВИИУ, 49 (280), ծան. 68: ТУ, էջ 15: Медведская И. Н., 1989, էջ 111, 114 (նկ. 3): Սոյնի The Localization of Hubuškia, in: Parola S., Whiting R.M. (eds.), Assyria 1995, Proceedings of the 10th Anniversary Symposium of the Neo-Assyrian Text Corpus Project, Helsinki, September 7-11, 1995, Helsinki, 1997, (այսուհետ **Medvedskaya I. N.**, 1997), էջ 198-200: **Սարգսյան Ս.**, 2000, էջ 144-145:

128 Տե՛ս Rigg H., 1942, էջ 135-136: Levine L. D., 1977, էջ 145, գծա. 1: Reade J. M., 1978a, էջ 138 (գծա. 1), 140 (գծա. 2): Pecorella P. E., Salvini M., 1982, էջ 16-17: Zimansky P., 1990, էջ 16: **Գրեկյան Ե.**, 2016, էջ 79-80, 85-86:

129 Թուրք. Görentaş:

նիա) լեռնանցքով թափանցել Արտոս լեռան շրջան և գրավել **Արտոսի (Արցիդու)** և **Մոխրաբերդի**¹³⁰ (**Մախունիա**) միջև ընկած պատմական Մեծ Հայքի **Ռշտունիք** գավառի (**Գյավաշ**) ծովափնյա բնակավայրերը: Մինչև 20-րդ դարասկիզբն այստեղ գտնվող հայկական բազմաթիվ բնակավայրերը պահպանել են Սարգոն II-ի հիշատակած Այադուի բնակավայրերի մեծ մասի անունները¹³¹: Այդ տեղավայրերից մի քանիսը իրենց անվանումները պահպանել են նաև այսօր: Այսպիսով՝ հավանական են Այադուի և Գյավաշի բնակավայրերի հետևյալ նույնականացումները. **Բիտայա-Բաականց** (Պատկանց), **Ալուարգա-Ախավանց**, **Կիունա-Կյավաշ**, **Ալլի-Իլի** (Հիլի), **Արզուգու-Անգալո՛ւր**, **Շիկկանու-Իշկերտ**, **Դայագունա-Դախամանց**, **Բանիու-Բողոնի՛ս**, **Բիրխիլուգա-Վիրկունիս**, **Դեզիգու-Դեղծիս** (Տեզտիս), **Աբահնդի-Հարբերդ** (Առբերդ), **Խասրանա-Մնա՛ր**, **Պարբա-Պողանց կամ Պաղղատ**, **Անիաշտանիա-Հերիշա՛տ** (**Հեշատ**), **Բալդուարգա-Բախավանց** (Բախավանց), **Սարուարդի-Սարեն** (Սիրեն, Սարիկ), **Շումմատար-Մատմանց** (Մատման) կամ **Շմշեմա**, **Ծիկարբա-Ծոտաքար**¹³²: **Հին Ուայախը**, հավանաբար, Ախթամարի արձանագրությունից հայտնի **Ուիշինին** է¹³³, գուցե համընկնում է պատմական **Ոստանին**¹³⁴: **Արզիշտիունա** ամրոցը, որ **Մախունիա** լեռան վրա էր, հավանաբար **Մոխրաբերդն** է¹³⁵: Սարգոն II-ն այնուհետ անցել է **Ալլուրիա**, **Կալլանիա** և **Իննայա** գետերը, մտել Ուայախ: Կալլանիան Սարգոնը հիշում է Այադուի ծովափ ներխուժման ժամանակ որպես բնակավայր, այնուհետ դա նշվում է որպես Արցիդու լեռան փեշերին տեղակայված ամրոց, իսկ երրորդ անգամ՝ որպես գետ: **Կալլանիային** համադրելի **Գյորանդաշտը** գտնվում է գետափին՝ Արտոս լեռան հարավարևելյան փեշերին: Այստեղից է սկիզբ առնում Բոհտանի այն վտակը, որը նրան է միանում Շատախի մոտ: Նրա արևմտյան ձյուղը սկիզբ է առնում Ալլի-Իլի բնակավայրի մոտակայքից՝ հավանաբար կրելով վերջինիս անունը՝ Ալլուրիա: Ստացվում է՝ Սարգոն II-ը գրավել է Արտոսի և Ծոտաքարի միջև ընկած Գյավաշի ծովափնյա բնակավայրերն ու ամրոցները, ապա հետ է դարձել և Ալլի-Իլի, Կալլանիա-Գյորանդաշտ բնակավայրերից հարավ հատել նույնանուն գետերն ու շարժվել Ուայախ:

130 Մոխրաբերդ գյուղը (թուրք. Görüнді, քրդ. Merxapet) Ծոտաքար լեռան հարավային փեշին է: Այստեղ Կարմրակ վանքի մոտակայքում, պահպանվել են 2 բերդերի ավերակներ:

131 Գյավաշի բնակավայրերի վերաբերյալ տես, օր., **Բաղայան Գ.**, Արևմտյան Հայաստանի պատմաժողովրդագրական նկարագիրը Մեծ եղեռնի նախօրեին, «ՎԷՄ», Եր., 2015, N 3, (այսուհետ՝ **Բաղայան Գ.**, 2015), էջ II-VI: Նաև: «Հայկական սովետական հանրագիտարան», հատ. 11, Եր., «Հայ սովետական հանրագիտարան» հրատ., 1985, էջ 275, քարտեզ:

132 Ծիկառան հավանաբար Ծոտաքար լեռան փեշերին էր:

133 Տես *Меликишвили Г. А.*, 1951, էջ 177-179:

134 Ոստանը Ռշտունիքի կենտրոնն էր. համապատասխանում է ժամանակակից Գյավաշին:

135 Տես **Սարգսյան Ա.**, 2000, էջ 144: Մախունիան Ծոտաքար լեռն է: Արզիշտիունան հավանաբար Մոխրաբերդի մոտակայքի 2 բերդատեղիներից մեկն էր: Ծիկառան իր անունը թողել է լեռանը, Մախունիան՝ ամրոցին Մոխրաբերդին:

Այսպիսով՝ Ուրարտական Այադու-Աիդունի մարզն ընկած էր Արմա-րիալի-Մեծ Աղբակից արևմուտք և ընդգրկում էր Խոշաքի ավազանն ու Գյավաշը:

Ե. Ուայախս

Ուրարտուի հարավային ռազմավարական հենակետ Ուայախսի մարզն ու համանուն հզոր ամրոցը գտնվում էին Այադուի և Խուրուշկիայի միջև՝ Տուշպայից Մուսասիր և Մաննա տանող ճանապարհին: Սա ընդհանուր սահման չունեցող Ատրեստանի հետ, և ուրարտական զորքերն այստեղ էին կենտրոնանում՝ Մաննա և Մուսասիր արշավելու համար: Այստեղից էր Սարգոն II-ի զորաբանակը մտել Խուրուշկիա քաղաք, որն Ուայախսի սահմանից մոտ 22-32 կմ հեռավորության վրա էր: Ուայախսը հեռու չէր նաև Արմարիալիից, քանզի այստեղից Կալլանիայով էին մտնում Այադուի ծովափ և Կալլանիայով էին անցնում նաև Ուայախս: Վերջինս գտնվում էր սահմանային մի շրջանում, որտեղ դժվար չէր կենտրոնացնել Ուկկուի (Ալկի), Ալգիի (Աղձնիք), Արմարիալիի (Մեծ Աղբակ) զորքերը, իրականացնել արքայի՝ Տուշպայից այստեղ ժամանումը, հարևան շրջանների նկատմամբ լրտեսական աշխատանքներ կազմակերպելը, Մուսասիրից այստեղի անցուղարձին հետևելը¹³⁶:

Այադուի՝ Վանա լճի հարավարևելյան մերձակայքում գտնվելը և այս մարզում Սարգոն II-ի արևելքից արևմուտք և կրկին արևելք զորաշարժը ցույց են տալիս, որ ասորեստանյան բանակն այնուհետ արշավել է հարավարևելյան ուղղությամբ՝ Հաքքյարիով (Ջուլամերկ) Ատրեստան և Մուսասիր դուրս գալու համար: Ուայախսը Հաքքյարի-Ցուկսեկովա (Դիզե-Գևատ) գծից հյուսիս և Բաշկալա-Գյավաշ գծից հարավ էր: Այս մասին է վկայում Ուայախսի ամրոցների տեղադրությունը: Մերվանի և Բաշկալայի միջև՝ Բոհտանի և Խոշաքի ակունքների միջնատարածքում են գտնվում ժամանակակից **Բազիրավան** և **Վարկունի** (Ուարկունի) լեռները, որոնք պահպանել են Սարգոն II-ի հիշատակած **Բարզուրիանի** և **Ուալտուկույա** ամրոցների անունները: Նրանցից արևելք է գտնվում ժամանակակից **Խուրթա** բնակավայրը, որը համապատասխանում է **Կուտտա** ամրոցին: Խուրթա—

136 Ուայախս-Ուեսին նույնացվել է Բիթլիսին (տես **Thureau-Dangin F.**, 1912, էջ VI, IX-X), Բաշկալային (տես **Lehmann-Haupt C. F.**, 1926, էջ 317-325), Ուշնուին (տես **Kinnier Wilson J. V.**, The Kurba'il statue of Salmanasar III, Iraq, 24, 1962, (այսուհետ **Kinnier Wilson J. V.**, 1962), էջ 109-110), Կալ'եի Իսմաիլ Աղային (տես **Pecorella P. E.**, **Salvini M.**, 1982, էջ 17: Նույնի՝ Tra lo Zagros e l'Urmia. Ricerche storiche ed archeologiche nell'Azerbaigian Iraniano, InGr LXXVIII. Roma, 1984, էջ 24-25, 46-49: **Muscarella O. W.**, 1986, էջ 472), Քայաթգահին (տես **Zimansky P.**, 1990, էջ 17), ինչպես նաև «Մեհերի դռան» արձանագրությունից հայտնի Ուիշինիին և Քայաթգահի արձանագրությունից հայտնի Ուիշենին, որոնք, իրենց հերթին, նույնացվել են միմյանց, հայկական միջնադարյան Արիս/Արասխ/Ռվաթթ/Ռես գավառին և Ուշնուին ընկած Ուրմիա լճի հարավ-արևմուտքում (տես, օր., TV, էջ 193-194: **Գրեկյան Ե.**, Ուրարտու և Մաննա (Մերձուրմյան ավազանում ուրարտական տիրապետության հաստատման շուրջ), Արևելք (հողավածների ժողովածու), Եր., ՀՀ ԳԱԱ «Գիտություն» հրատ., 2001, (այսուհետ՝ **Գրեկյան Ե.**, 2001), էջ 17-18, ծան. 43: Նույնի 2016, էջ 79 և հնպատյան հղումները): Այն տեղակայվել է նաև Նորդուգում Հաքքյարիից հյուսիս (տես **Medvedskaya I. N.**, 1997, էջ 198-200, գծա. 1: **Սարգսյան Ա.**, 2000, էջ 144-146, քարտեզը):

Կուտտայից հարավ են գտնվում Սիկանիս և Սուկան բնակավայրերը, որոնք համապատասխանում են Սալմանասար III-ի կողմից հիշատակվող ուրարտական Սուգունիա ամրոցին¹³⁷: Այս բնակավայրերի հարավում է գտնվում ժամանակակից **Կուփ դաղը**, որը պահպանել է **Կիպպու** ամրոցի անվանումը: **Ասապան** հավանաբար ժամանակակից **Էսպին** բնակավայրն է. վերջինս **Արդանիսի** հարավային մերձակայքում է՝ դեպի Ջուլամերկ տանող ճանապարհին: Ստացվում է՝ Սարգոն II-ի զորքը, Այադուից (Հայոց ձոր, Գյավաշ) անցնելով Ալլուրիա (Իլի-Հիլի), Կալլանիա (Կորանդաշտ), Իննայա գետերը, շարժվել է Խոշաբի և Բոհտանի ակունքների միջնատարածքով, հասել **Բարզուրիանի-Բազիրավան** և **Ուալտուկոյա-Վարկունի** լեռները, նրանց միջնատարածքով շարժվել է արևելք, հասել **Կուտտա-Խուրթա**, այնուհետ **Սիկանիսի** և **Սուկանի** լեռնանցքով (**Սուգունիա**) իջել հարավ՝ **Կիպպու-Կուփ դաղ**, այստեղից՝ **Ասապա-Էսպին**: Վերջինից մոտ 9 կմ հարավ-արևելք՝ Մեծ Զաբի ձախ ափին է գտնվում **Ուայիսիկ (Վայիսիկ)** ժամանակակից բնակավայրը, որը պահպանել է **Ուայաիս-Ուեսի-Ուաիսի** անունը: Ուայիսիկը գտնվում է Մեծ Զաբի և նրա ձախակողմյան երկու փոքր վտակների շրջափակած մի վայրում, որը բնական պաշտպանվածություն է տալիս նրան: Դա Ջուլամերկից մոտ 26 կմ, իսկ Մովանայից 73 կմ հեռավորության վրա է և համապատասխանում է Ուայաիսի հանրահայտ ամրոցին¹³⁸:

Ուայաիսը հսկում էր դեպի Ուրարտուի կենտրոնական շրջանները հարավից տանող ճանապարհները՝ հնազանդության մեջ պահելով Խուրուշկիան, Մուսասիրն ու Ուկկուն, սպառնալով նաև Մաննային: Սարգոն II-ի հարձակմանը չդիմացավ ուրարտական ոչ մի ամրոց, սակայն նույնիսկ թիկունքից մոտենալով Ուայաիսին ու պաշարելով ամրոցը՝ Աշուրի արքան չկարողացավ գրավել դա: Ուայաիսի մարզի արևելյան և արևմտյան սահմանների մասին ուղղակի հիշատակություններ չկան, սակայն որոշ եզրակացություններ հնարավոր է կատարել: Սարգոն II-ը Այադուից Խուրուշկիա էր հասել գրեթե այն ճանապարհով, որտեղով Սալմանասար III-ը Ք.ա. 858 թ. Խուրուշկիայից Սուգունիայով անցել էր Նաիրի երկրի ծով՝ Վանա լիճ, վերադարձին ստացել Գիլգանուի հարկը, իսկ Ք.ա. 856 թ. Արամալիից անցել էր Զանգիունա (Զարիվան), Նաիրի երկրի ծով (Ուրմիա լիճ), Գիլգանու և Խուրուշկիա: Ակնհայտ է՝ Ուայաիսը, Սուգունիան և Գիլգանուն Խուրուշկիայի հյուսիսում էին՝ իրար մերձավորությամբ, իսկ Գիլգանուն Սուգու-

137 Տե՛ս **Արոն Ե.**, 1972, էջ 80: Սուկան և Սիկանիս բնակավայրերը գտնվում են Ջուլամերկը Բաշկալային և Վանա լճին կապող լեռնանցքի երկու կողմերում, Կարա սու գետի ավազանում:

138 «Միերի դռան» արձանագրությունում հիշատակվող Ուիշինին Ախթամարի արձանագրությունից հայտնի Վիդունի նույնանուն բնակավայրն է, որը հավանաբար համապատասխանում է հայկական Ուտան քաղաքին (Գյավաշ), իսկ Քալաթգահի արձանագրությունից հայտնի Ուիշեն հայկական Պարսկահայք աշխարհի Արիս/Արասի/Ուվայթ/Ուես գավառին, որի անունը պահպանել է Ուշուն: Ըստ այդմ՝ առկա է Ուիշինի/Հին Ուայաիս-Ուտան, Ուիշե-Ուես/Ուշուն և Ուայաիս/Ուեսի-Ուայիսիկ հավանական համապատասխանություն:

նիայի և Ուրմիա լճի միջնամասում էր¹³⁹: Գիլգանուն Ք.ա. 856-827 թվականների ընթացքում արդեն երեք կողմերից շրջափակված էր ուրարտական տարածքներով, իսկ հարավում Խուբուշկիան էր. Իշպուինիի ժամանակ դա արդեն կցվել էր Ուրարտուին¹⁴⁰: Գիլգանուի տարածքը կարող էր մաս կազմել հետագա Ուայախի մարզին կամ լինել արևելքից նրան սահմանակից մեկ այլ մարզ:

Արևմուտքում Ուայախը կարող էր ներառել Նորդուզը՝ սահմանակցելով Ուկկուին ու նախկին Մուսրու երկրի տարածքին¹⁴¹: Հյուսիսում դա հասել է Վարկունի և Բազիրավան լեռներ¹⁴²:

Պարզ է նաև՝ ինչպես էին ուրարտական զորքերը Ուայախից արշավում Մուսասիր և Մաննա. Յուկսեկովայով և Շենդիլիով հասնում էին Մուսասիր, իսկ Գիլգանուի նախկին տարածքով և Ուրմիա լճի արևմտյան ափով իջնում էին Մաննա: Ուայախի վերը նշված տեղադրությունը և՛ պաշտպանական, և՛ հարձակողական, և՛ հետախուզական առումով հիանալի հենակետ էր, ինչն օգտագործել են Ուրարտուի արքաները:

Սարգոն II-ի հաջորդ թիրախները Խուբուշկիան ու Մուսասիրն էին:

III. Խուբուշկիայի տեղորոշումը

Ատրեեստանյան սեպագրերում Խուբուշկիայի թագավորությունը հիշատակվում է Թուկուլթի-Նինուրտա II-ի (Ք.ա. 889-884 թթ.) ժամանակաշրջանից մինչև Ասարխադոնի (Ք.ա. 680-669 թթ.) դարաշրջանը ներառյալ: Նրա տեղադրությունն Ատրեեստանի և Ուրարտուի պատմական աշխարհագրության առավել վիճահարույց հարցերից է¹⁴³: Առաջադրվել է տեղորոշման երեք վարկած՝ հյուսիսային, միջանկյալ և հարավային. Խուբուշկիան համապատասխանաբար տեղադրվել է՝ 1. Բոհտան սուի հով-

139 Գիլգանուն 1. տեղադրվել է Ուրմիա լճի արևմտյան (հյուսիսարևմտյան) ափամերձ տարածքում, 2. նույնացվել Խիզանին ընկած Վանա լճից հարավ-արևմուտք (ամփոփ տես ՄՄ, էջ 64-65 և զրակ. հղումները), 3. նույնացվել Հասանլուին (Reade J. E., Hasanlu, Gilzanu, and related considerations. AMIran, N 12, 1979, էջ 175-181 (այսուհետ՝ Reade J. E., 1979): Ամփոփ տես նաև Russel H. F., Shalmaneser's campaign to Urartu in 856 B.C. and the historical geography of eastern Anatolia according to the Assyrian source, Anatolian Studies, N 34, 1984, (այսուհետ՝ Russel H. F., 1984), էջ 198:

140 Գիլգանուն վերջին անգամ հիշատակվում է Ք.ա. 827 թ.: Պ. Պեկրրելյան և Մ. Սալվինին կարծում են, որ Գիլգանուի տարածքը մոտավոր համապատասխանում է Այադուի կամ Ուայախի տարածքներին, իսկ Ի. Մեդվեդսկայան կարծում է՝ նրա տարածքում է ձևավորվել Սանգիրուտու մարզը այդ շրջանները տեղադրելով Ուրմիա լճի արևմտյան ափին (տես Pecorella P. E., Salvini M., 1982, էջ 5: Медведская И. Н., 1989, էջ 108):

141 Մուսրուն Բոհտան սուի ավագանու էր և հավանաբար ներառում էր Մեծ Հայքի Մոկք նահանգի տարածքը. նրա Արինու քաղաքը ժամանակակից Արին բնակավայրն է՝ տեղակայված Աբնուս լեռան (Խարուսա) հարավում Թաղ-Շատախից (Թալա) հարավ-արևելք (տես Սարգսյան Ա., 2000, էջ 140-142: Նույնի Ատրեեստանի արքա Թուկուլթի-Նինուրտա I-ի արշավանքի երթուղին Կուտի, Շուբարի և Նաիրի, «ՎԷՏ», Եր., 2019, N 2, (այսուհետ՝ Սարգսյան Ա., 2019), էջ 234, ծան. 23):

142 Աղբյուրներում հիշատակություններ են պահպանվել Ուկկուի դիմացի մարզի մասին Ուայախի հետ (տես АВИИУ, 50 (4): Այս մարզը կամ Նորդուզում էր (պտմ. Անձևացիք), կամ պտմ. Մոկքում:

143 Հարցի ամփոփումը տես, օր. Lanfranchi G., Assyrian Geography and Neo-Assyrian Letters. The Location of Hubuškia Again, Neo-Assyrian Geography, (NAG), (in M. Liverani [Ed.]), Roma, 1995, (այսուհետ՝ Lanfranchi G., 1995), էջ 127: Salvini M., On the location of Hubuškia, SAAB, XI, 1997, (այսուհետ՝ Salvini M., 1997), էջ 109: Medvedskaya I. N., 1997, էջ 197-199:

տում¹⁴⁴, 2. Ուրմիա լճից արևմուտք՝ Մեծ Զաբի վերին ավազանում՝ Հաքք-յարիում և Յուկսեկովայի հարթավայրում¹⁴⁵, 3. Ասորեստանից արևելք, հյուսիս-արևելք կամ հարավ-արևելք՝ Ուրմիա լճից հարավ-արևմուտք՝ Փոքր Զաբի վերին ավազանում¹⁴⁶:

Խուրուշկիան Ասորեստանի և Ուրարտուի միջև էր, Վերին Զաբի ավազանում, Կիրրուրիի, Արիդուի, Սիմեսի, Թումմեի¹⁴⁷, Խաբխի, Ուայաիսի, Սուգունիայի, Գիլգանուի, Մուսասիրի, Անիսուի, Խարրանիայի հարևանությամբ և Նաիրի երկրի ծով(եր)ի¹⁴⁸, Մալխիսայի, Սունբիի, Ներքին Զամուայի և Մաննայի մերձավորությամբ: Նրա մայրաքաղաքն Ուայաիսի սահմանից մոտ 22-32 կմ հեռավորության վրա էր, Վերին Զաբ-Էլամունիայի ափին, գետ, որը հոսում էր և՛ Նաիրիի, և՛ Խաբխի տարածքով: Ասորեստանն ու Խուրուշկիան ինչ-որ մի հատվածում բաժանված էին Զաբ գետով¹⁴⁹: Խուրուշկիայի Շիլայա ամրոցը գտնվում էր Գիլգանուից Խուրուշկիա քաղաք տանող ճանապարհին¹⁵⁰: Խուրուշկիայով Մուսասիր կարող էին մտնել և՛ Ասորեստանից, և՛ Ուրարտուից¹⁵¹: Խուրուշկիային հարակից 6 երկիր (Խաբխի, Թումմե, Կիրրուրի, Սիմեսի, Մուսասիր, Ներքին Զամուա և Մաննա) և 2 քաղաք (Անիսու և Խարրանիա) մերձակա էին նաև Ասորեստանին: Խուրուշկիային հարևան 3 երկիր և շրջան (Մուսասիր, Գիլգանու, Ուայաիս) և Սուգունիա ամրոցն Ուրարտուի հարավային սահմանին էին: Խուրուշկիային մերձակա Մուսասիրն ու Մաննան հարևան էին և՛ Ասորեստանին, և՛ Ուրարտուին, և՛ մինչև: Թումմեն Խաբխիում էր և սահմանակից նաև Խուրուշկիայի հարևան Կիրրուրիին, որը, իր հերթին, հեռու չէր Ներքին Խաբխիից: Արիդուն Կիրրուրիում էր, Անիսուն՝ Խաբխիի, Խուրուշկիայի և Ասորեստանի սահմանին, Խարրանիան՝ Անիսուից մեկ օր հեռավորության վրա¹⁵²: Մաննայից Խուրուշկիա տանող ինչ-որ լեռնանցքով հնարավոր էր թափանցել նաև Խարրանիա և Անիսու՝ Ասորեստանի սահ-

144 St u, op., Thureau-Dangin F., 1912, էջ X-XI, քարտեզ: Pinches T., 1913, էջ 594, ծան. 1: АВИИУ, 28 (159), ծան. 10: Пиотровский Б. Б., 1959, էջ 54-55, 59 (քարտեզ): Арутюнян Н., 1970, էջ 306, ծան. 537: ТУ, էջ 231-232:

145 St u, op., Rigg H., 1942, էջ 136, ծան. 52: Աղոնց Ա., 1972, էջ 79: НУ, էջ 17-18: Levine L. D., 1977, էջ 143-144: Pecorella P. E., Salvini M., 1982, էջ 4, 17, գծապ. 1, 2: Salvini M., 1997, էջ 113-114: Медведская И. Н., 1989, էջ 111-114: Սոյնի՝ 1997: Սարգսյան Ա., 2000, էջ 142-146: Կ. Լեման-Հաուպտը Խուրուշկիան տեղադրել է Սալմասից հարավ (Lehmann-Haupt C. F., 1926, էջ 321):

146 St u, op., Kinnier Wilson J. V., 1962, էջ 108-111: Hulin P., The inscriptions on the carved throne-base of Salmanasar III, Iraq, vol. 25 (1), 1963, էջ 59: Reade J. E., 1978a, գծապ. 1, 2: Սոյնի՝ 1979, էջ 176, 178-179: Սոյնի՝ 1994, 1995, էջ 33-38, գծապ. 3, 5: Russel H. F., 1984, էջ 194-198: Zimansky P., 1990, էջ 19: Liebig M., 1991, էջ 33-34: Lanfranchi G., 1995, էջ 135-137: Maniari F., 2010, էջ 178, 182-186: Kroll S., 2012, էջ 12, գծապ. 1:

147 Թումմեի (այլ ընթերցմամբ՝ Նիմմե (АВИИУ, 10, ծան. 51, 17, ծան. 2) և Խուրուշկիայի մերձավորությունը վերականգնվում է Սալմանասար III-ի Ք.ա. 856 թ. արշավանքի և Թումմեի այլ հիշատակությունների համադրմամբ. Թումմեն նաիրյան երկիր էր՝ տեղակայված Խաբխիում Կիրրուրիի հարևանությամբ. վերջին երկուսը, իրենց հերթին, սահմանակից էին Նաիրի-Խուրուշկիային:

148 Խուրուշկիայից Նաիրի երկրի ծով հասնում էին Սուգունիայով վերադառնալով Գիլգանուի մերձակայք, մեկ այլ դեպքում՝ Նաիրի երկրի ծովից Գիլգանուով իջնում էին Խուրուշկիա, Թումմե, Կիրրուրի, երրորդ դեպքում ծովափնյա Այադուից Ուայաիսով իջնում էին Խուրուշկիա: Այս «ծովերը» կարող են լինել և Վանա լիճը, և Ուրմիան: 149 St u RIM 3, A.0.102 16 (286' b-290'):

150 Հմմտ. АВИИУ, 27 (II, 63): RIM 3, A.0.102 2 (ii63b-66d), 6 (iii), (iv26-36), 8 (24b-40), (1'-5'a), 10 (i36b-48a), 14 (35b-44), 16 (14b-20a), 24 (5b-10):

151 St u АВИИУ, 25 (174), 49 (306), (309):

152 St u SAA 5, 133:

ման¹⁵³, իսկ Խարրանիայից՝ Շաթթուարիայով անցնել Մաննա և Բուշտու¹⁵⁴: Խուբուշկիա քաղաքից Մուսասիր քաղաք հասնելու համար պետք էր հաղթահարել Արսիու լեռը, գետանցել Վերին Զաբն ու անցնել ևս 4 լեռ: Իսկ Մուսասիրի Ծ/Ջապպարիա ամրոցը մոտ էր Խուբուշկիայի և Ուրարտուի տարածքին, որին հարևան էր նաև Գիլգանուն¹⁵⁵: Խուբուշկիայի հարկը առըեստանցիները ստանում էին Կիրրուրիում¹⁵⁶ և Ներքին Զամուայում¹⁵⁷:

Ուրարտուից հարավ՝ Խուբուշկիա տանող ճանապարհներից մեկն անցնում էր Գիլգանու– Խուբուշկիայի Շիլայա ամրոց–Խուբուշկիա քաղաք–Թումմե–Կիրրուրի երթուղով¹⁵⁸, մյուսը՝ Ուայախ–Խուբուշկիա–Ասորեստան և Ուայախ–Խուբուշկիա–Արսիու լեռ–Վերին Զաբ–Շեակ, Արդիկշի, Ուլայաու, Ալլուրիա լեռներ–Մուսասիր–Անդարութթա լեռնանցք–Խիպպարնա քաղաք–Ասորեստան երթուղիներով: Խուբուշկիայից Ասորեստան էին գնում նաև Անիսու և Խարրանիա քաղաքներով¹⁵⁹: **Ասորեստանից Խուբուշկիա** տանող ճանապարհներից մեկն անցնում էր Սիմեսի լեռնանցք–Արիդու–Խուբուշկիա–Մուգունիա–Նաիրի երկրի ծով և հակառակ ուղղությամբ՝ Գիլգանուի շրջակայք և Ասորեստան¹⁶⁰: Մյուսն անցնում էր Զաբ գետ–Խուբուշկիա–Մալխիսա–Մաննա երթուղով¹⁶¹, երրորդը՝ Սիմեսի լեռնանցք¹⁶²–Խուբուշկիա–Մուսասիր (Ծ/Ջապպարիա ամրոց)–Ուրարտու–Գիլգանու երթուղով, որտեղից Դայան–Աշշուրը վերադարձել էր խուբուշկիա–ասորեստանյան սահման՝ Խարրանիա, ստացել Գաբուրիսա քաղաքի, Խարրաննիա, Շազգանա, Անդիա երկրների հարկը և Պերրիա–Շաթթուարիա–Մաննա–Բուշտու–Նամրու երթուղով հասել Խալմանի դիմաց¹⁶³:

Չնայած այսպիսի առատ փաստերին՝ Խուբուշկիայի տեղորոշումը դժվարացել է առնչվող տեղավայրերի տարակերպ տեղադրումների պատճառով:

Կիրրուրի երկիրն ու նրա լեռնանցքները¹⁶⁴ Սալմանասար III-ի ժամանակներից Ասորեստանի կազմում էին¹⁶⁵ Արբելայի շրջանի սահմանին՝

153 Տե՛ս SAA 4, 23:

154 Տե՛ս ABVIU, 28 (174): RIM 3, A.0.102 14 (174b-190), 16 (320b-341'a):

155 Տե՛ս նույն տեղում:

156 Տե՛ս ABVIU, 23 (I, 56): RIM 2, A.0.101 1 (i54b-58a), 17 (i77b-81a):

157 Հմտ. RIM 3, A.0.103 1 (ii 34b-59a): RIM 2, A.0.101 1 (ii76b-84a), 17 (iii98b-116):

158 Հմտ. ABVIU, 27 (II, 54, II 60, II 63): RIM 3, A.0.102 2 (ii45-47a), (ii47b-56a), (ii56b-60a), (ii60b-63), (ii63b-66d), 6 (i57-ii2), (ii1), (iv26-36), 8 (24b-40), (1'-5'a), 10 (i36b-48a), 14 (35b-44), 16 (14b-20a), 23 (13b-19a), 24 (5b-10), 29 (34b-39a), 30 (14-18a), 31 (9b-17a), 32 (4b-9a), 33 (6b-13), 38 (4'b-10'a), 40 (i1-10a):

159 Տե՛ս SAA 5, 133:

160 Տե՛ս RIM 3, A.0.102 1 (14-19a), (19b-29a), (29-33a), (33b-40a), 2 (i14b-18a), (i18b-23a), (i23b-25a), (i25b-29a), 6 (i28-41), 10 (i19-23a), 14 (22-26a), 28 (10b-18a):

161 Տե՛ս RIM 3, A.0.102 14 (159b-174a), 16 (291'-320'a):

162 Սիմեսի լեռնանցքի տեղադրության վերաբերյալ տե՛ս Russel H. F., 1984, էջ 194-196:

163 Տե՛ս RIM 3, A.0.102 16 (320'b-341'a):

164 Կիրրուրին (այլ ընթերցմամբ՝ Խարրուրի) նույնացվել է Հարիրին/Ղաշտի ի Հարիրին՝ ընկած Արբելայից հյուսիս-արևելք, տեղադրվել Սեֆին դաղի և Ուանդուզի միջև ու Կոի Սանջակում՝ Ուանյայի հարթավայրից հարավ-արևելք, նույնացվել հայոց պատմական Կրերք գավառին ու լեռնանցքին ընկած Մերվանի և Ջուլամերիկի միջև (ամհուփ տե՛ս Saggs W. F., The Land of Kirmui, Iraq, vol. XLII, Part 1, 1980, (այսուհետ՝ Saggs W. F., 1980), TV, էջ 111-112):

165 Տե՛ս Saggs W. F., 1980, էջ 80-82: Սալմանասար III-ի Ք.ա. 856 թ. ուրարտական արշավանքի ժամանակ Կիրրուրին արդեն Ասորեստանի Արբելայի շրջանի կազմում էր և համարվում էր այդ շրջանի սկիզբը: Հավանաբար

Խուբուշկիայի, Խաբխիի և վերջինիս մաս կազմող Թումմեի հարևանությամբ, երկրներ, որոնք սահմանակից էին միմյանց և Ասորեստանին: Միաժամանակ, Կիրրուրիից հնարավոր էր թափանցել Փոքր Զաբի ավազան՝ Լուլլու երկիր¹⁶⁶:

Աշշուրնազիրպալ II-ը (Ք.ա. 884/3-859 թթ.) Ք.ա. 884/3 թ. արշավել էր¹⁶⁷ Թումմե՝ անցնելով Լիբե (Բիլե կամ Լայլաբիր)-Սուրրա (Սուրի)-Աբուկու (Ավկի)-Արուրա (Հորա)-Արուբե (Արբուշ) երթուղով՝ Միզուրի լեռնաշրջանի հարավ-արևելքով և Ավ ի Մարկե գետի ավազանով հասնելով ժամանակակից Թխում¹⁶⁸ (վերջինս պահպանել է Թումմեի անունը): Այստեղից նա իջել է Կիրրուրի և ստացել Խարգայա (Այգարթ), Խարմասայա (Մարոյիսա), Ուլմանիա (Օրամար), Սիմիրրա (Միրուգ), Սիմեսի (Սեր ի Մուսակա՝), Ադաուշ (Արգո՞շ) երկրների¹⁶⁹, ինչպես նաև Խուբուշկիայի և Գիլգանուի հարկը: Կիրրուրիից Աշշուրնազիրպալ II-ը Միզուրի լեռների հարավով՝ Խուլուսի լեռնանցքով (Հալուրա) և Ամադիայի ու Մեծ Զաբի միջնամասով, մտել է Ներքին Խաբխի¹⁷⁰ և գրավել է Խաթթու (Խաաթու), Խաթարու (Թարուանի՞շ), Նիշտուն (Դեշտա՛ն), Իբբիդի¹⁷¹ (Բեդուհ), Մետկիա (Մահդ Դոկե), Արցանիա (Արադինա), Թելա (Թուլար), Խուլունիա (Կուրոր/Հարոր) բնակավայրերը¹⁷², որոնք Ուսու, Արուա և Արարդի (Արարադ, Զուդի դադ)¹⁷³ լեռների միջև էին:

Սալմանասար III-ի 858 թ. արշավանքի ժամանակ Արիդուի առումով և Նինի արքայի գերումով Կիրրուրին կորցրել է իր անկախությունը:
166 St u RIM 2, A.0.100 5 (30-40):
167 St u ABVIY, 23 (I, 43), (I, 54), (I, 56), (I, 58): RIM 2, A.0.101 1 (i43 b-54a), (i54b-58a), (i58b-69a), 17 (i61b-77a), (i77b-81a), (i81b-90):
168 ժամանակակից Սուրի, Ավկի, Հորա, Արբուշ բնակավայրերի և Թխումի լեռնաշրջանի տեղագրությունը տես կից քարտեզում: Սուրրա-Սուրին Թիզլաթալասար I-ը հիշատակում է Շուրիա տարբերակով դեպի Կումենու և Խաբխու կատարած արշավանքի ժամանակ՝ Սակա և մյուս Սակա բնակավայրերից հետո (տես RIM 2, A.0.87.12 (3'-16')): Չիբարի Բիլե, նրա մերձակա Լայլաբիր բնակավայրի ու Լիբեի ամրոցի անունների հավանական կապից կարելի է եզրակացնել, որ ասորեստանցիները Սուրի են հասել Չիբարի մոտակայքից անցնելով շուրջ 32 կմ:
169 Այգարթը Մեծ Հայքի Կործայք նահանգի գավառներից էր ընկած Օրամարից հարավ: Վերջինս գտնվում է Ջուլամերկից հարավ-արևելք: Մարոյիսան և Միրուգը գտնվում են Հերկիից հարավ-արևմուտք Շենդինան սուի ավազանում, Սեր ի Մուսակա լեռը Բերոշի շրջանից հյուսիս-արևելք է, Արգոշը՝ Սեր ի Մուսակայից հյուսիս-արևելք: Ադաուշը տարբեր է Բաբխիում հիշատակվող նույնանուն բնակավայրից (տես ABVIY, 10 (III, 35), (III, 66)): Սակայն այն հիշատակվում է Թիզլաթալասար I-ի մեկ այլ արձանագրությունում Մատկիուի հետ (տես RIM 2, A.0.87 12 (17'-23')), և այստեղ արձանագրության պակասող ...*juuu*, ...*juu* երկրանունները պետք է կարդացվեն ոչ թե Լուլլումու, այլ Կլումու, իսկ ...*zja-ba*-ն ոչ թե Ստորին Զաբ, այլ Վերին Զաբ, քանզի Մատկիում այլ արձանագրություններում հիշատակվում է Կումու/Կումմանու-Կումանայում, Խաբխիում և Ներքին Խաբխիում Մեծ Զաբի ավազանի երկրներում:
170 Այս երկիրը Խաբխիի մի հատվածն էր ընկած Արլ. Խաբուր-Կոմանա գծից հյուսիս՝ մինչև Բոխտանի ավազան՝ արևմուտքում ներառելով Ջուդի դադի արևելյան շրջանները, իսկ արևելքում՝ հասնելով Մեծ Զաբ: Ինչ վերաբերում է Ասորեստանից արևելք Խաբխի երկրների գոյության վարկածին, ապա դրա համար հինք հանդիսացող հիշատակություններ Ասորեստանից հյուսիս՝ Կորդվաց լեռների շրջանում ընկած Խաբխի երկրի մասին են (տես և հմնտ. Fuchs A., Mät Habbî, in: J. Marzahn, H. Neumann, Assyriologica et Semitica. Festschrift für Joachim Oesner anlässlich seines 65. Geburtstages am 18. Februar 1997, AOAT, 252, Münster, 2000, էջ 73-94: RIM 2, A.0.99.2 (23-25), 4 (13'-20'), A.0.101 67 (1-10): ARAB II, էջ 62 (118), էջ 105 (209) և այլն):
171 Այլ ընթերցմամբ՝ Սաբիդի (հմնտ. ABVIY, 23 (I, 58): RIM 2, A.0.101 1 (i58b-69a), 17 (i81b-90):
172 Հալուրա, Խաաթու, Թարուանիշ, Դեշտան, Բեդուհ, Մահդ Դոկե, Արադինան, Թուլար Կուրոր/Հարոր բնակավայրերի տեղագրությունը տես քարտեզում. խաբխիական Մետկիան հիշատակում է նաև Թիզլաթալասար I-ը դեպի Կումենու և Խաբխի կատարած արշավանքի ժամանակ (տես u ABVIY, 14: RIM 2, A.0.87 12 (3'-16')):
173 Արարադ/տղ հիշատակվում է Հին Կուսկարանում և հայկական միջնադարյան աղբյուրներում որպես լեռ(ներ) և երկիր՝ կապված ջրիեղելի և հայրց ազգածնության առասպելների հետ: Դա հավանաբար ժառանգվել է շումերական շրջանի Արաստայի և ասորեստանյան աղբյուրների Ուր(ու)արդիից նույնանալով հնագույն Կուսիին

Սալմանասար III-ը, Ք.ա. 858 թ. **Սիմեսի** լեռնանցքով անցնելով և գրավելով **Արիդու** ամրոցը, այստեղ ստացել էր նույն **սիմեսցիների, սիմիրացիների, խարգայցիների, խարմասցիների, ուլմանցիների** հարկը, այնուհետ մտել **Խուբուշկիա** և **Սուգունիա**: Ակնհայտ է՝ 1. Արիդուն և Սիմեսին Կիրրուրիում էին կամ նրա հյուսիսային մերձավորությամբ՝ Խուբուշկիայի սահմանին, 2. Կիրրուրի/Խաբրուրի-Հարիր (Դաշտ ի Հարիր), Կիրրուրի-Կրեթք և Կիրրուրի-Կոի Սանջակ նույնացումներն անհնարին են, քանզի այդ շրջաններից որևէ մեկը, միաժամանակ, հարևան չէր Ասորեստանի Արբելայի շրջանին, Խուբուշկիային, Թունմե-Թխումին, Ռու Քուչուկի և Շեմդինան սուի ավազանին ու Խաբխիին՝ ընկած Մեծ Զաբի և Արլ. Խաբուրի ավազաններում, առավել ևս՝ Ներքին Խաբխիին: Կիրրուրին Էրբիլից հյուսիս էր՝ Խաբխիի և Խուբուշկիայի մերձավորությամբ: **Զիբարից** մոտ 20 կմ հյուսիս, **Թխումից** շուրջ 60 կմ հարավ-արևելք, Մեծ Զաբի, նրա ձախակողմյան **Շեմդինան** և **Ռու Քուչուկ** (Բարասգիր) վտակների միջնամասում է գտնվում ժամանակակից **Կուր ի Հորե** լեռնաշրջանը, որը պահպանել է սեպագրական **Կիրրուրի** երկրի անունը: Կուր ի Հորեն հարավ-արևելքից հարում է Բարադոստին, հյուսիսից՝ Շեմդինանսուի ստորին ավազանին, արևմուտքից՝ Միզուրի լեռնագավառին, հարավից՝ **Զիբարին**: Կիրրուրին հավանաբար տարածվել է մինչև Շեմդինան սուի ձախափնյակ՝ հսկողության տակ պահելով Հաքքյարի, Յուկսեկովա, Թխում և Զագրոսի լեռնանցքներ տանող բազմաթիվ լեռնանցքներն ու ճանապարհները: Պարզվում է նաև Թուկուլթի-Նինուրտա II-ի Ք.ա. 886 թ. արշավանքի երթուղին. արքան անցել է **Կիրրուրիի լեռնանցքներով**, հաղթահարել **Ուրբուբու լեռն** ու դժվարանցանելի լեռնային ճանապարհներով հասել **Իշրուն լեռը**, որը **Լադանու** երկրում էր: Վերջինս **Լուլլու** երկրում էր՝ Փոքր Զաբի աջափնյակում¹⁷⁴: Կուր ի Հորեից Ասորեստանի գորքը հավանաբար թափանցել է Ռուբար ի Հաջի Բեգ գետի ավազան¹⁷⁵, այնուհետ Բարասգիրի ավազանով և Բերդե Բուքի կամ Քելյաշինի լեռնանցքով դուրս եկել Փոքր Զաբի վերին ավազան, ինչպես Դայան-Աշշուրը Ք.ա. 827 թ.: **Լադանուն**, հավանաբար, ժամանակակից **Դալավան** բնակավայրի շրջակայքում էր՝ **Դավլամանիկ դադի** փեշերին՝ Գովրա Շինկի լեռնանցքից մոտ 8 կմ հյուսիս: Թուկուլթի-Նինուրտա II-ը անցել է ռազմավարական նշանակություն ունեցող 3 լեռնանցքով՝ փորձելով հսկողություն հաստատել Ասորեստան տանող ճանապարհների վրա, ինչպես ակնարկվում է արձանագրությունում¹⁷⁶:

(Քարդու, Կորդուենե, Կորդուք, Կադմոսի տուն, Ջուդի): Այս երկիրն իր անունն է թողել Ուրարտու-Արարատի թագավորությանը:

174 Տե՛ս RIM 2, A.O.100 5 (30-40): Արշավանքի երթուղու վարկածները ափոփ տես *Saggs W. F.*, 1980, էջ 80-83:

175 Ուրբուբու լեռնանունը հավանաբար պահպանել է Ռեբարոկ բնակավայրը՝ ընկած Հարանից հյուսիս:

176 Տե՛ս RIM 2, A.O.100 5 (30-40): Թուկուլթի-Նինուրտա II-ին ենթարկվել են նաև Խուբուշկիան և Գիլգանուն (տես RIM 2, A.O.100 6 (1-10a)): Կիրրուրին անցնելով՝ արքան հավանաբար մտել էր Խուբուշկիա երկիր, սպառնացել նաև Գիլգանունին, որոնք խուսափել են բախումից և հնազանդություն հայտնել:

Սարգոն II-ի դարաշրջանում Ասորեստանի և Խուրուշկիայի սահմանն անցնում էր Կիրորուրիի հյուսիսով: Խուրուշկիան ընկած էր նրանից հյուսիս և հյուսիս-արևելք:

Թունմն (Թուննի) երկիրը¹⁷⁷ Թիգլաթպալասար I-ը (Ք.ա. 1115-1077 թթ.) հիշատակում է որպես Խաբխիում գտնվող նաիրյան 'ամենահարավային' երկիրը: Ք.ա. 1112 թ. իր հանրահայտ նաիրյան արշավանքի ժամանակ¹⁷⁸ Թիգլաթպալասար I-ը **Էլամա (Իլամ)** և **Ամադանա (Համադան)** լեռները և մի շարք այլ լեռներ անցնելուց հետո մտել է **Նաիրի** և **Թումմեից** անցել Ուրմիա լճի հյուսիսարևմտյան ափ, գրավել **Թունուրե (Տանբեր)**, **Թուալի (Ալլի)**, **Կինդարի (Խունդուր, Հոդար)**, **Ուզուլա (Ջուլա)**, երկրները, շարժվել հյուսիս և գրավել **Ունգամունի (Անձախի ձոր)**, **Պիլակինի (Բերկրի)**, **Աթուրգինի (Թոնդրակ)**, **Կուլիբարգինի (Կոզովիա)**, **Սինիբիրինի (Ձիրավ)**, **Խիմուա (Նպատ)**, **Պայթերի (Պայ)**, **Շուրուրիա (Շորեր)**, **Աբանի (Ապահունիք)**, **Աբարսիունի (Բասեան)**, **Կիրինի (Կարին)**, **Ալբայա (Ալվար)**, **Ուգինա (Գերան)**, **Նագաբիա (Մասսաբ կամ Ագաբ)**, **Դայանի (Տայբ)** երկրները և Մանագկերտով ու Արածանիի ավազանով իջել **Մելիդ (Մալաթիա)**¹⁷⁹: Իր նվաճումները Թիգլաթպալասար I-ը նշում է՝ «Թունմեից՝ Դայանի, հաղթողը Խաբխի երկրի՝ մինչև Մեծ ծով»¹⁸⁰: Թիգլաթպալասար I-ը խաբխիական **Սուգի** երկիր կատարած արշավանքի ժամանակ վերջինիս օգնության հասած **Խիմե**, **Լուխի**¹⁸¹, **Ալամունի (Ուլմանիա-Օրամար)** կամ Էլամունի-Ալաման)¹⁸², **Ար(ր)իրգիի (Հարիկ, Հրրիկի)**¹⁸³ երկրների շարքում հիշատակում է նաև **Թուննի** երկիրը¹⁸⁴: **Սուգի** երկիրն ընկած էր ժամանակակից **Սուլի** բնակավայրի շրջակայքում, որը գտնվում է Շենդինան սուի և նրա Ավ ի Մարկե վտակի միջև, Կուր ի Հորեից մոտ 20 կմ հյուսիս-արևմուտք և Թխումից մոտ 40 կմ հարավ-արևելք¹⁸⁵: Ակնհայտ է՝ Թուննին անվանապես և տեղագրորեն համապատասխանում է Թուն-

177 Թունմեի տեղադրության վարկածները ամփոփ տես **Russel H. F.**, 1984, էջ 187-189: **Սարգսյան Ա.**, Թիգլաթպալասար I-ի մ.թ.ա. 1112 թվականի նաիրյան արշավանքի երթուղին, «Պատմա-բանասիրական հանդես», Եր., 2002, 3 (161), (այսուհետ **Սարգսյան Ա.**, 2002), էջ 215-219:

178 Տես **АВВИУ**, 10 (IV, 43), (V, 22): **RIM 2**, A.0.87 I (iv43-v21), (v22-32), (v33-41):

179 Տես **Սարգսյան Ա.**, 2002, էջ 215-224:

180 **АВВИУ**, 17: **RIM 2**, A.0.87 I 6 (1-7):

181 Խիմ(մ)ե և Լուխի/ի երկրները պատկանում էին նաև Ուրուատրիին (տես **АВВИУ**, 2: **Grayson A. K.**, Assyrian Rulers of the third and second millennia BC (to 1115 BC), (The Royal inscriptions of Mesopotamia. Assyrian periods; v. 1), University of Toronto Press, 1987, Printed in Canada, Reprinted 2002, (այսուհետ՝ **RIM 1**), A.0.77 I (22-46)), որը Կատմութիի և Ալգիի արևելյան հարևան էր Տիգրիսի, Արլ. Խաբուրի և Բոհտան սուի ավազանում:

182 Տես, օր., **Манадян Я.**, 1956, էջ 12: **TY**, էջ 253: **Սարգսյան Ա.**, 2000, էջ 141:

183 Հարիկ-Հրրիկի ժամանակակից բնակավայրը գտնվում է Ամադիայից մոտ 17 կմ հարավ-արևելք՝ Մեծ Ջաբի աջ ափին:

184 Այլ ընթերցմամբ՝ Նիմնի/ու (հմտ. **АВВИУ**, 17, ծան. 2: **RIM 2**, A.0.87 I (iv7-31)):

185 Սուգի-Սուլիին են գուցե անցվում նաև Սակա անունով երկու բնակավայրերը, որոնք Թիգլաթպալասար I-ը գրավել էր Կունանի (Կոմանա) և Խաբխի արշավելով (տես **АВВИУ**, 14: **RIM 2**, A.0.87 I 2 (3'-16')): Այս արշավանքի ընթացքում հիշատակվող խաբխիական Շուրիա բնակավայրը հավանաբար նույնական է Աշշուրնազիրպալ II-ի հիշատակած Թունմեի Սուրրա՝ ժամանակակից Սուրի բնակավայրին, իսկ մյուս Սակա բնակավայրը հավանաբար ժամանակակից Սարկին է՝ ընկած Սուրիի և Սուլիի միջև: Սուրրա-Շուրիա-Սուրի համապատասխանությունը ևս մեկ ակնառու ապացույց է, որ Թունմեն գտնվում էր Խաբխիում՝ խաբխիական Սուգի-Սակա-Սուլիի և Կունմու-Կոմանայի հարևանությամբ:

մեին¹⁸⁶: Սալմանասար III-ը Ք.ա. 856 թ. շարժվել է գրեթե նույն երթուղով, ինչ Թիզբաթայասար I-ը Ք.ա. 1112 թ. արշավանքի ընթացքում, միայն թե հակառակ ուղղությամբ. նա անցել է **Էնձիտի** լեռնանցքով, գետանցել Արածանին և **Սուխմիով (Շահունի՞ք)** հասել **Դայաննի (Տայք)**, այնուհետև **Արգաշկու (Արձեշ կամ Արձիշակ)–Էրիտիա լեռ–Արամալի (Մեծ Աղբակ)–Ջանգիունա (Ջարեհավան)** երթուղով իջել Ուրմիա լճի հյուսիսարևմտյան ափ, այստեղից **Գիլգանու–Շիլայա–Խուրուշկիա–Կիրրուրի** (Կուր ի Հորե) երթուղով դուրս եկել Արբելայի շրջանի սկիզբը: Իր գրաված սահմանները նա նշում է՝ Ալզիից Սուխմե–Դայաննի–Թումմե ու անդրադառնում Արգաշկուից Կիրրուրի անցած երթուղուն¹⁸⁷, կամ՝ Էնձիից Սուխնի–Մելիդ–Թումմե, ապա անդրադառնում Դայաննեից Կիրրուրի անցած երթուղուն¹⁸⁸: Ուսումնասիրողները հիշատակության այսպիսի ձևաչափից կարծել են՝ Թումմեն Դայաննեի մոտակայքում էր¹⁸⁹: Սակայն խոսքը Կիրրուրիի հարևան նույն խաբխիական Թումմե երկրի մասին է, և Սալմանասար III-ը հիշատակում է իր գրաված տարածքների սահմանները՝ Ալզի (տարբերակ՝ Էնզի, սկզբնապես՝ հարավ), Սուխմի և Մելիդ (արևմուտք), Դայաննի (հյուսիս) և Թումմե (հարավ՝ վերջնակետ), այնուհետև անդրադառնում հյուսիսից Ատրեստանի սահման հասնելու երթուղուն: Ակնհայտ է՝ Խուրուշկիայից Սալմանասար III-ը նախ մտել է Թումմե, այնուհետ՝ Կիրրուրի, ինչպես Աշշուրնազիրպալ II-ն էր անցել Թումմեից Կիրրուրի: Նաև հասկանալի է՝ Ուրմիայի հյուսիսարևմտյան ափից Սալմանասար III-ը շարժվել է ոչ թե լճի արևմտյան ափով հարավ¹⁹⁰, այլ Թխումի ուղղությամբ՝ հարավ–արևմուտք, և Գիլգանուն, Շիլայան, Խուրուշկիա քաղաքն ընկած էին այս գծի վրա: Խաբխիական Թումմե–Թումմի երկիրը մի կողմից հարևան էր խաբխիական երկիր Կումենուին (Կումանա), մյուս կողմից խաբխիական երկիր Սուգիին (Սուկի), Խուրուշկիային, Կիրրուրիին (Կուր ի Հորե) և Ատրեստանին՝ համապատասխանելով Թխումի լեռնաշրջանին. վերջինս գտնվում է Ջուլամերկի և Միզուրի լեռների միջև՝ Կուր ի Հորեից հյուսիս–արևմուտք¹⁹¹: Նաիրի–Խուրուշկիան ընկած էր Թումմե–Թխումից հյուսիս և արևելք ու ընդգրկում էր այնպիսի տարածք, որը սահմանակցում էր Գիլգանուին և Ուայախին հյուսիսում, Մուսասիրին՝ հարավ–արևելքում, Կիրրուրիին և Ատրեստանին՝ հարավում:

186 Տե՛ս АВИИУ, 10 (III, 92), ծան. 42:

187 Տե՛ս RIM 3, A.O.102 10 (i36b-48a), 14 (32-35a), 16 (14b-20a):

188 Տե՛ս RIM 3, A.O.102 12 (9-20):

189 Օր. Ն. Արոնցը Թումմեն տեղադրում է Յոնջայուի դաշտում (տե՛ս **Արոնց Ն.**, 1972, էջ 85): Այս տեսակետն ընդունում է նաև Կիններ Վիլսոնը՝ տարբեր նկատելով Սալմանասար III-ի և Աշշուրնազիրպալ II-ի հիշատակությունների Թումմեն վերջինի հիշատակություններում այն ընթերցելով Նիմե (տե՛ս **Kinnier Wilson J. V.**, 1962, էջ 104-106):

190 Տե՛ս **Russel H. F.**, 1984, էջ 194-200: **Kroll S.**, The Urartian Presence in the Lake Urmia Region, Urartians. A Civilization in Eastern Anatolia, The Proceedings of the 1st International Symposium held at Istanbul 2014, RHM, 2018, էջ 200, գծապտկ. 2:

191 Թխում–Թխումայում են գտնվում Թխում դաղը, Թխումա բնակավայրը, Մեծ Ջաբի ձախակողմյան Թխուբ սուվտակը:

Արիդու ամրոցը Սիմեսի լեռնանցքի և Խուբուշկիա քաղաքի միջև էր՝ Կիրրուրիում կամ նրա հյուսիսային մերձավորությամբ: Կուր ի Հորեից սոս 15 կմ հյուսիս-արևելք՝ Շենդինան սուի ձախ ափին է գտնվում **Արդիլա** բնակավայրը, որը հավանաբար համապատասխանում է **Արիդուին**: Ք.ա. 858 թ. Սալմանասար III-ը Սիմեսիով հասել է Արիդու-Արդիլա և շարժվել հյուսիս՝ **Խուբուշկիա** և **Սուգունիա** ուրարտական ամրոց, որը նույնացվում է Սուկան կամ Սիկանիս բնակավայրերին: **Սուգունիան** Խուբուշկիայից Նաիրի երկրի ծով տանող ճանապարհին էր, իսկ այս ժամանակակից բնակավայրերն ընկած են Զուլամերկից Բաշկալա և Վանա լիճ տանող լեռնանցքի երկու ծայրերին, ինչը վկայում է, որ Նաիրի երկրի ծովը այս դեպքում Վանա լիճն է: Սուգունիան չէր կարող գտնվել Ուրմիա լճի հարավ-արևմուտքում, ինչպես ենթադրվում է¹⁹², քանզի ուրարտացի Արամուի տիրույթները չէին կարող Դայաննի-Տայքից ձգվել Գադար չայի ավազան, որը Իշպուինիի ժամանակ դեռ Ներքին Զամուայի տարածքում էր. այս գետից հյուսիս և հարավ ընկած Մալլիսա-Մալլիսան և Սունբի-Սուֆիանը Սալմանասար III-ի և Շամշի-Ադադ V-ի ժամանակ ուրարտական չէին:

Սիմեսի երկիրն ու լեռնանցքը Կիրրուրիում էր կամ նրա հյուսիսային մերձավորությամբ՝ Արիդու (Արդիլա) տանող ճանապարհին: Սալմանասար III-ը դա հիշատակում է (Ք.ա. 827 թ.) Նամրուից հետո՝ Խալմանից առաջ, ինչը Սիմեսիի տեղադրության շուրջ տարածայնությունների հիմնական աղբյուրն է: Սակայն այստեղ նշվում է արշավանքի ուղղությունը, և Դայան-Աշշուրը արշավանքի սկզբում անցել է Սիմեսի լեռնանցքով և արշավանքի վերջում դուրս եկել Խալմանի դիմաց¹⁹³: Այս մեկնաբանությունը չընդունելու պարագայում պետք է կարծել, որ խոսքը 2 նույնանուն լեռնանցքների մասին է, քանզի միայն մեկ Սիմեսի լեռնանցքի գոյությունը Նամրուի և Խալմանի միջև անհնար է. նրա հարկը որևէ կերպ հնարավոր չէր լինի ստանալ Կիրրուրիում: Սակայն երկու դեպքում էլ տեղանունը նշվում է որպես լեռնանցք՝ վկայելով, որ դրանք միևնույն տեղավայրն են՝ ընկած Կուր ի Հորեի և Արդիլայի միջև, Ռու Քուչուկի և Շենդինան սուի միջնատարածքում: Սիմեսի երկրի հարկը մեկ ստացվել է Կիրրուրիում, մեկ Արիդուում, այս երկրի լեռնանցքն անցնելուց հետո ասորեստանցիները մեկ հայտնվել են Արիդուում, Խուբուշկիա քաղաքում և Սուգունիայում, մեկ Խուբուշկիայի, Մուսասիրի, Ուրարտուի և Գիլգանուի տարածքում:

192 Տե՛ս, օր., Reade J. M., 1978a, էջ 138 (գծայուկ.1): Pecorella P. E., Salvini M., 1982, էջ 6:

193 Ըստ Հ. Ուասելի՝ Դայան-Աշշուրը ոչ թե Նամրից Սիմեսի լեռնանցքով դուրս է եկել Խալմանի դիմաց, այլ արշավանքի սկզբում անցել է Սիմեսի լեռնանցքով և արշավանքի վերջում դուրս եկել Խալմանի դիմաց, և արձանագրության վերջում նշվող այս հատվածը արշավանքի երթուղու ամփոփումն է: Նման մեթոդով, օրինակ, Սալմանասար III-ը նշում է իր 856 թ. արշավանքի երթուղին փաստելով, որ մտել է Էնձիի լեռնանցքով և դուրս եկել Կիրրուրիի լեռնանցքով Արբելայի շրջանի սկիզբ (տե՛ս Russel H. F., 1984, էջ 196-198): Ըստ այդմ Խուբուշկիա տանող ճանապարհներից մեկն անցնում էր Սիմեսի լեռնանցքով փաստված նաև Սալմանասար III-ի Ք.ա. 858 թ. արշավանքի հիշատակություններով:

Մակայն Դայան-Աշշուրը Խուբուշկիայից չի շարժվել Սիդեկանի ուղղությամբ, որտեղ սովորաբար տեղադրվում է Մուսասիրը, այլ շարժվել է հյուսիս՝ Գիլգանու, այնուհետ վերադարձել Խարրանիա-Հարան և թափանցել Մաննա: Կուր ի Հորեից հյուսիս, Արդիլայից հարավ-արևելք, Բարոշի լեռների հյուսիսարևելյան մերձավորությամբ է գտնվում **Սեր ի Մուսակա** լեռը, որի շրջակայքում էին, հավանաբար, **Սիմեսի** երկիրն ու լեռնանցքը:

Գիլգանու երկիրը համանուն մայրաքաղաքով գտնվում էր Ուրմիա լճի հյուսիսարևմտյան ծովափի և Խուբուշկիայի միջև՝ Արամալիից (Մեծ Աղբակ) և Զանգիունայից (Զարեհավան) հարավ, Կիրրուրիից (Կուր ի Հորե), Սիմեսիից (Սեր ի Մուսակա¹⁹⁴), Խարրանիայից (Հարան) և Մուսասիրից հյուսիս, Թունմե-Թխումից հյուսիս-արևելք, Խուբուշկիայի և Սուգունիայի (Սիկանիս կամ Սուկան) սահմանային հատվածի և Ուրարտու-Մուսասիր մերձագրության սահմանի մերձավորությամբ: Գիլգանուն ընդհանուր սահման չունեի Ատրեստանի և Մուսասիրի հետ և չէր կարող գտնվել Ուրմիա լճի արևմտյան ափամերձ տարածքում, հակառակ պարագայում Ուրարտուն չէր կարող այստեղ տիրույթներ ունենալ Գիլգանուի, Մուսասիրի և Ներքին Զամուայի հարևանությամբ: Նա չէր կարող գտնվել նաև Ուրմիա լճի հարավային ափամերձ տարածքում՝ նույնանալով Հասանլուին¹⁹⁴, քանզի այդ շրջանը նշված ժամանակ պատկանում էր Ներքին Զամուային՝ իր Իդա (Ադա) շրջանով ու քաղաքով, որը Հասանլու և Լուլունար լճերի ավազանում էր. բացի դրանից՝ Ներքին Զամուան այստեղ սահմանակցում էր Ուշպինա-Իշպուինի տիրույթներին: Այստեղ՝ Խուբուշկիայից Մաննա տանող ճանապարհին էր նաև Մալխիսա (Մալլախա) երկիրը: Գիլգանուն պետք է որ գտնվեր Կուր ի Հորե-Հարան-Փոքր Զաբի վերին ավազան գծից հյուսիս, այնպես, որ հարմար լինեի նրա հարկը ստանալ Կիրրուրիում և Ներքին Զամուայում¹⁹⁵: Գիլգանուն գտնվում էր Զուլա գետի վերին ավազանի և Մեծ Զաբի միջև՝ Զագրուսից արևմուտք, Խուբուշկիա-Սուգունիա-Արամալի շրջագծած տարածքում, այնպես, որ Ուրարտուն Զագրուսի և Ուրմիա լճի միջնատարածքով կարող էր ծավալվել հարավ՝ մինչև Մուսասիր և Ներքին Զամուա: Գիլգանու քաղաքը գտնվում էր Շիլայայի և Զուլա գետի ավազանի միջև՝ Սուգունիայից արևելք, Յուկսեկովա-Մովանա գծից հյուսիս կամ հյուսիս-արևմուտք: Այստեղ՝ Շիկակում, Մեծ Զաբի ձախակողմյան Մասիրո դերե վտակի ձախ ափին են գտնվում վերին և Ստորին **Գիոսնի** կամ **Գոսնի** ժամանակակից բնակավայրերը, որոնք պահպանել են **Գիլգանուի** անունը: Ուրարտական Ուայախի մարզը և Գիլգանուի նախկին

194 Sten Reade J. E., 1979:
 195 Sten ABИИY, 23 (I, 56): RIM 2, A.0.101 1 (i54b-58a), (ii76b-84a), 17 (i77b-81a), (iii98b-116): Ըստ Աշշուրնագիրպա II-ի՝ Գիլգանուի հարկը ստացվել է Զամուայում հավանաբար նկատի ունենալով Ներքին Զամուան: Խուբուշկիայի հարկը ևս ստանում էին Ներքին Զամուայում և Կիրրուրիում, իսկ Գիլգանուն Խուբուշկիայից հյուսիս էր: Գիլգանուից Կուր ի Հորե հարկը կարող էին տեղափոխել Մեծ Զաբի կամ Շեմոհանի ավազանով, իսկ Փոքր Զաբի վերին ավազան Ուրմիա լճի արևմտյան ափով:

տարածքը կողք կողքի ընկած էին Խուրուշկիայի հյուսիսում՝ դեպի Վանա և Ուրմիա լճեր տանող ճանապարհներին, Այադու-Արամալի (Արմարիալի)-Ջանգլունա գծից հարավ: Գոսնի-Գոսինի բնակավայրերից 32 կմ հարավ-արևմուտք, Ջուլամերկից 12-13 կմ հյուսիս-արևմուտք, Դեզի Դերրեի աջ ափին են գտնվում **Չիրի Չիրայա** և **Չամ ի Չիրի Չիրայա** բնակավայրերը, որոնք պահպանել են **Շիլայա** ամրոցի անունը: Ստացվում է՝ Սալմանասար III-ը Ք.ա. 856 թ. արշավանքի վերջնամասում շարժվել էր Գոսինի-Չիրի Չիրայա-Խուրուշկիա քաղաք-Թխում-Կուր ի Հորե աղեղնաձև՝ հյուսիս-արևելքից հարավ-արևմուտք, այնուհետ՝ հարավ-արևելք ուղղությամբ, իսկ Դայան-Աշշուրը Ք.ա. 827 թ. շարժվել էր Սիմեսի լեռնանցք (Մեր ի Մուսակա՞)-Խուրուշկիա երկիր-Մուսասիրի Ծ/Ջապպարիա ամրոց-Ուրարտուի տարածք-Գոսինի երթուղով կրկին աղեղնաձև, սակայն հարավից հյուսիս-արևելք, այնուհետ՝ հյուսիս-արևմուտք ուղղությամբ և վերադարձել հարավ՝ Խարրանիա (Հարան)¹⁹⁶: Այս 2 արշավանքների երթուղիները գծագրում են Խուրուշկիայի գրեթե ողջ տարածքը, ցույց տալիս նաև Խուրուշկիա-Մուսասիր, Խուրուշկիա-Գիլգանու հավանական սահմանը (վերջինս անցնում էր Նեհիլի ստորին ավազանով՝ Չիրի Չիրայա-Յուկսեկովա գծի հյուսիսային մերձավորությամբ, որից արևմուտք Ուայախ-Խուրուշկիա սահմանագիծն էր, իսկ արևելք՝ Ուրարտու-Գիլգանու-Մուսասիր սահմանային շրջանը): Իշպուինիի ժամանակ Ուրարտուն արդեն սահմանակցում էր Ներքին Ջամուային: Իշպուինիի և Մենուայի ժամանակ Ուրարտուի սահմանն հասել էր Քելյաշինի լեռնանցք և Թաշ թեփե՝ այստեղից դուրս մղելով Ներքին Ջամուային: Ահա այս հարավային առաջխաղացման հետևանքով Գիլգանուն միացվել է Ուրարտուին՝ ապահովելով Ուայախից ամենակարճ երթուղին Մուսասիր և Մաննա:

Մուսասիրի Ծ/Ջապպարիա ամրոցը գտնվում էր Խուրուշկիայի և Ուրարտուի տարածքների միջև՝ Սիմեսի լեռնանցքից հյուսիս-արևելք, Գիլգանու-Գոսինիից հարավ-արևելք, Մովանա-Յուկսեկովա գծից հարավ: Բազլարից (Ների) մոտ 5 կմ հյուսիս-արևելք, Շենդինլիից 2 կմ և Ջերգանից մոտ 12 կմ հյուսիս-արևմուտք գտնվող **Շապաթան** բնակավայրը հավանաբար պահպանել է **Ծ/Ջապպարիայի** անունը: Մովանայի կոթողի տեղադրությունը հիմք է տալիս ենթադրելու, որ Մուսասիրի հյուսիսային սահմանը հասել է Շենդինան սուի վերին ավազան, իսկ Թոփուզավայի, Քելյաշինի և Մերգեհ Քարվանի երկվեզվյան կոթողները՝ որպես սահմանաքարեր, դրվել են Մուսասիրի հարավային՝ Մաննայի և Ասորեստանի

196 Այլ կարծիք տես, օր., **Tourovets A.**, The Assyrian Itineraries in the Zagros during the reign of Sargon II (6th and 8th campaigns) and the question about the correlation between Toponymy and Geography, Iranian journal of archaeological studies, 5, 2015, էջ 23, գծապակ. 2:

սահմանին: Ըստ այդմ՝ Խուբուշկիա-Մուսասիր սահմանը հավանաբար ձգվել է Ների-Հարան գծով:

Խաբխի երկրի և Խուբուշկիայի հարևանությունը փաստում է Սարգոն II-ը՝ նշելով, որ Վերին Զաբը, որի ափին էր Խուբուշկիա քաղաքը, Նաիրիի և Խաբխիի մարդիկ անվանում են Էլամունիա: Ակնհայտ է՝ վերջինս հոսում էր Խուբուշկիայի և Խաբխիի տարածքով: Բացի դրանից՝ Խուբուշկիայի հարևան Թումմե-Թումնին Խաբխիում էր, իսկ նրանց հարևան Կիրրուրին հեռու չէր Ներքին Խաբխիից: Խուբուշկիայից Ասորեստան տանող կայաններից Անիսուն ևս գտնվում էր Խաբխիի մոտակայքում: Խաբխին ներառում էր ոչ միայն Թումմե-Թումնին, այլև Սուգին (Սուկի), Ուկկու-մանի-Կումանին¹⁹⁷ և նրա շրջաններից Խիմեն, Ուատկուն-(Յ)Ատկունը և Լուխին պատկանում էին նաև Ուրուատրի երկրին¹⁹⁸: Խաբխիի հարավային սահմանը հավանաբար անցնում էր Արլ. Խուբուր-Միգուրի լեռներ գծով, հյուսիսայինը հասնում էր Արլ. Խաբուրի և Խեզիլի վերին ավազան և Զուլամերկի ու Թխումի միջնատարածք, արևելյանը անցնում էր Ավ ի Մարկե գետով, արևմտյանը հասնում էր Արարատ-Զուդի լեռնաշղթայի արևելյան և Մեխրի-Մեհրի Նար լեռան շրջակայք: Խաբխին մի քանի պետություններ ներառող տարածաշրջան էր, և Մեծ Զաբը Լևին սուի ավազանից մինչև Շենդինանի գետաբերան հոսում էր նրա տարածքով¹⁹⁹: Եվ պատճառ չկա տարբերակելու Սարգոն II-ի 8-րդ արշավանքի սկզբում և վերջում հիշատակվող Վերին Զաբը. Էլամունիան հոսում էր Խուբուշկիայի և Խաբխիի տարածքով՝ Ուրարտուի և Ասորեստանի միջև: Իսկ Խուբուշկիան Խաբխիին սահմանակցում էր Թխումի հյուսիսում և արևելքում, գուցե՛ն՝ Լևին սուի ավազանում:

Անիսու և Խարրանիա բնակավայրերն ընկած էին Խուբուշկիայից Ասորեստան, Մաննայից Խուբուշկիա և Ասորեստան տանող ճանապարհներին՝ իրարից մեկ օրվա հեռավորությամբ: Խարրանիան նաև Գիլգանու-Գոնսիից Մաննա տանող ճանապարհին էր. Դայան-Աշշուրը Գիլգանու հասնելուց և նրա հարկը ստանալուց հետո հիշատակում է Մաննայից, Գաբուրիսա քաղաքից, Խարրանիա, Շաշգանա, Անդիա երկրներից հարկ ստանալու մասին: Ակնհայտ է՝ որտեղ էլ գտնվեին Գիլգանուն և Խուբուշ-

197 Ու/Կումանի անունը պահպանել է ժամանակակից Կոման բնակավայրը՝ ընկած Անդիայից 9 կմ հարավ-արևելք (տես՝ ԿՄ, էջ 119-120): Այս երկիրը տարածվում էր Կոմանա-Արլ. Խաբուրի գծից հյուսիս ներառելով Չեֆշե և Սեհրի Նարը՝ հասնելով մինչև Մուսուրու-Սուկը: Դա կուտակյալ երկիր էր (տես՝ **Սարգսյան Ա.**, 2019, էջ 236). Որպես հյուսիս-արևելյան հարևանը Ուկկուի թագավորությունն էր, որի անունը պահպանել է ժամանակակից Ալկին. վերջինս ևս կարող էր լինել Խաբխիական երկիր:

198 Հմտ. АВИИУ, 2, 19: RIM 1, A.0.77 1 (22-46): RIM 2, A.0.87 1 (iv7-31):

199 Վերին Զաբի էլամունիա անունը կապված է էլամունի երկրի անվան հետ, որտեղից Թիզաթայալասար I-ը արշավել էր Թալա (Թաղ-Շատալա)-խարուսա (Առնոս)-Մուսուրու (Մուկը)-խունուսու (Մեհրի Նար լեռան շրջակայքում)-Կիպշունա (Չեֆշե) (տես՝ RIM 2, A.0.87 1 (v67-81), (v70), (v82-98), (v99 - vi21), (vi22-38): Էլամունի-էլամուիայի անունը պահպանել են Ալաման-Ավլաման բնակավայրն ու Կուլա Մանիկ դաղը՝ ընկած Մերվանի մոտակայքում, Մեծ Զաբի Լևին սուի վտակի ակունքների շրջանում (այս տեղավայրերի տեղադրության վերաբերյալ տես, օր., **Меликишвили Г. А.**, К вопросу о древнейшем очаге урартских племен, ВДИ, 1947, N 4, էջ 28: **Манандян Я.**, 1956, էջ 12: ԿՄ, էջ 253):

կիան, Խարրանիայի հարկը հնարավոր չէր ստանալ մերձուրմյան շրջանում. նա Ասորեստանին ավելի մոտ էր, Սարգոն II-ի ժամանակ՝ Ասորեստանի կազմում: Մաննայի հարկը ևս Դայան-Աշշուրը ստացել է Մաննա ներխուժելով, իսկ մնացած երկրներն ու բնակավայրերը ցույց են տալիս Մաննա անցնելու երթուղին: Գիբղիի և Կանի Ռաշի միջև են գտնվում ժամանակակից **Բիսզան, Հարան, Շանաշա** և **Հադինա** բնակավայրերը, որոնք համադրելի են **Գաբուրիսային, Խարրանիային, Շաշգանային** և **Անդիային**²⁰⁰: Այնուհետ հիշատակվող **Պերրիա** և **Շաթթուարիա** բնակավայրերի անունները պահպանել են ժամանակակից **Պարաս** բնակավայրն ու **Շաթթա** լեռը. վերջինս գտնվում է Քելյաշինի լեռնանցքից հյուսիս, Բարասգիրի և Գադարի ջրբաժան հատվածում, Ուշնուից հարավ-արևմուտք, իսկ Պարասը նրա և Հադինայի միջև է, Բարասգիրի աջափնյա ավազանում²⁰¹: Ստացվում է՝ Գիլգանու-Գոսնիից Դայան-Աշշուրը իջել է Ռուբար ի Հաջի Բեգ գետի ստորին ավազան, Բիսզան-Հարան-Շանաշա-Հադինա-Պարաս-Շաթթա երթուղով հասել Բերդե Բուքի լեռնանցք, Գադար չայի ավազանով թափանցել է Սուֆիան և Մաննայի արևմտյան շրջաններով իջել Բուշտու (Պարաստան):

Անիսուն Խարրանիայից և Ասորեստանի **Իերի** քաղաքից գտնվում էր մեկ օր՝ շուրջ 30-40 կմ հեռավորության վրա՝ Խաբխիի ուղղությամբ՝ ասորեստանյան սահմանապահ **Բիրաթե** ամրոցի մերձավորությամբ²⁰²: Շենդինան սուի ստորին ավազանում, Արդիլայի և Հերկիի միջնամասում, Հարանից մոտ 30 կմ հյուսիս-արևմուտք և Իրվանից մոտ 42 կմ հյուսիս-արևմուտք գտնվող **Սինա** բնակավայրը հավանաբար համապատասխանում է սեպագրական **Անիսուին**: Սա խաբխիական Սուգի-Սուկիից շուրջ 10 կմ հյուսիս-արևելք է: Ասորեստանը Մուսասիրը բռնակցելուց հետո Մաննայի հետ դժվար թե հանդուրժեր իրենց միջև ուրարտական հենակետերի գոյությունը, և Ուրմիա լճի հարավային և հարավարևմտյան շրջանները են-

200 Այս Անդիան չի կարող համապատասխանել Ջիկիրտուից արևելք Քարանգուի ավազանում ընկած Անդիա երկրին. Դայան-Աշշուրի գրաված տեղավայրերը կողք կողքի էին, և Անդիան պետք է լիներ նրանց շարքում: Անդիա-Հադինա նույնացման վարկածն առավել տրամաբանական է. վերջինս գտնվում է Կանի Ռաշի հյուսիսում կրելով նաև Ռուբար անունը:

201 Շաթթուարիան համապատասխանում է ուրարտական Շաթթերա շրջանին, որի կառավարիչը մահապատժի էր ենթարկվել Քար-Սիպարի (Ջիբար) դիմացի 2 շրջանների, Ուազաեի (Ուեսի/Ուայաիս/Ուայիսի կամ Ուիշե/Ուշնու), Սուսասիրի դիմացի շրջանի և 4 այլ շրջանների կառավարիչների հետ (տե՛ս ABIMY, 50 (1)): Շաթթուարիա-Շաթթերան նույնական է նաև Մենուայի հիշատակած Շաթթիու երկրին, որն ապստամբել էր, և արքան, գրավելով նրա Խուրադինաթու, Գիդիմարու և Թարզոյանանա քաղաքները, կտրել-անցել էր Բուշտու (տե՛ս YKH II, 372, 373): Խուրադինաթուի անունը հավանաբար պահպանել են Խերենա բնակավայրն ու Խերենա Գետիկ լեռը ընկած Ուշնուից արևմուտք, Շաթթայից հյուսիս, Գիդիմարուն կարող է համընկնել Ուշնուից հարավ-արևմուտք Գադարի ափին գտնվող Մերովա բնակավայրին: Ըստ այդմ Շաթթուարիա-Շաթթիու-Շաթթերան ընկած էր Քելյաշինի, Բերդե Բուքի լեռնանցքների և Ուշնուի միջև Շաթթա լեռան շրջակայքում՝ հսկողության տակ պահելով այդ լեռնանցքներն ու Ուշնուի արևմուտքով Քելյաշինի լեռնանցք ու Փոքր Ջաբի ավազան տանող ճանապարհները:

202 Տե՛ս **Parpola S.**, *The Correspondence of Sargon II, Part I: Letters from Assyria and the West*, Helsinki, 1987, (այսուհետ՝ SAA 1), 45: Իերին գտնվում էր (Ներքի՞ն) Ջամուա տանող ճանապարհին (տե՛ս **Lanfranchi G.**, 1995, էջ 134-135) հավանաբար համապատասխանելով Ջիբարի և Սորանի միջև գտնվող ժամանակակից Իրվան բնակավայրին: Բիրաթե գուցե համընկնում է Սինայից 8-9 կմ հյուսիս-արևմուտք և Սուկիից հյուսիս գտնվող Բեհեդա բնակավայրին. Բիրաթե-Բեհեդան Ասորեստանի սահմանապահ ամրոցն էր Խաբխիի սահմանին, և նրա կառավարիչը Անիսու էր եկել զեկուցելու Բիրաթեում և Խաբխիում տիրող վիճակը:

թարկվել են Մաննայի, Ասորեստանի, այնուհետ սկյութների կողմից հարձակումների: Վերջիններս Մաննայից հավանաբար մոտեցել էին Քելեշին Մերգավառ Գեդիկի լեռնանցքին, որ տանում էր խուբուշկիա-ասորեստանյան սահման՝ Խարանիա-Հարան և Անիսու-Սինա: Ասորեստանի և Խուբուշկիայի սահմանը հավանաբար անցնում էր Շենդինան սուի և Ռու Քուչուկի միջնամասով, և այս շրջանի ասորեստանյան կառավարիչը պատասխանատու էր Խուբուշկիայի արքայի երթուղու անվտանգության և ժամանակացույցի համար: Խուբուշկիայի հարկը Խուբուշկիայի Յանգու արքան Անիսու և Խարրանիա էր տեղափոխել 23 օրում. դրա մեծ մասը պետք է հավաքվեր ճանապարհին. անիմաստ կլիներ հարկը, որի մեծ մասը անասուններ էին, տեղափոխել երկրի հյուսիս-արևմուտքում գտնվող մայրաքաղաք, այնուհետ իջեցնել հարավ: Այդ էր պատճառը, որ տեղաշարժն ընթացել էր դանդաղ²⁰³: Եթե հարկն Անիսուով իջեցնեին, մեկ օր շուտ կհասնեին նախատեսված վայր, եթե Խարրանիայով տեղափոխեին, մեկ օր ավելի կտևեր, քանզի այդ մեկ օրը Անիսուի մոտակայքից պետք է հասնեին Խարրանիա: Այս ամենից ակնհայտ է՝ Անիսուն և Խարրանիան Կիրրուրից հյուսիս էին՝ մեկը Խարբիսի ուղղությամբ, մյուսը՝ Մաննայի, իսկ Խուբուշկիան Անիսուի և Խարանիայի հյուսիսում էր:

Մաննայի և Խուբուշկիայի մերձավորությունը փաստված է՝ 1. Սալմանասար III-ի՝ Սունբիի և Խուբուշկիայի համատեղ հիշատակությամբ, 2. Դայան-Աշշուրի Ք.ա. 828 և 827 թթ. արշավանքներով, 3. Շամշի-Ադադ V-ի 3-րդ արշավանքով, 4. սկյութների՝ վերը նշված արշավանքով: Խուբուշկիան և Մաննան մինչև Իշպուհնիի և Մենուայի կառավարումը և Սարգոն II-ի 8-րդ արշավանքից հետո հաղորդակցվում էին Քելեշինի, Բերդե Բուքի և Քելեշին Մերգավառ Գեդիկի լեռնանցքներով: Հետևաբար Խուբուշկիան գտնվում էր Մաննայից հյուսիս-արևմուտք:

Խուբուշկիա մայրաքաղաքը երկրի հյուսիս-արևմուտքում էր՝ Ուայաիսի և Գիլգանուի ուղղությամբ. այնտեղ անցնում էին Սիմեսի-Արիդու-Խուբուշկիա-Սուգունիա, Գիլգանու-Շիլայա-Խուբուշկիա երթուղիներով և Ուայաիսից Վերին Զաբի ավի 4 բերու արշավելով: Խուբուշկիա քաղաքից Ասորեստան անցնում էին Թումմե-Կիրրուրի, Անիսու և Խարրանիա երթուղիներով: Խուբուշկիա քաղաքից Մուսասիր քաղաք արշավում էին Վերին Զաբը հատելով և 4 լեռներ անցնելով: Ստացվում է՝ Խուբուշկիան Մեծ Զաբի աջ ավիին էր՝ Կուր ի Հորե-Արդիլա-Սինա-Թխում գծից հյուսիս, Բարադոստ-Հարան-Շապաթան գծից հյուսիս-արևմուտք, Սուկան-Էսպին-Ուայի-

203 Ս. Պարսիդան և Ջ. Լանֆրենքին կարծում են, որ Խուբուշկիայից դեպի Ասորեստան տանող ճանապարհին հիշատակվող Wa(...) բնակավայրի անունը պետք է կարդալ Wa(isti) (տե՛ս SAA 5, 133): Սակայն Ուայաիսը Խուբուշկիայի հյուսիսում էր, ոչ թե հարավում, և երկրորդ Խուբուշկիայի հարկը դեպի Ասորեստան ուղղակի չէր կարող տեղափոխվել Ուայաիսով, որը հսկում էր Ուրարտուից հարավ ընկած բուֆերային երկրներին, որոնք խուսանավում էին Ասորեստանի և Ուրարտուի միջև: Ուայաիսը չէր գործի Ուրարտուի դեմ և թույլ չէր տա Խուբուշկիայի հարկը իր տարածքով փոխադրել թշնամական երկիր:

սիկ գծից հարավ, Գոսինի-Չիրի Չիրայա գծից հարավ-արևմուտք՝ ցուցանելով Մեծ Զաբի և Լևին սուի միջնատարածքը: Այստեղ ամենանշանավոր քաղաքը Հաքքյարի-Ջուլամերկն է²⁰⁴, որը գտնվում է Արդիլայից մոտ 65 կմ և Թխումից 32 կմ հյուսիս, Չիրի Չիրայայից 13 կմ և Գոսինից 55 կմ հարավ-արևմուտք, Սուկանից 40 կմ և Ուայիսիկից՝ 26 կմ՝ շուրջ 4 բերու հարավ-արևմուտք:

Այսպիսով՝ Խուրուշկիայի հյուսիսային սահմանն անցնում էր Էսպին-Ուայիսիկ-Ցուկսեկովա գծի հարավով, արևմտյանը՝ Ավ ի Մարկե գետի ավազանով, հարավայինը՝ Սինա-Հարան գծով: Խուրուշկիայի տարածքը հյուսիս-արևմուտքում հավանաբար հասնում էր Լևին սու, արևելքում՝ Ցուկսեկովայի հարթավայր, Շենդինանի վերին ավազան և Հարան: Մայրաքաղաք Խուրուշկիան Սիկանիս-Էսպին-Ուայիսիկ-Արդիլա և Գոսինի-Չիրի Չիրայա-Թխում-Կուր ի Հորե երթուղիների հատման կետում էր՝ Մուսասիրից հյուսիս-արևմուտք, Մեծ Զաբի աջափնյակում՝ համապատասխանելով Ջուլամերկին: Սարգոն II-ի զորքը Ուայաիս-Ուայիսիկից շարժվել է Խուրուշկիա-Ջուլամերկ, այնուհետ՝ արևելքում գետանցել Մեծ Զաբը, շարժվել Մուսասիր: Իսկ հիմնական ուժերը, հավանաբար, Ավ ի Մարկեի ավազանով վերադարձել են Կալխու:

IV. Մուսասիրի տեղորոշումը

Մուսասիրը Ասորեստանի, Ուրարտուի, Մաննայի և Խուրուշկիայի միջև բուֆերային թագավորություն էր: Նրա տեղադրությունն ավելի որոշակի է՝ պայմանավորված Քելյաշինի, Թոփուզավայի, Մերգեհ Քարվանի և Մովանայի երկվեզու արձանագրությունների տեղադրությամբ և հիշատակություններով²⁰⁵: Գիտության մեջ առավել ընդունված է Մուսասիրի՝ Ռևանդուզ գետի և Բարադոստի լեռների միջև տեղադրության վարկածը: Մուսասիր քաղաքը նույնացվում է Սիդեկանից հյուսիս-արևմուտք գտնվող Մուջեսիր բնակավայրին²⁰⁶: Սակայն այսպիսի տեղադրությամբ խնդիրը չի

204 Ջուլամերկը հայկական աղբյուրներում հիշատակվում է 10-11-րդ դարից Ջալամար-Ջլմար տարբերակներով կապված Ք.ա. 2-րդ դարի իրադարձությունների հետ (տես **Թովմա Արծրունի և Անանուն**, Պատմություն Արծրունյաց տան, Եր., «Սովետական գրող» հրատ., 1987, էջ 75-76): Խուրուշկիա-Ջուլամերկ/Հաքքյարի համընկնման վարկածն առաջադրել է Ն. Ադոնցը (1972, էջ 79), որը պաշտպանել են, օր., Պ. Պեկորեյան և Ս. Սալվինին (1982, էջ 4, գծա. 1), Ի. Մեդվեդովայան (1989, էջ 111-114), Ա. Սարգսյանը (2000, էջ 145, 151, ծան. 62):

205 Տես YKH, 19, 264: **André-Salvini B., Salvini M.**, The bilingual stele of Rusa I from Movana, SMEA, 44/1, 2002, էջ 5-66, (այսուհետ **André-Salvini B., Salvini M.**, 2002): Մուսասիրը հիշատակվում է Ք.ա. 9-րդ դարի 70-60-ական թթ. մինչև Ասարխադոնի ժամանակաշրջանը: Տեղադրության վարկածները ամփոփ տես **Սարգսյան Ա.**, 2000, էջ 140, ծան. 1-12:

206 Տես **Lehmann-Haupt C. F.**, 1926, էջ 299, 310, 326: **Boehmer R. M.**, Zur Lage von Musasir, "Bagdader Mitteilungen", 1973, Bd. 6, էջ 31-40: **Salvini M.**, Musasir. A. Historisch, in: RIA, 1993-1997, էջ 444-446: **Reade J. M.**, 1994: **Radner K.**, Between a rock and a hard place: Muşasir, Kummé, Ukku and Šubria – the buffer states between Assyria and Urartu. Biainili-Urartu, The proceedings of the symposium held in Munich 12-14 october 2007, Acta Iranica, 2012, էջ 243-264, (այսուհետ **Radner K.**, 2012) և այլք:

կարելի լուծված համարել, և ուսումնասիրողները չեն դադարեցնում Մուսասիրի տեղորոշումը՝ առաջադրելով նոր վարկածներ²⁰⁷:

Ասորեստանյան և ուրարտական սեպագիր հիշատակությունները Մուսասիրի տեղադրության վերաբերյալ փաստում են հետևյալը. այն հարևան էր՝ 1. Խուբուշկիայի թագավորությանը, 2. Ուրարտուի մերձուրմյան տարածքներին, 3. Ասորեստանի արքունի սենեկապետի տիրույթներին. հեռու չէր՝ 1. Գիլգանուից (Գիոսնի), և նրանց միջև առկա էին ուրարտական տիրույթներ, 2. Ուայախս ամրոցից (Ուայխսիկ), 3. Խուբուշկիա քաղաքից (Ջուլամերկ), 4. Քար-Սիպարից (Զիբար)²⁰⁸, 5. Մաննայից²⁰⁹, 6. Վերին (Մեծ) Զար գետի ավազանից և Սիմեսի լեռնանցքից (Մեր ի Մուսակա՞), որտեղից Մուսասիր էին հասնում Խուբուշկիայի տարածքով:

Բացի վերը նշվածից՝

1. Խուբուշկիան սահմանակցում էր Մուսասիրի Ծ/Ջապպարիա ամրոցի շրջակայքին, որտեղից ներխուժում էին Ուրարտուի տարածք, այնուհետ՝ Գիլգանու.

2. Ուրարտուից Մուսասիր մտնում էին և՛ Ուայախսով, և՛ Խուբուշկիայով, իսկ Մուսասիրից Ուրարտու՝ նաև Մովանայով, Մուսասիրից հետևում էին նաև Ուայախսի անցուղարձին²¹⁰.

3. Խուբուշկիա քաղաքից Մուսասիր քաղաք երթուղին անցնում էր Վերին Զար (Էլամունիա) գետով և Շեակ, Արդիկշի, Ուլայատու և Ալլուրիա լեռներով.

4. Մուսասիր քաղաքից Ասորեստան անցնում էին Անդարութթա լեռնանցքով՝ դուրս գալով Խիպպարնա քաղաքի դիմաց.

5. Մուսասիրից Արբելա ճանապարհն անցնում էր ժամանակակից Խեֆթոնով (Խիպթոնա)²¹¹, որտեղից Մուսասիր II, իսկ Մուսասիրից Արբելա 14 օրվա ճանապարհ էր: Սա Ասորեստանի տարածքում անցնում էր Ալամու-Խիպթոնա-Մուսի-Իսսեթ-Արբելա երթուղով²¹².

207 Օր.՝ Ա. Հակոբյանը Մուսասիրը տեղադրել է պատմական Մեծ Հայքի Մոթողանք գավառում նույնականացնելով ժամանակակից Մագրա բնակավայրին (տես **Հակոբյան Ա.**, 2014, էջ 40, ծան. 5, տես քարտեզը): Մոկսում Մուսասիրի տեղադրության վարկածն առաջադրվել է մեր կողմից նույնացվելով այստեղ գտնվող Մուսրուին և Արինուին (տես **Սարգսյան Ա.**, 2000): Ք. Ռեդները ևս պաշտպանել է Մուսրու-Արինու և Մուսասիր-Արդինի նույնականության ի. Դյակրնովի վարկածը (տես **ABUIMY**, 2, ծան. 9) դրանք տեղադրելով Բարադոստում և Սիդեկանի շրջակայքում (տես **Radner K.**, 2012, էջ 245-246): Սակայն այնտեղ է հրաժարվել այս վարկածներից. Մուսրուն և Արինուն Բոհտանի ավազանում էին, Մուսասիր-Արդինին մերձուրմյան ավազանից ոչ հեռու: 2014 թ. Մուջեթիից գտնվել են ուրարտականի նմանվող սյունախարիսներ, որոնք փորձ է արվում կապել Մուսասիրի սյունակերտ տաճարի հետ (տես **Marf D.A.** 2014, *The Temple and the City of Muşafir/Ardini. New Aspects in the Light of New Archaeological Evidence*, Subartu. A Scientific Journal Deals with Archaeology and Heritage Issued by Kurdistan Archaeology Syndicate, vol. 8, էջ 13-29):

208 Տես **ABUIMY**, 50 (12): Քար-Սիպարը նույնացվում է ժամանակակից Զիբարին ընկած Մեծ Զարի և նրա ձախակողմյան Ռու Քուչուկ վտակի միախառնման շրջանում (տես **TY**, էջ 103-104):

209 Տես նույն տեղում:

210 Տես **ABUIMY**, 50 (2):

211 Այս բնակավայրը գտնվում է Դաշտ ի Հարիրում՝ Էրբիլից հյուսիս-արևելք (տես **Lanfranchi G.**, 1995, էջ 130):

212 Տես **SAA** 5, 136: **Lanfranchi G.**, 1995, էջ 128-135:

6. Մուսասիրի բնակավայրերից էր Զա(ր)գարուն, որտեղով Ռուսա I-ը անցել էր Ուրարտուից Մուսասիր քաղաք մտնելու ճանապարհին²¹³: Նրա բնակավայրերից էր նաև Արծիքիելը²¹⁴ .

7. Մուսասիրի և Քար-Սիպարի գինվորները պարեկություն էին անում Ուրարտուի և Մաննայի սահմանին՝ մերձուրմյան հատվածում²¹⁵:

Այսպիսի առատ փաստերի համադրումից հասկանալի է՝ Մուսասիրն ընկած էր Թոփուզավա-Քելյաշինի լեռնանցք-Մերգեհ Քարվան գծի ու Մովանայի միջև, և Մուսասիրն Ուրարտուի հետ սահման ուներ ոչ միայն Ուրմիա լճի ուղղությամբ, այլև Մուսասիրի և Գիլգանու-Գոսինի միջև՝ Մովանա-Յուկսեկովա գծի մերձակայքում²¹⁶: Մուսասիրի Ծ/Ջապպարիա ամրոցը և 46 բնակավայրերն ընկած էին Գոսինիից հարավ-արևելք, ժամանակակից Շենդինլի-Շապաթան-Հարունա ճանապարհի ուղղությամբ, իսկ նրանց ու Գիլգանուի միջև ընկած Ուրարտուի 50 բնակավայրերը Յուկսեկովայի և Մովանայի միջնամասում էին:

Մուսասիրի այսպիսի տեղադրության մասին է վկայում նաև Մուսասիրի Ուրգանա արքայի՝ Արբելա այցի երթուղին²¹⁷: Ուրգանան, Մուսասիրից շարժվելով, 10-րդ օրը հասել էր **Ալամու (Մամուլա՞)**, 11-րդ օրը՝ **Խիպթունա (Խեֆթոն)**, 12-րդ օրը՝ **Մուսի (Մարգա՞ն)**, 13-րդ օրը՝ **Իսսեթ (Զիարաթ)**, 14-րդ օրը՝ **Արբելա (Էրբիլ)**²¹⁸: Խնդիրն այն է, որ Մուջեսիրը Խեֆթոնից ուղիղ գծով մոտ 35 կմ հեռավորության վրա է, իսկ Խեֆթոնը Էրբիլից՝ շուրջ 60 կմ հյուսիս-արևելք: Սա վկայում է այն մասին, որ Մուջեսիրից Խեֆթոն մոտ 1-1,5 օրում հնարավոր էր հասնել, սակայն Ուրգանան այստեղ էր հասել Մուսասիրից դուրս գալու 11-րդ օրը, իսկ մուսասիր-ասորեստանյան սահման՝ Ալամու, 10-րդ օրը: Ուրգանան հարկ էր տեղափոխում և շարժվում էր դանդաղ, որի պատճառով Խեֆթոնից Էրբիլ հասել էր 3 օրում. Մուսասիրի տարածքում նա ավելի դանդաղ պետք է շարժվեր՝ իր

213 Տե՛ս **André-Salvini B., Salvini M.**, 2002, էջ 21, 23: Տառադարձությունում նշված է URUZa-za-r[u], իսկ թարգմանությունում՝ Zarzaru:

214 URU Ar-si-qi-el [-ը հիշատակվում է Մերգեհ Քարվանի արձանագրությունում (տե՛ս նույն տեղում, էջ 21, ծան. 85):

215 Հիշատակություններից մեկում նշվում է, որ ծովափի ուրարտական բնակավայրերի մաննայական բնակչության ապստամբելու պատճառով Քար-Սիպարի և Մուսասիրի զորքերը պարեկության են գնացել Մաննայի սահման (տե՛ս **ABUW**, 50 (12)): Այս հիշատակությունը հիմք է տվել կարծելու, որ 1. Մուսասիրի կառավարիչ Աբակունուն Մուսասիրի ասորեստանյան կառավարիչն էր կամ 2. Մուսասիրը Ուրարտուի գերիշխանության ինչ-որ փուլում վերածվել է մարզի, և Աբակունուն Մուսասիրի ուրարտական կառավարիչն էր (տե՛ս **Գրեկյան Ե.**, 2016, էջ 92-93): Սակայն Քար-Սիպար-Զիբարը Կիրրուրի-Կուրի Հորեի հարավում էր և չէր կարող դուրս լինել Ասորեստանի տարածքից: Այս հիշատակությունը հավանաբար վերաբերում է Ք.ա. 714 թ. հաջորդած շրջանին, երբ Մաննան Ասորեստանի խրախուսմամբ իր սահմանները շարժում էր հյուսիս. նրանք փորձում էին այստեղից վերջնականապես դուրս մղել Ուրարտուին: Այս ծրագիր էին ներքաշվել նաև ուրարտական բնակավայրերի մաննայացի բնակիչները:

216 Դեռևս 1912 թ. Ֆ. Թյուրո-Դանժենը առաջադրել էր վարկած, ըստ որի՝ Մուսասիրը գտնվում էր Դիզե-Գյավառում, և Քելյաշինի ու Թոփուզավայի կղզուները ցույց են տալիս նրա հարավային սահմանը (տե՛ս **Thureau-Dangin F.**, 1912, էջ XVI-XVII):

217 Տե՛ս **SA A 5**, 136:

218 Զիարաթ, Մարգան, Խեֆթոն, Մամուլա բնակավայրերը ընկած են Էրբիլի և Բարագզիի ավազանի միջև (տե՛ս քարտեզը):

բնակավայրերից հարկ գանձելով: Այսպիսի տրամաբանությամբ Մուսասիր քաղաքից Խեֆթոն մոտ 90-100 կմ հեռավորություն պետք է լիներ: Խեֆթոնից Մովանա ուղիղ գծով շուրջ 107 կմ է, Թոփուզավայից Մովանա՝ շուրջ 88 կմ, Քելյաշինի լեռնանցքից Մովանա՝ մոտ 76 կմ: Ակնհայտ է՝ Մուսասիր քաղաքի առավել հավանական տեղադրությունը ոչ թե Մուջեսիր-Թոփուզավա-Քելյաշինի լեռնանցք հատվածում է, այլ այդ գծից Մովանա ընկած տարածքի միջնամասում՝ Շենդինլիում՝ Շենդինանի վերին ավազանում՝ Զերզանում: Վերջինս հավանաբար պահպանել է Մովանայի արձանագրությունում հիշատակվող **Զա(ր)գարու** բնակավայրի անունը: Ռուսա I-ը Մուսասիր էր թափանցել Ուայիսիկ-Յուկսեկովա երթուղով, իսկ Մովանայի կոթողը կանգնեցրել էր Մուսասիրից Ուրարտու վերադառնալու ժամանակ: Զա(ր)գարուն գտնվում էր Յուկսեկովայի և Մուսասիր քաղաքի միջև, իսկ 4 երկլեզու կոթողները տեղադրվել էին Մուսասիրի սահմաններին՝ ի նշան Մուսասիրի նկատմամբ Ուրարտուի գերիշխանության:

Սարգոն II-ը Խուբուշկիա-Ջուլամերկից Սումբուլ դաղի (Արսիո՞ւ) արևմտյան մերձակայքով և Մեծ Զաբի ավազանով մոտ 8 կմ շարժվել է հյուսիս-արևելք, Դեզի Դերրեի գետաբերանի մոտ հատել Մեծ Զաբը²¹⁹ և շարժվել Յուկսեկովայի հարթավայրի ուղղությամբ, այնուհետ թեքվել հարավ-արևելք, Նեհիլ չայի ձախափնյակով, Կոնիա Սավարայի լեռնանցքով և Հարունա բնակավայրի մոտակայքով մտել Շենդինլիի լեռնածոր և հասել Զերզան: Այս երթուղու երկարությունը շուրջ 90 կմ է, որը հնարավոր էր հաղթահարել 3 օրում: Սարգոն II-ի հիշատակած 4 լեռներն այս երթուղու շրջակայքում են: Յուկսեկովայից հարավ-արևմուտք է գտնվում ժամանակակից **Ալեյան** բնակավայրը, որը պահպանել է Սարգոն II-ի հիշատակած **Ուլայաու** լեռնանունը: Վերջինից հյուսիս-արևմուտք և Ջուլամերկից արևելք՝ Բիլիջիի շրջանում է գտնվում ժամանակակից **Շակիթան** բնակավայրը, որի անունն հավանաբար կապված է **Շեակ** լեռնանվան հետ: Նրանից հարավ, Ալեյանից հյուսիս-արևմուտք, Նեհիլի Ուշ Դերրե վտակի ձախափնյակում է գտնվում **Օրիշա** բնակավայրը, որի անունն էլ, հավանաբար, սերում է **Արդիկշի** լեռնանունից: **Ալլուրիան**, հավանաբար, իր անունն է թողել **Հարունա** բնակավայրին՝ տեղակայված Յուկսեկովա-Շենդինլի և Ալեյան-Շենդինլի ճանապարհների խաչմերուկում: Այստեղից Սարգոն II-ը մտել է Մուսասիրի տարածք և Հարունա-Շապարան-Շենդինլի ճանապարհով հասել սրբազան քաղաք: Շենդինլիից մոտ 10 կմ հարավ-արևելք, Կանի Ռաշից շուրջ 36 կմ հյուսիս-արևելք, թուրք-իրանյան սահ-

219 Ջուլամերկից նմանատիպ երթուղի է առաջարկում նաև Ի. Մեդվեդսկայան (1997, գծապկ. 1): Խնդիրն այն է, որ Ջուլամերկից անմիջապես արևելք հզոր լեռներ են և՛ Մեծ Զաբի գետանցման, և՛ արևելք շարժման հարմար ուղին Մեծ Զաբի ձախակողմյան վտակ Դեզի Դերրեի ավազանն է, որտեղ են գտնվում նաև Չիրի Չիրայա, Չամի Չիրի Չիրայա բնակավայրերը (սեպ.՝ Շիլայա): Ըստ Ն. Ադոնցի Խուբուշկիա-Ջուլամերկից Սարգոն II-ը Մուսասիր էր հասել Դիզա-Նեհրի երթուղով (տես **Արոնց Ն.**, 1972, էջ 113):

մանից մոտ 10 կմ արևմուտք, Քելեշին Մերգավառ Գեդիկի լեռնանցքից 12 կմ հյուսիս-արևմուտք Շենդինան սուի վերին ավազանում են գտնվում **Մասիրո** և **Մասիրա** անունով 2 հարևան բնակավայրեր, որոնք, հավանաբար, կապված են Մուսասիր քաղաքի անվան հետ: Այս բնակավայրերն ուղիղ գծով Մովանայից գտնվում են մոտ 38 կմ, Քելյաշինի լեռնանցքից՝ 45 կմ, Թոփուզավայից՝ 50 կմ, Խեֆթոնից՝ 88 կմ, Էրբիլից՝ 132 կմ, Ուայիսիկից՝ 74 կմ, Ջուլամերկից՝ 89 կմ, Շապաթանից՝ 12 կմ, Ուրմիա լճից՝ 56 կմ, Գոսինից՝ 70 կմ, Ուշնուից՝ 48 կմ հեռավորության վրա, և այստեղից հնարավոր էր 14 օրում հարկ տեղափոխել Էրբիլ: Սարգոն II-ի գործը ծանրաբեռնված էր ավարով ու գերիներով և Ասորեստան պետք է վերադառնար ամենակարճ՝ Ջերզան-Բարադոստ կամ Ջերզան-Ջիբար երթուղով, որն անցնում էր **Անդարութթա** լեռնանցքով՝ դուրս գալով **Խիպպարնա** քաղաքի դիմաց²²⁰: Վերջինս, հավանաբար, ժամանակակից **Բերոխ** բնակավայրն է²²¹, ընկած Կանի Ռաշից 15 կմ արևմուտք, Հարանից 5 կմ հարավ-արևմուտք, իսկ Անդարութթա լեռը **Չիա Դարե** լեռնագագաթից **Բալութիա** և **Մավան** բնակավայրեր ձգվող **Ռաշ ի Ռուվան** դաղն է. սա ընկած է Ռուբար ի Հաջի Բեգ գետի աջափնյակում՝ թուրք-իրաքյան սահմանին զուգահեռ՝ հյուսիսից և հարավից ձևավորելով լեռնաձորեր, որոնք միանում են Մավանում՝ ապահովելով Ջերզան-Բարադոստ և Ջերզան-Ջիբար անցումը: Սարգոն II-ը ընտրել է **Մասիրո-Չիա Դարի-Բալութիա-Բերոխ-Հուպա-Ջիբար** երթուղին և շարժվել Կալխու²²²:

Մուսասիրի թագավորությունը հյուսիսում սահմանակցում էր Մովանայի և Յուկսեկովայի հարավային շրջակայքին, արևելքում՝ Ջագրոսով՝ Ուրարտուի մերձուրմյան տարածքներին, հարավում և հարավ-արևմուտքում՝ Հարան-Բարադոստ-Մուջեսիր-Թոփուզավա գծով՝ Ասորեստանին, հարավ-արևելքում՝ Քելյաշինի լեռնանցքով՝ Սուբի-Սուֆիանին և Մաննային, արևմուտքում և հյուսիս-արևմուտքում՝ Հարունա-Նեիրի-Հարան գծով՝ Խուբուշկիային: Խալդի աստծու սրբազան քաղաքը Ջերզանում էր՝ մոտ Ուրարտուի հարավային և մերձուրմյան տիրույթներին՝ ունենալով բնական լավ պաշտպանվածություն և բնակլիմայական բարենպաստ միջավայր: Իսկ Մուջեսիրը, հավանաբար, պահպանել է Մուսասիր երկրի, այլ ոչ թե քաղաքի անունը:

Մինչև Իշպուինիի և Մենուայի ռազմերթը Քելյաշինի լեռնանցք և Աշուրնազիրպալ II-ի և Մալմանասար III-ի կողմից Ջիբարի և Կիրրուրիի

220 Անդարութթան հիշատակվում է նաև Մովանայի երկելգու կոթողում (տե՛ս **André-Salvini B., Salvini M.**, 2002, էջ 22-23):

221 Խիպպարնան կարող է համապատասխանել նաև Բերոխից 4 կմ հարավ-արևմուտք գտնվող Հուպա բնակավայրին:

222 Խիպպարնան Ասորեստանի տարածքում էր՝ Խարրանիա-Հարանի մերձավորությամբ: Վերջինս Ասորեստանի կազմում էր, և նրանից հարավ-արևմուտք գտնվող Բերոխն ու Հուպան ևս Մուսասիրից դուրս էին հավանաբար Ասորեստանի արքունի սենեկապետի տիրույթներում:

բռնակցումը Մուսասիրը, հավանաբար, ընդհանուր սահման չունեք Ասորեստանի հետ. Իշպուիսին ու Մենուան են Զագրոսի լեռնանցքները գրավել Խուբուշկիայից ու Ներքին Զամուայից և կցել Մուսասիրին ու Ուրարտուի մերձուրմյան շրջաններին՝ փակելով այս ուղղությամբ Ասորեստանի, Մաննայի և Խուբուշկիայի ճանապարհները: Շուրջ 100 տարի այս իրավիճակը պահպանվել է: Ռուսա I-ը Մուսասիրի գորքի մասնակցությամբ իրականացրել է Ասորեստանի լեռներ արշավանք՝ հասնելով Թոփուգավայի շրջակայք, պատժել Զիբարի դիմացի 2 ուրարտական շրջանների և Շաթթերայի (Շաթրա) կառավարիչներին. վերջինիս հավանաբար վստահված էր Քելյաշինի, Բերդե Բուքի լեռնանցքների և Ուշնուի արևմտյան շրջանների պաշտպանությունը: Սակայն Սարգոն II-ի 8-րդ արշավանքից հետո իրադրությունը փոխվել է. Մուսասիրը կցվել է Ասորեստանին, Ուրարտուի Ուրմիա լճի արևմտյան և հարավային պաշտպանական համակարգը ավերվել է, իսկ այդ հատվածում Զագրոսի լեռնանցքները հասանելի են դարձել Ասորեստանի և սկյութների համար:

Ուրվագծվում է նաև Ուրարտուի արքաների՝ Մուսասիր կատարած արշավանքների երթուղին. նրանք Ուայախս-Ուայխսիկ ամրոցից շարժվում էին Յուկսեկովա-Շապաթան-Շենդինլի ներկա ճանապարհով, հասնում Մասիրո, որտեղից կարող էին թափանցել և՛ Ուշնու, և՛ Զիբար, և՛ Բարադոստ: Իշպուիսին ու Մենուան, այնուհետ Ռուսա I-ը Մուսասիր-Մասիրոյից, հավանաբար, Քելեշին Մերգավառ Գեդիկով դուրս են եկել Ուշնու, այնուհետ մտել Քելյաշինի լեռնանցք: Ռուսա I-ը հասել է նաև Թոփուգավա, վերադարձել Մերգեհ Քարվան-Մովանա երթուղով: Հարց է մնում՝ արդյո՞ք Սիդեկանի շրջակայքում և Բարադոստում՝ Զիբարի դիմաց ընկած 2 շրջաններն ու Շաթթերայի շրջանը պատկանում էին Մուսասիրին, թե՛ դրանք ուրարտական շրջաններ էին, և Մուսասիրն Ասորեստանին սահմանակից էր միայն Գիրդի-Բարադոստ հատվածում²²³: Հնարավոր է, որ Իշպուիսին և Մենուան այդ շրջանը կցել են Մուսասիրին, իսկ Ռուսա I-ը դրանց կառավարիչներին և Մուսասիրի արքային պատժելուց հետո այդ շրջանները կցել էր Ուրարտուին:

Այսպիսով՝ Խուբուշկիայից (Զուլամերկ) Սարգոն II-ի գորքը շարժվել է հյուսիս-արևելք, Գեգի Գերբեի գետաբերանի մոտ գետանցել Մեծ Զաբը, արշավել արևելյան, ապա հարավարևելյան ուղղությամբ՝ Շեակ (Շակիթան) և Արդիկշի (Օրիշա) լեռների միջով, Ուլայաու (Ալեյան), Ալլուրիա

223 Ուրարտական մահապատժի ենթարկված 9 կառավարիչների շարքում էին Մուսասիրի դիմացի շրջանի, Ուագաեի, Քար-Սիպարի դիմացի 2 շրջանների և Շաթթերայի շրջանի կառավարիչները (տես АВИИУ, 50 (1)): Մուսասիրի դիմացի շրջանի կառավարիչը կամ մերձուրմյան շրջանի կառավարիչն էր, կամ Մուսասիրի և Ուեսիի միջև գտնվող շրջանի կառավարիչը, եթե, իհարկե, վերջիններս անմիջական հարևաններ չէին: Քար-Սիպարի դիմացի 2 շրջանները պետք է գտնվեին Բարադոստում և Սիդեկանում, Շաթթերայից (Շաթրա) արևմուտք: Դրանք չէին կարող գտնվել Զիբարի հյուսիսում, հյուսիս-արևմուտքում և հյուսիս-արևելքում, որտեղ Կիրրուրին էր, Թումմեն, Խուբուշկիան և Մուսասիրը:


(Հարունա) երթուղով և **Զերգանով (Զա(ր)գարու)** հասել **Մուսասիր (Մասիրո)**, այստեղից շարժվել **Անդարութթա** լեռնանցքով՝ **Չիա Դարիի** հյուսիսային լեռնաձորով կամ **Ռուբար ի Հաջի Բեգ** գետի ձորով և **Խիպպարնայով (Բերոխ** կամ **Հուպա)** իջել **Կալխու**՝ ավարտելով արշավանքը²²⁴:

Արտակ Ս. Սարգսյան – հեղինակ է շուրջ տասը գիտական հոդվածների և թեզիսների: Զբաղվում է Հայկական լեռնաշխարհի հնագույն պետական կազմավորումների, Հյուսիսային Միջագետքի և Իրանական բարձրավանդակի երկրների Ք.ա. II-I հազարամյակների պատմության և պատմական աշխարհագրության հիմնահարցերով:

Էլ. հասցե – sargsyan_artak@mail.ru

224 Դեպի մերձուրմյան, Փոքր Զաբի և Շեմդինան սուի վերին ավազան տանող այս երթուղին լավ հայտնի էր ասորեստանցիներին: Գրեթե նույն երթուղով էր Ք.ա. 828 թ. Ղայան-Աշշուրը դուրս եկել Մալխիսա-Մալլախսա և Մաննա: Այսպես պետք է Քար-Սիպարի գորքերը իջնեին Մաննայի մերձուրմյան սահման Մուսասիրի հետ պարեկության: Այս երթուղով էին սկյութները Մաննայից սպառնում թափանցել Խարրանիա-Հարան և Անիսու-Սինա: Թուկութի-Նինուրտա II-ը ևս Ք.ա. 886 թ. Կիրրուրիից (Կուր ի Հորե) Ուրրուբնու (Ռեբարո՞կ) էր դուրս եկել այս երթուղով և Զագրոսի լեռնանցքներով հասել Փոքր Զաբի վերին ավազան Լուլլու:

* Սույն հոդվածը գրելիս ցուցաբերած օժանդակության համար շնորհակալություն եմ հայտնում պատմ. գիտ. դոկտոր Երվանդ Գրեկյանին:



ՄԱՐԿՈՒՆ ԱՍՏՒՍ Բ.Ա. 7.14 Թ.
ԱՐՇԱԿԱՆՔԻ ԵՐԹՈՒԴԻՆ
Հողիմակ՝ Արտապ Արզայան, 2021 թ.

THE ITINERARY OF THE CAMPAIGN OF SARGON II IN 714 BC

New solutions for the centennial debate

Artak S. Sargsyan

Key words – Assyria, Urartu, Mannea, Nairi-Hubuškia, Musasir, Lake Urmia, Lake Van, Assyrian-Urartian conflict, Sargon II, 8th campaign, cuneiform sources, toponyms, identification, localization, itinerary, historical geography.

The article discusses the itinerary taken by the Assyrian army of Sargon II, king of Assyria (721-705 BC), during his campaign towards Mannea and Urartu in 714 BC. The study is based on a comparative analysis of cuneiform sources, as well as a comparison of cuneiform toponyms with modern and historical names of various regions and settlements. As the study of those sources show, the Assyrian army crossed the Great Zab river about 70 km north-east of Kalhu (Nimrud), and after 3 days overcoming about 120 km along the river Rovanduz, passes Kullar (Kaolan-Bin I Sar (Bunais)) and Govra Shinki, also crossed the river Little Zab. Having reached Gerdeh Sur and Sufian (Sumbi/Sunbi), to the borders of Manna and Urartu, the army moved eastward, crossed the mountains Nikippa (Bahram Boga) and Upa (Bai Dag), the Buia river flowing from Bai Dag, and reached Simirria (Chemelyan), entering Urartu. In the south of Lake Urmia, the army crossed the path of Biruatti (Pirtandur)-Sinabir (Shirineva)-Aḫshuru (Shahurkand)-Rappu (Tatao river) and Arattu (Jagatu river, Vararatn)-Suia (Shoria) and entered the Mannean region of Surikash, located south-east of Miandoab. From the fortress of Sinihini (Shinabad), Sargon's army passed through the country of Allabria (in the basin of the Tatao river), to the east of which was the country of Karallu (Kuliar). From the Latashe fortress (Darveshan?), in Allabria country, the army of Sargon II reached Parsuash (Parsha), then moved north to the Sirdakka-Zirdiakku fortress (Sardako), in the Missi (Musi) region, and marched, passing about 160-170 km between Bukan and Sakkiz, then along the Jaghatu river basin, reached the Panzish fortress (Parshikand), located 30 km north-east of Miandoab. Capturing Parda (Arpad), the capital of Zikirtu, Sargon reached the basin of the river Shor, tributary of the river Karangu, turned to the west and moved to Aukane (Argun), raiding the settlements of Ishtaippu (Ishlakand), Saktatush (Chaktir), Nenzu (Nazar Karez?), Gurrusupu (Dorsu?), Kabani (Chebani), Barunakku (Ablakh?), Ubabaru (Baba Kur Kur), Siteru (Zulgadar?), Tashtami (Tastabar), Tesammiu (Suma).

Entering the Uishdish, near the south-western slope of the mount of Sohend (Uaush) the army of Sargon II defeated the allied army of Rusa I, and then moved north, entered the Urartian regions of Subi, Zaranda (Sahand) and Bari (region of the Sangibutu (hist. Gabityan) in the basin of the Barush river), passing the route Ushkaia (Osku), near mount Millau (Milan)-Zaranda (Sahand)-Aniashtania (Anarjan or Asinjan)-Bari (Bare)-Tarui (Toykaun)-Tarmakisu (Tabriz): the last two fortresses were in the Dalaia region-in the Talheh Rud basin. In Sangibutu, the route continued through the settlements of Sardurihurda (Sardarud)-Ulhu (Akhulu)-Shashzissa (Siz)-Hundurna (Kundur)-Vadnaunza (Vanza)-Arazu (Ersi)-Shadishşinia (Zanjhira)-Eliadinia (Valdian)-Kinishtania (Keniani) lying at the eastern and northern foothills of Meshou Dag (Arşabia), and reached the mount Irtia (hist. Tagryan). Further, in the Armariali region (hist. Great Aghbak and Arna), the invasion took place along the route Bubuzi (Bobarzan)-Hundur (Hodar)-Riar (Ravian)-Aiale (Aleri)-Şinishpala (Kani Spi)-Sharni (Soradir)-Arna (hist. Arna)-the temple of the God Haldi (on the site of the monastery St. Barthelemy)-Arbu (hist. Arebanos). Then the army moved through the territory of Aiadu (Aiduni, Hayots Dzor), along the route Anzalia (Arindi?)-Uizuku (Bashad Dag)-Kuaiaian (Kanguar)-Kallania (Koran/Gyorandasht), entered Gevash (hist. Rshtunik), captured the coastal the settlements of Aiadu from Arşidu (mount Artos) to Maşunnia (Mokhraberd), including the fortresses of Kallania (Gyorandasht) and Argishtuina (Mokhraberd), the settlements of Bitaiia (Batkants), Aluarza (Akhavants), Kiuna (Kavash), Alli (Ili), Arzugu (Angalur?), Shikkanu (Ishkert), Daiazuna (Dakhmants), Baniu (Bogonis?), Birhuluza (Virkunis), Dezizu (Degdzis, Teztis), Abaindi (Arberd), Haşrana (Snar), Parra (Poghants or Paghghat), Aniastania (Herishat), Balduarza (Bakhavants), Saruardi (Saren), Shummatar (Matmants or Shmshema), Şiqarra (Tsrtakar), Old Uaiiais (Uishini, hist. Vostan). Sargon's army returned from Mokhraberd and crossed the rivers Alluria, Kallania (Gyorandasht), Innaya and penetrated into the Uaiiais region, moved along the route Barzuriani (Bazirawan Dag)-Ualtukuya (Warkuni Dag)-Kutta (Khuta)-Kippa (Kup Dag)-Asapa (Espin), came up the fortress of Uaiiais (Waisik), located about 26 km north-east of Julamerk (Hakkari). From here, Sargon moved to Hūbuşkia (Julamerk), sent most of the army to Assyria, and the army consisting of 1,000 soldiers at the estuary of Dezi Derre crossed Great Zab, moved along the route Sheiak (Shakitan)-Ardikshi (Orisha)-Ulaiiau (Aleyan)-Alluria (Haruna), and through Shemdinli entered Zerzan (Za(r)zaru), seizing the city of Muşaşir (Masiro, Masira). The army returned to Assyria through a gorge that stretched along the line of Chia Dari-Balutia (Andarutta), reached Berokh and Hupa (Hipparna) and descended to Kalhu. In total, the army of Sargon II passed a distance of around

1600 km in 3,5 months. As a result of this campaign the land of Muṣaṣir was captured and attached to Assyria. Another region, the land of Uishdish, was passed to the hands of the Manneans, allies of Assyria. With the restoration of the itinerary of this campaign it becomes possible to draw the limits of the Mannea kingdom and its surrounding lands, including Muṣaṣir and Ḫubuška, as well as almost the entire southern borders of Urartu.

Резюме

МАРШРУТ ПОХОДА САРГОНА II В 714 Г. ДО Н.Э.

Новые решения столетней дискуссии

Артак С. Саргсян

Ключевые слова - Ассирия, Урарту, Манна, Наири-Хубушкия, Мусасир, озеро Урмия, озеро Ван, ассирурартский конфликт, Саргон II, 8-ой поход, клинописные источники, топонимы, идентификация, локализация, маршрут, историческая география.

В статье анализируется маршрут ассирийской армии Саргона II, царя Ассирии (721-705 гг. до н.э.), во время его похода на Манну и Урарту в 714 г. до н.э. Исследование основано на сравнительном анализе клинописных источников, а также сравнении клинописных топонимов с современными и историческими названиями различных регионов и населённых пунктов.

Как показывает изучение этих источников, ассирийская армия пересекла реку Б. Заб примерно в 70 км к северо-востоку от Калху (Нимруд), и после 3-дневного пути и преодоления около 120 км вдоль р. Ровандуз, перевалов Куллар (Каолан-Бин И Сар (Бунаис)) и Говра Шинки-пересекла также реку М. Заб. Достигнув Герде Сура и Суфиана (Сумби/Сунби), границы Манны и Урарту, армия двинулась на восток, перешла горы Никиппа (Бахрам Бога) и Упа (Баи Даг), реку Буйя, текущую из Баи Дага, и достигла Симирии (Чемелиян), вступила в Урарту. На юге озера Урмия армия перешла путь Бируатти (Пиртандур)-Синабир (Ширинева)-Ахшуру (Шахурканд)-Раппу (р.Татао) и Аратту (р. Джагату, Вараратн)-Суйа (Шория) и вошла в маннейский район Сурикаш, расположенный к юго-востоку от Миандооба. От крепости Синихини (Шинабад) армия Саргона прошла через страну Аллабриа (в бассейне р.Татао), к востоку от которой находилась страна Караллу (Кулиар). От крепости Латаше (Дарвешан?), в стране Аллабрии, армия Саргона II достигла к Парсуаш (Парша), затем двинулась на север к крепости Сирдакка-Зирдиаку (Сардако), в районе Мисси (Муси). Затем прой-

дя около 160-170 км пути между Буканом и Саккизом и через бассейн р. Джагату армия достигла крепости Панзиш (Паршиканд), расположенной в 30 км к северо-востоку от Миандооба. Захватив Парду (Арпад), столицу Зикирту, Саргон достиг бассейна р. Шор, притока р. Карангу, повернул на запад и двинулся к Аукане (Аргун), совершая набеги на поселения Иштаиппу (Ишлаканд), Сактатуш (Чактир), Нензу (Назар Карез?) Гуррусупу (Дорсу?), Кабани (Чебани), Барунакку (Аблах?), Убабару (Баба Кур Кур), Ситеру (Зулгадар?), Таштами (Тастабар), Тесаммию (Сума). Вступая в Уишдиш, недалеко от юго-западного склона г. Сохенд (Уауш), армия Саргона II победила союзную армию Руса I, а затем двинулась на север, вступив в урартские регионы Суби, Заранда (Саханд) и Бари (район Сангибуту (ист. Габитян) в бассейне реки Баруш), пройдя по маршруту Ушкайа (Оску), возле горы Миллау (Милан)-Заранда (Саханд)-Аниаштаниа (Анарджан или Асинджан)-Бари (Баре)-Гаруи (Тойкаун)-Гармакису (Габриз): последние две крепости были в регионе Далайа-в бассейне Талех Руд. В Сангибуту маршрут продолжался через поселения Сардурихурда (Сардаруд)-Улху (Ахулу)-Шашзисса (Сиз)-Хундурна (Кундур)-Ваднаунза (Ванза)-Аразу (Эрси)-Шадишциния (Зенджира)-Элийадиния (Валдиан)-Кинаштаниа (Кениани), лежащие у восточных и северных подножий Мешоу Дага (Арцабиа), и достиг г. Иртия (ист. Тагрян). Далее, в регионе Армарийали (ист. Б. Агбак и Арна), войско двинулось по маршруту Бубузи (Бобарзан)-Хундур (Ходар)-Рийар (Равян)-Айале (Алери)-Цинишпала (Кани Спи)-Шарни (Сорадир)-Арна (ист. Арна)-храм бога Халди (на месте монастыря Св. Варфоломея)-Арбу (ист. Арбанос). Затем армия двинулась через территорию Айаду (Аидуни, Хайоц дзор), по маршруту Анзалиа (Аринди?)-Уизуку (Башад даг)-Куайаин (Кангуар)-Калланиа (Коран/Гёрандашт), вошла в Геваш (ист. Рштуник), захватила прибрежные поселения Айаду, от Арциду (г. Артос) до Махунниа (Мохраберд), включая крепости Калланиа (Гёрандашт) и Аргиштиуна (Мохраберд), поселения Битая (Батканц), Алуарза (Ахаванц), Киуна (Каваш), Алли (Или), Арзугу (Ангалур?), Шиккану (Ишкерт), Дайазуна (Дахамантц), Баниу (Богонис?), Бирхилуза (Виркунис), Дезизу (Дегдзис, Тезтис), Абаинди (Арберд), Хасрана (Снар), Парра (Поганц или Паггат), Аниаштаниа (Херишат), Балдуарза (Бахаванц), Саруарди (Сарен), Шумматар (Матманц или Шмшема), Цикарра (Цртакар), Старый Уайаис (Уишини, ист. Востан). Армия Саргона вернулась из Мохраберда и пересекла реки Аллуриа, Калланиа (Гёрандашт), Иннайа и проникла в регион Уайаис, двинулась по маршруту Барзуриани (Базираван Даг)-Уалткукуйа (Варкуни Даг)-Кутта (Хута)-Киппа (Кип Даг)-Асапа (Эспин), подошла к крепости Уайаис (Уаисик), расположенной на расстоянии около 26 км к северо-востоку от Джуламерка (Хаккари). Отсюда Саргон двинулся в Хубушкию (Джуламерк), отправил большую часть армии в Ассирию, а войско

из 1000 солдат в устье р. Дези Дерре перешло Б. Заб, двинулась по маршруту Шейак (Шакитан)-Ардикши (Ориша)-Улайау (Алеян)-Аллуриа (Харуна), и через Шемдинли вошло в Зерзан (За(р)зару), захватив город Мусасир (Масиро, Масира). Армия вернулась в Ассирию через ущелье, протянувшееся по линии Чиа Дари-Балутиа (Андарутта), достигла до Бороха и Хупы (Хиппарна) и спустилась в Калху. В общей сложности армия Саргона II за 3,5 месяца прошла расстояние в 1600 км. В результате этой кампании страна Мусасир была захвачена и присоединена к Ассирии. Другой регион, страна Уишдиш, перешла в руки маннейцев, союзников Ассирии. Восстановив маршрут этой кампании, стало возможным очертить границы Манейского царства и прилегающих стран, включая Мусасир и Хубушкиа, а также почти всю южную границу Урарту.

REFERENCES

1. **Adonts' N.**, Hayastani patmut'yun, Er., "Hayastan" hrat., 1972, (frans. 1946) **(In Armenian)**.
2. **Aliev I. G.**, Istorija Midii, Baku, izd. AN Azer. SSR, 1960 **(In Russian)**.
3. **Anania Shirakats'i**, Matenagrut'yun, "Ashkharhats'uyts", Er., "Sovetakan grogh" hrat., 1979 **(In Armenian)**.
4. **Arutjunjan N.**, Biainili (Urartu), Jer., izd. AN Arm. SSR, 1970 **(In Russian)**.
5. **Arutjunjan N.**, Toponimika Urartu, Jer., izd. AN Arm. SSR, 1985 **(In Russian)**.
6. **Badalyan G.**, Arevmtyan Hayastani patmazhoghovrdagrakan nkaragirë Mets' egherni nakhõrein, "Vëm", Er., 2015, N 3 (51), p. I-XXXV **(In Armenian)**.
7. **Diakonov I. M.**, Assiro-vavilonские истоchniki po istorii Urartu, "Vestnik drevnej istorii", 1951, N 2-3 **(In Russian)**.
8. **Diakonov I. M.**, Istorija Midii, Moskva-Leningrad, izd. AN SSSR, 1956 **(In Russian)**.
9. **Eremyan S.**, Hayastanë èst "Ashkharhats'uyts'i", Er., HSSR GA hrat., 1963 **(In Armenian)**.
10. **Eremyan S.**, Haykakan arajin petakan kazmavorumnerë, "Patmabanasirakan handes", 1968, N 3, ej 91-120 **(In Armenian)**.
11. **Grantovskij E. A.**, Rannjaja istorija iranskix plemjon Perednej Azii, Izdanie vtoroje, M., izd. Vostochnoj lit., 2007 **(In Russian)**.
12. **Grekyan E.**, Biainili-Urartu. Petut'yun ev hasarakut'yun (patmahnagitakan hetazotut'yun), Doktorakan atenakhosut'yun, Er., 2016 **(In Armenian)**.
13. **Grekyan E.**, Mannayi t'agavorut'yan varch'ak'aghak'akan miavorneri ev drants' teghadrut'yan shurj, "Merdzavor ev Mijin Arevelk'i erkrner ev zhoghovurdner", XIX, Er., HH GAA Arevelagit. inst., 2000, ej 153-172 **(In Armenian)**.
14. **Grekyan E.**, Urartu ev Manna (Merdzurmyan avazanum urartakan tirapetut'yan hastatman shurj), Arevelk' (hodvats'neri zhoghovats'u), Er., HH GAA "Gitut'yun" hrat., 2001, ej 5-19 **(In Armenian)**.
15. "Hayastani ev harakits' shrjanneri teghanunneri bararan", hat. 1, Er., Er. hamalsarani hrat., 1986 **(In Armenian)**.
16. **Hakobyan A.**, Sargon B-i arshavank'n Urartu ev hin Hayastani patmakan ashkh'arhagrut'yunë, "Vëm", Er., 2014, N 1 (45), ej 39-61 **(In Armenian)**.

17. **Harut'yunyan B.**, Mets Hayk'i Vaspurakan ashkharhē čst "Ashkharhats'uyts'i", "Banber Erevani hamalsarani", 1983, N 3 (51), ej 110-139 **(In Armenian)**.
18. **Harut'yunyan B.**, Mets Hayk'i Parskahayk' ashkharhn čst "Ashkharhats'uyts'i", "Patmabanasirakan handes", 1989, N 2, ej 26-39 **(In Armenian)**.
19. Hay zhoghovrdi patmut'yan k'restomatia, hat. I, Er., Er. hamalsarani hrat., 1981 **(In Armenian)**.
20. "Haykakan sovetakan hanragitaran", hat. 11, Er., "Hay sovetakan hanragitaran" hrat., 1985 **(In Armenian)**.
21. **Katvalyan M.**, Urartu (Araratyan t'agavorut'yun), Haykakan Sovetakan hanragitaran, hat. 13, Er., "Hay sovetakan hanragitaran" hrat., 1987 **(In Armenian)**.
22. **Manandjan Ja.**, O nekotoryx problemax istorii i geografii drevnej Armenii, Jer., Ajpetrat., 1956 **(In Russian)**.
23. **Medvedskaja I. N.**, Drevnij Iran nakanune imperij (IX-VI vv. do n.e.): Istorija Midijskogo carstva (Avtoref. diss. na soisk. uch. step. DIN), St-P., 2007 **(In Russian)**.
24. **Medvedskaja I. N.**, K utochneniju marshruta Sargona v 714 g. do n.e., "Vestnik drevnej istorii", 1989, N 2, ej 100-117 **(In Russian)**.
25. **Melikishvili G. A.**, Drevnevostochnyje materialy po istorii narodov Zakavkazja. Nairi-Urartu, t. 1, Tbilisi, AN Gruz. SSR, 1954 **(In Russian)**.
26. **Melikishvili G. A.**, K voprosu o drevnejšem ochage urartksix plemjon, "Vestnik drevnej istorii", 1947, N 4, ej 21-29 **(In Russian)**.
27. **Melikishvili G. A.**, Urartovedcheskie zametki, "Vestnik drevnej istorii", 1951, N 3, ej 174-181 **(In Russian)**.
28. **Melikishvili G. A.**, Urartskie klinoobraznye nadpisi, M., izd. AN SSSR, 1960 **(In Russian)**.
29. **Melikishvili G. A.**, Urartskie klinoobraznye nadpisi, II. Otkrytija I publikacii 1954-1970 gg., "Vestnik drevnej istorii", 1977, N 3 (117), N 4 (118) **(In Russian)**.
30. **Movses Khorenats'i**, Patmut'yun hayots', Er., "Hayastan" hrat., 1968 **(In Armenian)**.
31. **Piotrovskij B. B.**, Vanskoe carstvo (Urartu), M., izd. Vostochnoj lit., 1959 **(In Russian)**.
32. **Sargsyan A.**, Ardini-Musasiri teghoroshman shurj, "Merdzavor ev Mijin Arevelk'i erkrner ev zhoghovurdner", XIX, Er., 2000, ej 140-152 **(In Armenian)**.
33. **Sargsyan A.**, Asorestani ark'a T'ukult'i-Ninurta I-i arshavank'i ert'ughin Kuti, Shubari ev Nairi, "Vēm", Er., 2019, N 2, ej 232-251 **(In Armenian)**.
34. **Sargsyan A.**, T'iglat'palasar I-i m.t.a. 1112 t'vakani nairyan arshavank'i ert'ughin, "Patmabanasirakan handes", 2002, N 3, ej 215-224 **(In Armenian)**.
35. **T'ovma Artsruni ev Ananun**, Patmut'yun Artsrunyats' tan, Er., "Sovetakan grogh" hrat., 1978 **(In Armenian)**.